

ЛЕМКІВСКІЙ КАЛЕНДАР

2000



БІБЛІОТЕКА
ЕСІДЫ - 10

2000
ЛЕМКІВСКІЙ
КАЛЕНДАР

СТОВАРИШЫНЯ ЛЕМКІВ
КРЕНИЦЯ - ЛІГ'НИЦЯ
2000

*Редакция загальна,
комп'ютеровий склад:
Петро Трохановський*

*Календарий, коректа:
Даміан Трохановський*

*Окладинка – передня і задня сторона
репродукції малюнків
Епифана Дровняка - Никифора*

ISBN 83-909730-2-2

Розповаджання власне Стоваришия Лемків – копювання застережене

Слово на пращања другого тисячоліття

Чым народ барже єдноплемінний і більше зосереджений, тым він барже єдномисний, міцний і важний; чым більше находит ся медженим чуджоплемінців, тым більше непорозумлінь і неповоджынь.

(Йоан Орлай, 1770-1829)

Тільки уж слів в преріжних видањах повіджено на тему того великого ювілею, што доправды трудно здобыти ся на даяку оргінальніст, особливі в основным його вымірі – як Ювілею Двотисячоліття Християнства. Та понеже „Лемківскій Календар” не єст релігійным видањом, і зато же християнське двотисячоліття в рахубі свого часу вызначало тыж історию нашого сьвіта в цілым, історію держав, народів, спільнот – спрібуєме вшытко єдно представити дакус інакше пізриня што до перекрочування той высокой меджы, пращања величезного для людскости періоду. (Для людскости, для homo sapiens – бо для натуры ден стає по ночы без ріжници і без взгляду на вызначены человеком рокы. Мы сами в фізичным сенсі тыж станеме з остатньой ночы 2000. рока до нового дня не інакше нич ставали сме през ціле жыття, як ставали покоління. А лем зато же сме „розумны сотвориня”, сотворили мы – не все розумні – епохи, періоды. Грань таким чловчым просторам часу вызначат з грубша барз „округлий” двотисячний рік. Зато зас, же єст округлий, привертат в особливий спосіб нашу увагу.)

В лемківским вымірі виджыня высокой меджы часу родит ся само з нашой найнівшої історії, яка – на жаль – находит аналогію в подіях сперед... тисяча років. І в тым кryє ся дост паскудна оргінальніст, не барз будуючи

рефлексії. — Перше тисячоліття попращали мы іщи як Білти Хорваты, але уж на наш вільний карпатський съвіт сідати зачали гмты. Хырбет Бескіда зеленого — дотепер не розділюючий, а будучий лем Хырбетом Сонця — значыти зачали кордоны міцнійших сусідів. Зато лем міцнійших, же дорастаючих в хосенційших географічних обставинах, консолідуючих ся на великих, догідных просторах. Географія творила історию — кому велику, кому малу.

Друге тисячоліття (так з грубша) прожили мы як поневоленые, але преці в якысым сенсі — вільны, бо все жыточы на Хырбеті Сонця, во своій земли. Бракло нам, правда, піл століття, та жыло іщи (ци акуратні дожыват) покоління, яке, хоць выгнане, все было ДОМА. Знам, бо ём виділ і пуповином одчувал, як моі мама заєдно ставали до нового дня не деси „там”, на болячых рівнинах, а ДОМА. Взериали ся сходячому сонцю понад силуеты рідных Гір. Ходили, ступали, не пересыпуючы медже пальцями босых ніг сивий західнього піску, а стрясаючы росу по жывозеленых горбках.

Днес — як дуже спосеред нас, тых жыточых во Вроцлаві, в Лігници, Любіні, Зеленій Горі, Гожові, в гмераючым Михалові, Чмелю, Погожелісках, Вількоціні, Бобровицях, хто з нас носит іщи в собі Яворину, Кычера, Магуру, Чершлю ци Зелярку? Носит на штоден, лігаючы і стаючы до нового дня. Носит не лем під час съпіваня на сцені *Цне ся мі за тобом, мій лемківський краю*. Хто? Днес — як в Павловичовим: *Мало нас ту, мало, послі них остало...* — тратиме tot святий образ. Тратиме акуратні на грани другого тисячоліття, як колиси на грани першого тисячоліття — волю. В штораз рідших рядах чуєме ся іщи Собом, але ци Дім Світа долго постарчыт нам за ДІМ?

Перше наше тисячоліття (же ся іщи верну), зовут поганським. Як вірний християнин, не люблю того окрісління. Хоць само слово, походяче од латинського „*paganus*”,

значыт невинні: селянин, простий, невчений — набрало пак барже пейоративной одтени і днес видиме го радше „погано”. Та хоцьбы виділ як треба, *не наша вина* — як рече сучасна поетеса — же были мы, коли были, просты, невчены. А по друге, вынесли мы прещі з того часу заховану до днес „ладу” і „коляду”. Жыючы актыўні і організувано, вынесли мы і свое лице. Посъвідчене в документах Сходу і Заходу.

Друге тисячоліття, по нашым падінню, зачало ся паростолітнем якбы небытністю. З рідка лем засыпівал свою смутну пісню бард Митуса, котрого за гордіст, бо *не хтіл служыти князю Данилови, обдертого і звязаного привели перед княже облича*. Деси там, по другій страні Хырбета, дышол до значыння жупан Петро Петрович, што го увічнил Людовіт Штур в своій великій поемі *Матвій з Тренчына*. Але більшістю, жыючы пасыяні, не дали мы владаючым номінальні над нами на тілко причыны, жэбы нас достерегли. Аж коли они сами зачали фактычні до нас лізти, зачали мы і сами помалы тягнути ся до съвіта, прібувати жыти в ним і з ним, бо без него жыти ся уж не дало. Боже, кілько то сердец наших горіло! Враз з проходячыми століттями, горіло штораз пламіннійше. Аж...

Боже, я вірю! Вірю і зато — же хтіл бым християнськом душом видіти на грани наступнага тисячоліття як Лемко, бодай деси там, в Бібліотеці Всесвітіа, на мікрофільмах, ци яком там нівшом ішы, непонятном нам днес техніком одчытує наше пращаня з другым тисячолітнем, раздумує над трэмтіньем наших сердец. І все ішы жыє, так направду, — лем на Хырбеті Сонця! ДОМА!

В імені
ГОЛОВНОГО ЗАРЯДУ СТОВАРИШЫНЯ ЛЕМКІВ
і РЕДАКЦІІ „ЛЕМКІВСКОГО КАЛЕНДАРЯ”
Петро Мурянка-Трохановскій

Не злостте ся на нас

Як николи – спізнили мы ся з виданьом ЛемківскогоКалендаря на 2000 рік. Недуже бракло, а його появлення зышло бы ся з фактычным пращањом тисячоліття. Чом ся так стало? Недовірюючы нашым оправданям, прислухайтє ся голосови Редактора... „Нашого Слова” з 14 мая:

„Все вказує на те, що (...) закінчився найдовший квартал модерної Європи. Протягом оцих перших чотирьох місяців 2000 року час плинув дуже повільно (...). При повній затримці державних дотацій з боку Міністерства культури і національної спадщини для товариств національних меншин у Польщі – зависла над нами загроза припинення статутної і видавничої діяльності.”

Справа браку гроши на видавничы діла тычыла ся і „Бесіды” (власны выгаздуваны фонды „жре” сплата закупленого будинку в Лігници), але виданя газеты коштує меньше. І акуратні на „Бесіду” – в порозумліню з Головним Зарядом СЛ – звернули мы більшу увагу. Міністерську дотацію признано аж кінцьом квітня. Та тот факт не значыл іцы што гроши сут уж до диспозиції. Іцы організуючы 26-27 мая I Медженародне Бієнале Лемківской / Русинской Культуры, не мали мы „готівки”. Без пінязи, особливі днес, не даст ся ничего вдіяти.

Календар выйде з друку аж в липці; зрештом то уж не ма більшого значыння. Остає трактувати го не як календар, а як свого роду річник, періодик, якій виходить раз до рока. Конец – кінцьом, фактычна календарна част нашого альманаху то лем 12 сторін. Решта же – то книжка нашої істории, культуры, літературы. НАШОЙ! Так не жугрийте же, лем берте і чытайте.

Редактор

СКОРОЧЕНИЙ КАЛЕНДАР НА 2000 РІК

Дн	СІЧЕН					ЛЮТИЙ				МАРЕЦЬ			
Пн	3 4 5 6 7 8 9	10	17	24	31	7	14	21	28	6	13	20	27
Вт		11	18	25		1	8	15	22	29	7	14	21
Ср		12	19	26		2	9	16	23	1	8	15	22
Чт		13	20	27		3	10	17	24	2	9	16	23
Пт		14	21	28		4	11	18	25	3	10	17	24
Сб		15	22	29		5	12	19	26	4	11	18	25
Нд		16	23	30		6	13	20	27	5	12	19	26

Дн	КВІТЕН					МАЙ				ЧЕРВЕЦЬ				
Пн	3 4 5 6 7 8 9	10	17	24		1	8	15	22	29	5	12	19	26
Вт		11	18	25		2	9	16	23	30	6	13	20	27
Ср		12	19	26		3	10	17	24	31	7	14	21	28
Чт		13	20	27		4	11	18	25	1	8	15	22	29
Пт		14	21	28		5	12	19	26	2	9	16	23	30
Сб		15	22	29		6	13	20	27	3	10	17	24	
Нд		16	23	30		7	14	21	28	4	11	18	25	

Дн	ЛІПЕЦЬ					СЕРПЕН				ВЕРЕСЕН			
Пн	3 4 5 6 7 8 9	10	17	24	31	7	14	21	28	4	11	18	25
Вт		11	18	25		1	8	15	22	29	5	12	19
Ср		12	19	26		2	9	16	23	30	6	13	20
Чт		13	20	27		3	10	17	24	31	7	14	21
Пт		14	21	28		4	11	18	25	1	8	15	22
Сб		15	22	29		5	12	19	26	2	9	16	23
Нд		16	23	30		6	13	20	27	3	10	17	24

Дн	ЖОЛТЕН					ЛИСТОПАД				ГРУДЕН			
Пн	2 3 4 5 6 7 8	9	16	23	30	6	13	20	27	4	11	18	25
Вт		10	17	24	31	7	14	21	28	5	12	19	26
Ср		11	18	25		1	8	15	22	29	6	13	20
Чт		12	19	26		2	9	16	23	30	7	14	21
Пт		13	20	27		3	10	17	24	1	8	15	22
Сб		14	21	28		4	11	18	25	2	9	16	23
Нд		15	22	29		5	12	19	26	3	10	17	24

СІЧЕН

Нс	Сс	Свята православны і греко - кат.	Дн
1	19	Ілії, Тимофія, Григория, Боніфатия	Сб
2	20	Неділя 31 по ССД, Ігнатаия Богоносця	Нд
3	21	Юлиянії, Петра, Темістокля	Пн
4	22	Христогона, Євода, Анастазії	Вт
5	23	Нифонта, Павла, Саторніна, Зотика	Ср
6	24	Євгенії, Клавдії; Велия – Святий Вечер	Чт
7	25	РОЖДЕСТВО ХРИСТОВЕ	Пт
8	26	Собор Пресв. Богородиці, Йосифа	Сб
9	27	Первомученика Арх. Штефана	Нд
10	28	Йосифа, Якова, Никанора	Пн
11	29	Марка, Теофіля, Йоана, Тадея	Вт
12	30	Тимона, Анисії, Філярета, Зотика	Ср
13	31	Меланії Римлянки, Геласія, Гая	Чт
14	1	НОВИЙ РІК, Обрізаня Госп., Василя Вел.	Пт
15	2	Сильвестра, Серафима, Юлиянії	Сб
16	3	Неділя 33 по ССД, Малахії, Гордия	Нд
17	4	Афтанасія, Теокіста, Зосимы	Пн
18	5	Григория, Щедрий Вечер	Вт
19	6	БОГОЯВЛІНЯ ГОСПОДНЄ - ЙОРДАН	Ср
20	7	Собор Св. Йоана Крестителя	Чт
21	8	Еміліяна, Юрія, Домінікі	Пт
22	9	Петра, Филипа, Євстратія, Самея	Сб
23	10	Неділя 34 по ССД, Григория, Дометияна	Нд
24	11	Тевдосія, Михала, Даниїла, Миколая	Пн
25	12	Сави, Александра, Татіяни, Терапонта	Вт
26	13	Якова, Максима, Стратоніка	Ср
27	14	Ніни, Агнії, Теодула, Штефана	Чт
28	15	Павла, Гавриїла, Прохора, Йоана	Пт
29	16	Дамаскіна Болгарского, Леонілъ	Сб
30	17	Неділя 35 по ССД, Антония, Ахілъ,	Нд
31	18	Афтанасія, Кирила, Максима, Маркіана	Пт

ІСТОРИЧНЫ ДАТЫ

- 8.01.1940 — Вродил ся Василь Турук, культурний діяч Пряшівщини, драматург Театру А.Духновича, од 1991 р. Ведучий Світової Рады Русинів.

10.01.1960 — Вмер Іван Русенко

12.01.1900 — Вродил ся Василь Заяц, байкар-оповідач Підкарпатської Русі.

13.01.1770 — Росийські війска в битві коло Грабу розбили oddіли конфедератів барських.

13.01.1900 — Вмер Петро Кузмяк, поета, педагог, уродженець Странян к/Старої Любовні. Од 1854 р. трудил ся серед бачванських Руснаків.

14.01.1850 — Вишел перший номер ґазеты "Вістник для Русинов Австрійской Державы". Публикували в ним і Лемки.

18.01.1850 — Вродил ся в Сулині над Попрадом Юлій Ставровський-Попрадов, видатний поета.

19.01.1890 — Вродил ся Іван Русенко.

22.01.1800 — Вродил ся в Ганчовій Петро Дуркот, парох в Ізбах, родоначальник численних священничих родин на Лемковині.

ІВАН РУСЕНКО

Лемковина

(...)

*Я родил ся твоім сыном - доля моя бідна,
І люблю тя Лемковино, моя мати рідна!
І хоц земля наша бідна, доля незавидна -
Не забудут моі очы тихих гірських ночи,
Ани серце не забуде, покаль жыти буде.*

Бо ци-м годен позабыти нашу гірську красу
І смеречкы і полянкы, де ця уці пасут,
І черници, і яфыры, ягоды, малины?...
Верабоже, не забуду нигда Лемковины!

ЛЮТИЙ

Нс	Сс	Свята православны і греко - кат.	Дн
1	19	Макария, Марка, Арсена, Евфрасії	Вт
2	20	Евтимія Вел., Інны, Лаврентія	Ср
3	21	Максима Ісповідника, Євгена, Неофіта	Чт
4	22	Тимофія Апостола, Петра, Георгія	Пт
5	23	Клиmenta, Агатангела, Павлина	Сб
6	24	Неділя 36 по ССД, Ксені, Агафії	Нд
7	25	Януарія, Филипа, Григорія Богослова	Пн
8	26	Ксенофонта, Аркадія, Тевдора Студита	Вт
9	27	Ксенофонта, Marii, Петра, Ананії	Ср
10	28	Єфрема Сирийского, Паладія, Ісаака	Чт
11	29	Лаврентія, Луки, Іgnatia Богоносця	Пт
12	30	Трьох Святителів, Іполита	Сб
13	31	Неділя о Закхею, Афанасії, Віктора	Нд
14	1	Феліцитаты і Перепетуї, Трифона	Пн
15	2	Срітення Господнє – Грімниці	Вт
16	3	Симеона і Анни, Адрияна	Ср
17	4	Сидоря, Миколая Студийского, Іадора	Чт
18	5	Тевдосія, Агафії, Макарія	Пт
19	6	Доротеї, Христины, Фотія, Юліяна	Сб
20	7	Неділя о Мит. і Фарисею, Партенія, Луки	Нд
21	8	Тевдора, Захарія, Сави	Пн
22	9	Початок Вел. Посту, Никифора, Інокентія	Вт
23	10	Прохора, Валентини, Павла, Анни	Ср
24	11	Тевдори, Димитрія, Власія	Чт
25	12	Мелетія, Антонія, Алексія	Пт
26	13	Мартиніана, Світланы, Штефана, Симеона	Сб
27	14	Неділя о Блуднім Сыні, Кірила Учyt. Слав.	Нд
28	15	Онисима, Пафнутия, Євсевія	Пн
29	16	Памфиля, Маруфы, Валента, Флавіана	Вт

ІСТОРИЧНЫ ДАТЫ

- 2.02.1900 — Вродила ся в Высовій Мария Макара (з дому Гойсак), народна съпівачка; пісні од ней записувал іщи Ф. Колесса.

10.02.1920 — Вродил ся в Тыличу Іван Сенько, народний поета, од 1945 р. живє на Україні.

12.02.1960 — Вмер Федір Потушняк, видатний прозаїк Підкарпатської Русі; видал і збірку верши, занимався етнографією.

19.02.1940 — Вродил ся в Білцаревій Ярослав Трохановський, народний діяч, музик, заложитель і долголітній крівник і диригент Ансамблю Пісні і Танця "Лемковина".

19.02.1990 — Вмер в Бережанах на Україні Орест Гыжа, уродженець Высовы, фольклориста.

20.02.1920 — Вродил ся в Ужгороді Йосиф Архій, поета, редактора, працівник освіти.

21.02.1880 — Вмер Ізмаїл Срезневський, росийський славіста, автор монументального "Словаря древнерусского языка". В 1856 р. опубликувал працу "Русь Угорская".

27.02.1910 — Вродил ся в с. Осій к/Іршави Федір Потушняк (см. вище).

29.02.1920 — На основі конституційного декрету офіційні проголошено автономію Підкарпатської Русі.



Ярослав Трохановский веде "Лемковину". Сопот '87

МАРЕЦЬ

Нс	Сс	Свята православны і греко - кат.	Дн
1	17	Тевдора Тирона, Єрмогена	Ср
2	18	Лева, Космы, Флавіана	Чт
3	19	Архіпа, Филимона, Максима, Тевдора	Пт
4	20	Корнилия, Агафона, Садока, Лева	Сб
5	21	Неділя Мясопустна, Тимофія, Євстафія	Нд
6	22	Маврикія, Фотина, Тевдора, Филипа	Пн
7	23	Поликарпа, Александра, Йоана	Вт
8	24	Еразма Печерского	Ср
9	25	Тараса	Чт
10	26	Порфірия, Севастияна	Пт
11	27	Прокопа, Титы, Фалалея	Сб
12	28	Неділя Сиропустна, Василя, Маріны	Нд
13	29	Касияна, Початок Великого Посту	Пн
14	1	Євдокії, Нестора, Антония	Вт
15	2	Арсена, Євфалії, Феодота, Агафона	Ср
16	3	Євтропія, Зенона,	Чт
17	4	Герасима, Юлияна, Якова, Вячеслава	Пт
18	5	Марка, Конона, Іраїди	Сб
19	6	Неділя 1 Вел. Посту, Константина, Теофіля	Нд
20	7	Еміліяна, Василя, Єфрема, Павла	Пн
21	8	Лазаря, Феофілякта, Єрма	Вт
22	9	Кесарія, Тараса, Василя	Ср
23	10	Павла, Кондрата, Анастазії	Чт
24	11	Шефрана, Євфимія, Єпимаха	Пт
25	12	Теофана, Григорія, Семана	Сб
26	13	Неділя 2 Вел. Посту, Никифора, Христины	Нд
27	14	Венедыкта, Ростислава, Феогноста	Пн
28	15	Нікандра, Агапія, Мануїла	Вт
29	16	Савина, Трофима, Александра	Ср
30	17	Алексия, Макара	Чт
31	18	Кирила, Трифона, Аніна, Євкарпія	Пт

ІСТОРИЧНЫ ДАТЫ

- 10.03.1530 — Ева Шишковска, властителька Мшаны, продала місцеве шолтиство Васильови Стебницькому "na wieczne czasy, jak długo lud tam znajdywać się będzie"!

13.03.1830 — На взір ческой "Матіци", покликано "Галицко-руску матицу".

15.03.1960 — Вмер в Макарові к/Мукачова, на 86 році життя, Іван Цицей, байкар-оповідач.

21.03.1920 — В Ужгороді створено Медженародну Соціялістичну Партию Підкарпатської Русі.

25.03.1340 — (за інчими джерелами - 7.04) Вмер, отрутий, Юрій II Тройденович, що стало ся претекстом до заняття через Казиміра Великого Галицької Русі.

30.03.1880 — Вродил ся во Львові Ярослав Ярославенко (Вінценковський), з походжання Лемко, композитор і популяризатор лемківських пісень.

30.03.1940 — Вродила ся Мария Мачошко, найбарже знана одтворчыні русиньських народных съпіванок.

З біографії Івана Циця

(...) Виріс він в бідній родині, в селі Макарові на Закарпаттю. Окремого вітця мали три дівки. Зато, як найстарший, по закінченню початкової школи пішол наймитувати, а в 1901 році сімнадцятлітнім парібком подал ся на заробок за океан. Робил в копальні угіля в Пітсбургі. Одтамале остал му лем єден ясний спомин - як вечерами зберали ся краяне і сьпівали смутны пісні. Вернул ся домів о штирі рокы, принюс дакус гроши на придбане для найстаршої сестри. В 1908 році сам ся оженил. Два рокы пожыл з молодом женом і зас выбрал ся з торбом в далекы сьвіты: два рокы працувал в копальнях Бразилії, піл друга рока - в копальнях Бельгії. Весном 1914 р. вернул ся до рідного села, жебы літом монархічна Австро-Угорщина післала го на братоубийчу войну. Під час боїв в Карпатах отрапився до неволі і як вонноплінного одослано го до роботи на дворянській газдівці над Волгом, де застала го Жолтньова Революція. В великих трудах вертал домів, де ждала го жена з троїма дітми. (...)

(І. Сенько, Цицей Ів. Васильович, [в:] Зачаровані казкою, Ужгород 1984)

КВІТЕН

Нс	Сс	Свята православны і греко - кат.	Дн
1	19	Хризанта, Дарії, Інокентия	Сб
2	20	Нед. 3 Вел. Посту, Сергія, Савы, Світланы	Нд
3	21	Якова, Томы, Кірила	Пн
4	22	Василя, Дросиды, Ісаака	Вт
5	23	Никона, Василя, Македона	Ср
6	24	Захара, Штефана, Петра, Артемія	Чт
7	25	Благовіщыня Пресв. Богородиці	Пт
8	26	Анны, Аллы, Ларисы	Сб
9	27	Неділя 4 Вел. Посту, Матроны, Мануїла	Нд
10	28	Іларіона, Штефана, Іоны	Пн
11	29	Марка, Кірила, Йоана	Вт
12	30	Шефрана, Зосимы, Кесария	Ср
13	31	Іоны, Інокентия, Авды	Чт
14	1	Євфимія, Геронтия, Макария	Пт
15	2	Тита, Поликарпа, Амфіяна	Сб
16	3	Неділа 5 Вел. Посту, Тевдосиі, Нектарія	Нд
17	4	Йосифа, Григория, Зосимы	Пн
18	5	Платона, Марка, Тевдоры, Агафона	Вт
19	6	Мефодия, Єремії, Євтихія	Ср
20	7	Даниїла, Руфима, Юрия	Чт
21	8	Іродиона, Фелонта, Єрма, Руфа	Пт
22	9	Євпсихія, Вадима, Маріава, Дисана	Сб
23	10	Вхід Господен до Єрусалиму, Терентія	Нд
24	11	Антипы, Йоана, Григория	Пн
25	12	Василя, Міны, Давида, Ісаака	Вт
26	13	Артемона, Томаїды, Крискента	Ср
27	14	Мартина, Йоана, Антонія, Євстафія	Чт
28	15	Трофима, Василисы	Пт
29	16	Агафії, Ірины, Нікы, Леоніда	Сб
30	17	ВОСКРЕСЕНІЄ ХРИСТОВЕ, ВЕЛИКДЕН	Нд

ІСТОРИЧНЫ ДАТЫ

- 4.04.1350 — Угода Казиміра Великого з Людовиком Андеґа-веньським, стверджаюча же ке́д бы Казимір мал мужеского потомка, Андеґавены будут мати право выкупити Русь за суму 100000 фльоренів.

5.04.1900 — Вмер Василь Чернецький, писменник і журналіста (чит. допис стор.)

6.04.1490 — Вмер угорський король Матвій Корвин; дал велике поле діяня в комітатах середній шляхті.

7.04.1480 — Офіційні фундувано православну парохію в Лоси.

10.04.1910 — Вродил ся на Гуцульщині Марко Бараболя (Іван Рознійчук), шыроко знаний до войны в Підкарпатській Русі поета-сатирик; шлід по ним загинул в 1944 році.

12.04.1800 — Вмер Арсеній Коцак, педагог і фільольог, викладал м.ін. в монастирській школі в Красnym Brodі, лишил по собі бл. 30 прац.

19.04.1800 — Вмер Михаїл Скобельський, остатній парох Побідна /Санока; По його смерти Побідно прилучено до Волиці, а в 1830 році побідняне перешли на латинство.

22.04.1860 — Львівський і краківський адміністраційны округи враз з Буковином получено, з користю для Поляків, в єдину провінцію.

АРСЕНІЙ КОЦАК

Научившися грамматиці латинской,
Увідах нічто и от греческой,
По сем вдавшися до школы богословской,
Вкусих нічто и от єврейской,
(...)
Грамматику, глаголю, цибы не можно зложити,
И сію яві миру всему предложити,
Дабы и нас, мізерных Руснаков,
Не судили всі аки спростаков.

Зо вступу до Граматыкы руской

М А Й

Нс	Сс	Свята православны і греко - кат.	Дн
1	18	Воскресний Понедільок, Йоана	Пн
2	19	Воскресний Віторок, Христофора	Вт
3	20	Тевдора, Григория, Анастазия	Ср
4	21	Януария, Максиміана, Сократа, Тевдора	Чт
5	22	Клиmenta, Луки, Тевдора	Пт
6	23	Юрия Побідоносця, Александры, Анатолия	Сб
7	24	Томина Неділя, Савы, Леонтия, Єлисаветы	Нд
8	25	Марка, Македонія, Сильвестра	Пн
9	26	Василя, Глафіры, Йоанікія	Вт
10	27	Семана, Євлогія, Штефана, Йоана	Ср
11	28	Кірила, Максима, Зенона, Сосипатра	Чт
12	29	Филимона, Артима, Мемнона	Пт
13	30	Якова, Максима, Ігнатія	Сб
14	1	Неділя Мироносиц, Єремії, Пафнутия	Нд
15	2	Бориса і Гліба, Михаїла, Афанасия	Пн
16	3	Тимофія, Тевдосія, Маври, Петра	Вт
17	4	Пелягії, Никиты, Еразма, Сильвана	Ср
18	5	Ірини, Якова	Чт
19	6	Іова, Калимаха, Денезия	Пт
20	7	Акакія, Нила, Авіва,	Сб
21	8	Неділя Розслабленого, Йоана, Арсена	Нд
22	9	Перенесіня мощи Св. Миколая, Христофора	Пн
23	10	Симона, Кyпriяна, Onисима, Еразма	Вт
24	11	Кірила і Мефодія Учyt. Славяньских	Ср
25	12	Денезия, Германа, Савина	Чт
26	13	Гликерії, Георгія, Макарія, Александра	Пт
27	14	Леонтия, Никиты	Сб
28	15	Неділя Самарянки, Пахомія, Ісаїї	Нд
29	16	Єфрема, Касияна, Модеста	Пн
30	17	Андроника, Штефана	Вт
31	18	Теодота, Юлії, Александры, Петра	Ср

ІСТОРИЧНЫ ДАТЫ

- 2.05.1920 — Вродил ся в Устю Рускым Роман Соболевскій, культурний діяч на Україні.

7.05.1910 — Вродил ся в Джермін (Пенсильванія), в родині лемківських емігрантів з Верхомлі Великої, Василь Дзюбіньскій, поета; писал по англіцькы і лемківски, жыл лем 38 років.

15.05.1340 — Казимір Великій повірил сандецькому міщанови Ганкови заложыти місто Грибів.

16.05.1960 — Вмер в Москві, в 89 році жыття Ігор Грабар, видатний маляр; походил з Підкарпатской Руси, студіювал в Петербург'у (в Репіна); образы його мож видіти в Третяковской Галерії, але і в Ужгороді.

20.05.1790 — Цисар Леопольд II выдал декрет корысний для католицкой Церкви, котрий "прикутил шрубу" попредник, ліберальний Йосиф II.

25.05.1850 — Тоту дату носит голосне писмо митрополity Левицкого і перем. єп. Яхимовича до австрійских власти - о нужденным положынню іх духовенства.

27.05.1910 — Вродил ся "приятель" Лемків Роман Рейнфус.

З листу Митрополити Левицького і єпископа Яхимовича до цисаря Франц-Йосифа

З причини бідності і старань о насущний хліб, греко-католицькі священники не можуть доповнювати своєї освіти, так необхідної в днешні часи; они не годни купувати хосенних книг (...). Ім аж і трудно контактувати з освіченими людьми, бо они стыдають з своїй скромній одежі являти з кругу знатніших осіб, ци принимати їх в своїх, нужденні приспособленых домах. (...) Съвідоміст недостатку засобів для полагоджыня найбарже необхідных потреб родит незадоволіня, а тото одчутия нарастат, кед священник порівнат свое положынія з положынью інчых, котры лем пару років ся вчыли і в характері урядниковів, лісничых ітд. находят ся в выгіднішых обставинах. Такій стан духа зменьшат священників охоту до щырого опікування ся парохіянами і епископы з жальком мусят признати, што часто священники виконують свої повинності лем на тілко, жебы встеречы ся одповіданості. З той причини терпіт і просвіччына народу.


(Прикарпатская Русь под владением Австрии, Trumbull 1970, стор.164)

ЧЕРВЕЦЬ

Нс	Сс	Свята православны і греко - кат.	Дн
1	19	Партикія, Корнилия, Йоана	Чт
2	20	Юды, Зосимы, Фалалея, Александра	Пт
3	21	Константина, Олены, Касияна	Сб
4	22	Нед. Шліпорожденного, Йоана, Владимира	Нд
5	23	Михала, Євфросинії, Леонтия	Пн
6	24	Симеона, Штефана, Тевдора	Вт
7	25	Йоана, Терапонта	Ср
8	26	Вознесеніє Господнє, Карпа, Олены	Чт
9	27	Терапонта, Ніла, Тевдоры, Йоана, Дидима	Пт
10	28	Никиты, Ігнатия, Єликониды	Сб
11	29	Неділя Св. Отців, Тевдосії, Йоана, Давида	Нд
12	30	Романа, Богдана, Якова	Пн
13	31	Єремії, Філософа,	Вт
14	1	Юстина, Харита, Агапіта	Ср
15	2	Никифора, Йоана, Юлиянії	Чт
16	3	Клавдия, Іпатия, Павла, Максима	Пт
17	4	Митрофана, Силана, Северия	Сб
18	5	ДЕН ПРЕСВ. ТРОЙЦІ., СОШ СВ. ДУХА	Нд
19	6	Ден Св. Духа, Вікаріона, Теклі, Сусанни	Пн
20	7	Марії, Артемія, Клавдії	Вт
21	8	Тевдора, Єфрема, Зосимы	Ср
22	9	Кирила, Марты, Марії, Теклі	Чт
23	10	Тимофія, Александра, Антонина, Теофана	Пт
24	11	Вартоломія, Варнавы, Єфрема	Сб
25	12	Неділя 1 по ССД, Онуфрия, Петра, Арсена	Нд
26	13	Аквилі, Антонини, Анны, Савы	Пн
27	14	Єлисея, Мефодия, Мстислава	Вт
28	15	Іоны, Єроніма, Модеста, Амоса	Ср
29	16	Тихона, Євтропія, Тигрия	Пт
30	17	Мануїла, Ізмаїла, Ананії, Клиmenta, Савела	Сб

ІСТОРИЧНЫ ДАТЫ

- 3.06.1890 — Вмер Оскар Кольберг', видатний польський етнограф, зібрал і част нашого фольклору, головні зо східної Лемковини.
- 4.06.1920 — Тріанонський трактат, на основі котрого Угорщина стратила 71,5% території. Пряшівщина і Підкарпатська Русь нашла ся в Чехословачії.
- 13.06.1680 — Оддано тыличанам заперту в ході унійних репресій церков, жебы... в 1682 зас єй забрати. Як твердят дошлідники (м.ін. М.Бендза), одданя церкви мусіло быти звязане з обіцянком тыличан приняти унію, а повторне забрання - з єй невыполніньюм.
- 19.06.1770 — Розказом Марії Терези пересунено границю, зачинаючи полудньовы части новоторжскага, чортынськага і сандецкага староств.
- 23.06.1950 — Вродил ся Любомир Сопка, писменник бачваньских Руснаків.



Верх Бескіда зеленого

Верх Бескіда зеленого
пасе Янчык коня свого,
пасе, пасе, попасує,
на него си посвистує.

Ты коничку чорногривий,
чого-с смутний, невеселий?
Ци ти шкодит зброя моя,
чи шабличка шугайкова?

Не шкодит мі зброя твоя,
ни шабличка шугайкова,
лем мі шкодята фальши твої,
ходиш на мі г милий свой,

Сам си підеш г милий свой,
мене ставиши на выгоні;
ты сой підеш до світлици,
мі лем дадут соломици.

Тобі дадут істи, пити,
мене выйдут діти бити;
тобі дадут винця, пивця,
мі не дадут ани сінця.

Як буду солому істи,
та мя будут враны грызти;
кобы-с мі дал жмінку зерна,
скакал бы-м ті кобы серна.

з записів Оскара Кольберга, с. Волтушова.

ЛИПЕЦ

Нс	Сс	Свята православны і греко - кат.	Дн
1	18	Леонтия, Іпатия, Теодула	Сб
2	19	Неділя 2 по ССД, Юди, Варлаама, Зосимы	Нд
3	20	Мефодия, Інны, Левкія	Пн
4	21	Терентия, Юлияна	Вт
5	22	Євсевія, Зини, Юлиянії	Ср
6	23	Артима, Євстахія, Агрипины	Чт
7	24	Рождество Св. Йоана Крестителя	Пт
8	25	Февронії, Петра, Денезия	Сб
9	26	Неділя 3 по ССД, Давида, Тихона, Йоана	Нд
10	27	Самсона, Мартина, Григория	Пн
11	28	Сергія, Кира, Йоана	Вт
12	29	Свв. Первоверх Апостолів Петра і Павла	Ср
13	30	Собор 12 Апостолів, Софонія	Чт
14	1	Космы і Даміана, Никодима	Пт
15	2	Фотия, Ювеналия	Сб
16	3	Нед. 4 по ССД, Анатолия, Александра	Нд
17	4	Андрія, Марты, Тевдора	Пн
18	5	Сергія, Анны, Кірилы	Вт
19	6	Сисона, Марина, Кірила	Ср
20	7	Томы, Германа, Акакія, Помпея	Чт
21	8	Прокопа, Теофіля, Анастазия	Пт
22	9	Панкратия, Тевдора, Александра	Сб
23	10	Неділя 5 по ССД, Антония, Силуана	Нд
24	11	Княгині Ольги, Євфимії	Пн
25	12	Тевдора, Гілярия, Прокла	Вт
26	13	Гавриїла, Штефана, Серапіона	Ср
27	14	Юста, Онисима, Штефана, Акілъ	Чт
28	15	Князя Владимира, Авудима, Кирика	Пт
29	16	Атиноґена, Павла, Валентины	Сб
30	17	Нед. 6 по ССД, Маргариты, Лазаря, Леоніда	Нд
31	18	Емілияна, Якунта, Йоана, Памви	Пн

ІСТОРИЧНЫ ДАТЫ

- 17.07.1940 — Вмер на еміграції Емілій Кубек, родом зо Штетфурова к/Свидника, автор повісті і оповідань, а теж поезій.

21.07.1790 — Вродил ся в Жыдівским Михаіл Константинович, парох Крампной і Ростайного, нагороджений в 1849 р. через цисаря златым крестом (враз з А. Добряньским).

22.07.1950 — Вродила ся в Міковіцах к/Намыслова (родове гніздо в Богушы) Єва Вансач з дому Слезьон, авторка верши для діти.

24.07.1770 — Мадярскій комісар Торок выдал універсал о доконаным прилучыню Сандеччыны до Королівства Угрів.

27.07.1930 — Вродил ся Мирон Колошняй, поета бачваньских Руснаків.

29.07.1830 — Вродил ся в Уличу-Кривым к/Снины Андрий Репай, культурний діяч, редактор, видавеця, тлумач з французского, німецкого і мадярского языków, автор педагогічных видань.

A repeating pattern of stylized knot or x-shaped motifs, possibly a traditional textile design.

МИРОН КОЛОШНЯЙ

Спомин дітинства

Вчас рано —
надомном нахылена мама.
Шепчє мі:
"Спий, сынку..."
О, як то добре спаня!"
Пішла... до роботи...
А я уж не міг в постели остати.
Любий єм холод ранішній, сонце і росу,
сматрити єм мал охому
як дідо клепле косу.
(...)

СЕРПЕН

Нс	Сс	Свята православны і греко - кат.	Дн
1	19	Серафима, Штефана, Паісия	Вт
2	20	Ілії, Афдана, Аврама	Ср
3	21	Онуфрия, Онисима, Семана, Йоана	Чт
4	22	Марії Магдалины, Фокы	Пт
5	23	Трофима, Теофіля, Аполінария	Сб
6	24	Нед. 7 по ССД, Романа, Давида, Христины	Нд
7	25	Успіня Праведной Анны, Макария	Пн
8	26	Єрмолая, Мойсея, Параскевы	Вт
9	27	Пантелеймона, Наума, Клиmenta	Ср
10	28	Профора, Никанора, Тимона, Пармена	Чт
11	29	Каліника, Серафимы, Тевдотії	Пт
12	30	Андроника, Валентина, Йоана, Поликарпа	Сб
13	31	Неділя 8 по ССД, Юліты, Євдокима	Нд
14	1	Соломії, Початок Маткобіжаного Посту	Пн
15	2	Штефана, Никодима, Фокы	Вт
16	3	Фавста, Антония, Космы, Далмата	Ср
17	4	Максимілияна, Євдокії, Єлевферія	Чт
18	5	Агфира, Понтія, Сивеля	Пт
19	6	Преображення Господнє, Спаса	Сб
20	7	Неділя 9 по ССД, Дометія, Митрофана	Нд
21	8	Мирона, Леоніда, Зосимы	Пн
22	9	Матвія, Антония, Якова, Алексия	Вт
23	10	Лаврентія, Агапита, Романа, Сикста	Ср
24	11	Евлала, Василя, Тевдора, Клавдия	Чт
25	12	Фотія, Александра, Капитона	Пт
26	13	Максима, Іринея, Конкордії, Іполити	Сб
27	14	Нед. 10 по ССД, Михея, Тевдосія, Маркеля	Нд
28	15	Успіня Пресвятої Богородиці	Пн
29	16	Херимона, Диоміда	Вт
30	17	Мирона, Алипія, Павла, Филипа	Ср
31	18	Фльора і Лавра, Йоана, Григорія	Чт

ИСТОРИЧНЫ ДАТЫ

- 4.08.1950 — Вродил ся Юлиян Тамаш, выдатний писменник і вчений-гуманіста Руснаків Войводіны.

5.08.1580 — Король Зиг'мунт Август II потвердил парафії в Боску попередні грамоты.

5.08.1910 — Вродил ся Євгеній Kochиш, писменник Руснаків Войводіны.

8.08.1960 — Вродила ся в Уданіні на Шлеску Олена Дуць-Файфер, выдатна лемківська поетеса, науковец – абсолютніка трьох факультетів, доктор гуманістичних наук - літературознавец.

12.08.1580 — Krakівський єпископ Пйотр Мишковскі видал грамоту надаючу Перунку шляхтичови Гієронімови Mixновичови.

15.08.1930 — Вродил ся в Полянах (к/Береста) Ярослав Поляньскій, зберач фольклору, диригент, композитор.

30.08.1920 — Вродила ся в Бортным Меланія Собин, талантлива поетеса.

A repeating pattern of stylized knot or loop motifs, possibly a traditional textile design.

ЮЛИЯН ТАМАШ

O пороху

Дороги приятелі. Ты Єфреме Сирин, Ты Йоане Златоустий і Ты Петре Петровичу, ззвідую ся вас, найвекших поетів обертаня ся в порох, в котру страну сьвіта розсыплеся мое тіло?

Ко́д може вибирати, най буде на схід і пілніч.

На схід, ближе сходячому сонцю, чайом зорйом прагну быти. Каждого рана привитам очи і чело чесного человека і огрую бідного.

На пілніч, там де ся роса на съніг обертат і падат зо знойом робітного працівника; гын каждой зими, дітьом на радіст, перейду по селах, жебы почули што то тепло хыжы, в якій ніт нужды.

Бідакам шепну: не ждите нич обернете ся в порох.
Другого жыття окрем того, што го тераз мате — ніт.

ВЕРЕСЕН

Нс	Сс	Свята православны і греко - кат.	Дн
1	19	Андрия, Тимофія, Теклі	Пт
2	20	Самуїла, Севіра, Мемнона	Сб
3	21	Неділя 11 по ССД, Тадея, Теогнія, Агапія	Нд
4	22	Агатоника, Афтанана, Евліялії,	Пн
5	23	Іринея, Каліника	Вт
6	24	Священномученика Максима	Ср
7	25	Вартоломія, Титы, Міны	Чт
8	26	Адрияна, Наталії	Пт
9	27	Савы, Пимена, Анфісъ	Сб
10	28	Неділя 12 по ССД, Мойсея, Іова, Тевдосия	Нд
11	29	Усікн. Гл. Йоана Крестителя, Главосікы	Пн
12	30	Александра, Йоана, Павла, Христофора	Вт
13	31	Кирияна, Геннадия, Йоана	Ср
14	1	Поч. нового церк. рока, Семана	Чт
15	2	Маманта, Руфины, Тевдота, Йоана	Пт
16	3	Антима, Теоктиста, Василисы	Сб
17	4	Неділя 13 по ССД, Йосафа, Афтанана, Єрмонії	Нд
18	5	Захаря, Єлизаветы, Раїсы	Пн
19	6	Архіпа, Зинона, Макария	Вт
20	7	Созонта, Макара, Онисифора	Ср
21	8	Рождество Пресвятой Богородиці	Чт
22	9	Йоакима і Анны, Йосифа	Пт
23	10	Минодоры, Павла, Пульхерії	Сб
24	11	Нед. 14 по ССД, Тевдоры, Сергія, Димитрия	Нд
25	12	Юлияна, Корнута, Тевдора	Пн
26	13	Ілії, Леонтія, Корнилия	Вт
27	14	Воздвиження Чес. Креста Госп. – Вздвига	Ср
28	15	Никиты, Тевдота, Максима	Чт
29	16	Євфимії, Людмили, Доротея	Пт
30	17	Віри, Надії, Любови, Софії	Сб

ІСТОРИЧНЫ ДАТЫ

- 2.09.1900 — Вродил ся Іван Турин, маляр, одкрывця таланту Епифана Дровняка - Никифора і перший його пропагатор.

9.09.1940 — Вмер Франц Коковський, автор повісті *За землю – о лемківській тематыці*.

23.09.1900 — Вродил ся в Новівси Володимир Кубійович, вчений - історик, дошлідник Лемковини.

25.09.1920 — Вмер в Ужгороді Юрій Жаткович, історик, автор *Етнографічної історії Угорусів*.

29.09.1860 — Розвязано Державний Совіт, покликаний 5 березня т.р. для подіління Австро-Угорщини на автономічні частини.

30.09.1880 — Папа Лев XIII видал послання до католицького світа, наказуюче почитати славяньських апостолів Кирила і Мефодия.



Никифор. Краєвид зо святыма в небі (фрагмент)

ЖОЛТЕН

Нс	Сс	Свята православны і греко - кат.	Дн
1	18	Неділя 15 по ССД, Євменія, Ариядны	Нд
2	19	Трофима, Зосимы, Тевдора	Пн
3	20	Євстафія, Олега, Татияны	Вт
4	21	Кондрата, Євсевія, Мелетія	Ср
5	22	Йоны, Фоки, Теофана	Чт
6	23	Йоана, Андрия, Петра	Пт
7	24	Теклі, Владислава, Никандра	Сб
8	25	Неділя 16 по ССД, Євфросинії, Сергія	Нд
9	26	Йоана Богослова, Єфрема	Пн
10	27	Марка, Зіны, Епифанії, Аристраха	Вт
11	28	Харитона, Вячеслава, Александра	Ср
12	29	Кіриака, Теофана,	Чт
13	30	Григорія, Михала, Рипсимії	Пт
14	1	Покров Пресвятої Богородиці	Сб
15	2	Неділя 17 по ССД, Киприяна, Юстины	Нд
16	3	Денезія, Єлевферія, Йоана	Пн
17	4	Онисима, Амона, Елладія	Вт
18	5	Петра, Алексія, Йоны, Філіпа	Ср
19	6	Томы, Макара, Еротіїды	Чт
20	7	Сергія, Юлияна, Вакха	Пт
21	8	Пелягії, Трифона, Таісы	Сб
22	9	Неділя 18 по ССД, Якова, Максима, Петра	Нд
23	10	Євлампія, Амвросія, Андрия, Теотекна	Пн
24	11	Філіпа, Теофана	Вт
25	12	Космы, Андроника, Мартіна, Тараха	Ср
26	13	Карпа, Веніамина, Агатадора	Чт
27	14	Параскеви, Назарія, Сильвана	Пт
28	15	Євфимія, Лукіана, Вівії	Сб
29	16	Неділя 19 по ССД, Льонгіна, Мала	Нд
30	17	Осиі, Андрия, Леонтия, Євтропа	Пн
31	18	Луки, Йосифа	Вт

ІСТОРИЧНЫ ДАТЫ

- 5.10.1930 — Вродил ся Владо Костельник, прозаік бачваньских Руснаків.

12.10.1980 — Вмер Зьдзіслав Штібер, автор м.ін. прац: *Atlas językowy dawnej Łemkowszczyzny* (w 8 частях), *Tropomastyka Łemkowszczyzny* (2 частях).

15.10.1780 — Торжественне посвячыння кафедральной церкви в Ужгороді, на пересеління єп.Андрія Бачыньского.

18.10.1900 — Вродила ся Мария Остромира (Маковска), авторка повісті *Лемківщина в огні*.

19.10.1910 — Вродил ся Федір Манайло видатний маляр Підкарпатской Руси.

20.10.1860 — Франц Йосиф выдал т.зв. *Жолтнівий дипльом*, заповідаючий конституцыйну еру монархii.

23.10.1900 — Вмер на выгнаню (в Римі!) митрополита Йосиф Сембратович.

МАРІЯ ОСТРОМИРА

(...)

Це не був спів якоїсь вишколеної співачки — з усіми вимогами співацької техніки. Це був вияв душі дівчини - повстанця, що стільки вже подвигів мала за собою, а перед собою щораз то нові зусилля і труди... А ген, вдалі, мерех-тіла мінливим сяєвом ореол усіх її подвигів — геройська смерть на полі бою.

На єдно ся здами — черни очка мами.

На друге ся здами — жадне нич не мами.

Це ж була пісня коханої дівчини, що вирвала його з рук смерти — бо ж він уже був одною ногою на тому світі — а тепер турбувалась про нього, тримала над ним, змагалася з його недугою.

Була це пісня найчарівнішої дівчини, тієї єдиної на світі.

(з повісті *Лемківщина в огні*)

ЛІСТОПАД

Нс	Сс	Свята православны і греко - кат.	Дн
1	19	Йоіла, Йоана, Клеопатры, Леонтия	Ср
2	20	Артима, Матроны, Евода, Євнора	Чт
3	21	Ілариона, Теофіля, Зотика	Пт
4	22	Аверкія, Максимілияна, Єлісаветы	Сб
5	23	Неділя 20 по ССД, Якова, Ігнатия	Нд
6	24	Ареты, Теофіля, Афана, Сисона	Пн
7	25	Маркіана, Мартирія, Анастазія	Вт
8	26	Влкм. Димитрия Солуньского	Ср
9	27	Нестора, Капітолины, Марка	Чт
10	28	Параскевы, Терентия, Йова, Максима	Пт
11	29	Анастазії, Марії, Клавдія, Астерія	Сб
12	30	Неділя 21 по ССД, Зиновія, Зиновії, Юста	Нд
13	31	Стахія, Шпирідона, Никодима, Маври	Пн
14	1	Космы і Даміана, Йоана, Якова	Вт
15	2	Тевдоті, Маркіана, Афонія, Пігасия	Ср
16	3	Айталя, Акєпсима, Катерія, Атика	Чт
17	4	Йоанікія, Меркурия, Никандра	Пт
18	5	Галактиона, Григорія, Пактрона	Сб
19	6	Неділя 22 по ССД, Павла, Клавдії	Нд
20	7	Лазаря, Тевдота, Касінії, Зосимы	Пн
21	8	Собор Архістратига Михаїла	Вт
22	9	Онисифора, Матроны, Антонія	Ср
23	10	Ореста, Радиона, Ерампа	Чт
24	11	Викентія, Віктора, Штефана	Пт
25	12	Йоана, Ніля, Ахії, Лева, Сави	Сб
26	13	Неділя 23 по ССД, Йоана Златоустого	Нд
27	14	Филипа, Григорія, Юстиніана	Пн
28	15	Самона, Авіва, Поч. Різдвяного Посту	Вт
29	16	Матвія, Фульвіана	Ср
30	17	Григорія, Никона, Лазаря, Михала	Чт

ІСТОРИЧНЫ ДАТЫ

- 2.11.1920 — Вродил ся в Красным Броді на Пряшівщині Михайло Шмайда, автор трильогії *Лемки*.

3.11.1920 — Вродил ся в Ізі Димитрий Вакаров, поета і прозаїк Підкарпатської Руси, замучений в німецьким ляг'рі в марци 1945 рока. Писал по росийськи.

5.11.1370 — Вмер Казимір Великий, який збудувал - головні на Підкарпатю - "Польщу мурувану".

15.11.1670 — Вмер в Амстердамі (перешлідуваний в краю за гуситизм) Ян Амос Коменски, великий чеський гуманіста - основатель педагогіки на принципі рідного языка; будитель вшыткых Славян.

18.11.1770 — Презентацийном грамотом краківской єпископії о.Андрій Жеґестовскій "отримал" церков в Андриївці.

20.11.1830 — Вродила ся в Красній к/Кросна Клавдия Алексович, перша жінка в нашій літературі, авторка вершів, оповідань і сценічних штук; діячка просвітительного руху, еманципації жінок (см. допис о ній і вибір з творчості - стор. ...).

ДМИТРИЙ ВАКАРОВ

Вітчyzнi

Ты — моя віра
я слово твоє.
Щестя глядаме
твоє і мое.

*Днес радіст блискат
Заран біль болит
Та я нє лишу
тебе николи*

Ты — моя пісня
я — ехо твоє.
Щестя найдеме
твоє і мое.

*В правді є сила
моя і твоя.
Правду найдеме
Вітчyzно моя*

перевьюл Петро Мурянка

ГРУДЕН

Нс	Сс	Свята православны і греко - кат.	Дн
1	18	Плятона, Романа, Закхея, Алфея	Пт
2	19	Авдия, Варлаама, Анатолия, Адрияна	Сб
3	20	Неділя 24 по ССД, Григория, Прокла	Нд
4	21	Введіння до Храму Пресвятої Богородиці	Пн
5	22	Филимона, Максима, Архіпа	Вт
6	23	Александра, Алексия, Митрофана, Григория	Ср
7	24	Катрены, Августа, Катрены, Порфірия	Чт
8	25	Клиmenta, Петра	Пт
9	26	Алипія, Якова, Інокентия	Сб
10	27	Нед. 25 по ССД, Палладия, Романа, Якова	Нд
11	28	Штефана, Василя, Григория, Іринарха	Пн
12	29	Парамона, Нектария, Акакія	Вт
13	30	Андрія, Фрумента	Ср
14	1	Наума, Філярета, Ананія	Чт
15	2	Андрія, Теофіля, Штефана, Афанасия	Пт
16	3	Йоана, Савы, Софонія, Теодула	Сб
17	4	Нед. 26 по ССД, Варвары, Юлиянії, Йоана	Нд
18	5	Савы, Кіриона, Захарії, Анастазия	Пн
19	6	Святого Миколая Чудотворця	Вт
20	7	Амвросия, Антония, Ніла, Йоана	Ср
21	8	Потапія, Онисифора, Сосфена	Чт
22	9	Зачатя Прав. Анном Пресв. Богородиці	Пт
23	10	Єрмогена, Міни, Ангелины, Євграфа	Сб
24	11	Неділя 27 по ССД, Даниіла, Миколая, Лукы	Нд
25	12	Александра, Терапонта, Спіридона	Пн
26	13	Ореста, Лукії, Євгенія, Євстафія	Вт
27	14	Тирса, Каліника, Левкія, Филимона	Ср
28	15	Єлевтерия, Корива, Павла	Чт
29	16	Марина, Теофанії, Аггея	Пт
30	17	Даниіла, Азария, Штефана, Ананії	Сб
31	18	Неділя 28 по ССД, Севастияна, Марка, Зої	Нд

ІСТОРИЧНЫ ДАТЫ

- 6.12.1240 — Монголы зруїнували Київ, м.ін славну Десятинну Церков.

7.12.1960 — Вмер Іван Ділишко, байкар-оповідач Підкарпатської Руси.

12.12.1860 — За заряджаньом Міністерства Справедливості з 9 липця т.р. (для судів першої інстанці о допущенню руского языка в судівництві)), видано також і для вищого краївого суду.

15.12.1890 — В Орябині на Спишу вродил ся Михал Лайчак, видний діяч нашої еміграції в Америці.

25.12.1900 — Вмер в Свиднику Александр Павлович.

26.12.1700 — Любомірські, панове Навоївських дібр "*uwolnić umyślili od wszelkich danin i czynszow (...) Bazylego Wisłockiego Unijej Greckiej Prezbitera, Plebana Łabowskiego*". (Шематісм... на годъ... 1879, ст. 280)

27.12.1860 — Вродил ся в Ганчовій Даниїл Пирог, парох Тихані; голосне было його убийство через бандитів 23.08.1929 рока.

АЛЕКСАНДР ПАВЛОВИЧ

xxx

*Гыне тма страшезной ночы,
Нам выходит сонце красне,
Зрят весело рускы очы
На народне небо ясне.*

*Мы створены ку слебоді,
Слебодныма маме быти,
Пробудил ся дух в народі,
Рускій нарід мусит жыти.*

Побідит наш дух народний,
Щезнут вшыткы врагы наши,
Мусиме быти слебодны,
Голосяят сумліня наши.

СКОРОЧЕНИЙ КАЛЕНДАР НА 2001 РІК

Дн	СІЧЕНЬ					ЛЮТИЙ					МАРЕЦЬ				
Пн	1	8	15	22	29	5	12	19	26	5	12	19	26		
Вт	2	9	16	23	30	6	13	20	27	6	13	20	27		
Ср	3	10	17	24	31	7	14	21	28	7	14	21	28		
Чт	4	11	18	25	1	8	15	22	1	8	15	22	29		
Пт	5	12	19	26	2	9	16	23	2	9	16	23	20		
Сб	6	13	20	27	3	10	17	24	3	10	17	24	31		
Нд	7	14	21	28	4	11	18	25	4	11	18	25			

Дн	КВІТЕНЬ					МАЙ					ЧЕРВЕЦЬ				
Пн	2	9	16	23	30	7	14	21	28	4	11	18	25		
Вт	3	10	17	24		1	8	15	22	29	5	12	19	26	
Ср	4	11	18	25		2	9	16	23	30	6	13	20	27	
Чт	5	12	19	26		3	10	17	24	31	7	14	21	28	
Пт	6	13	20	27		4	11	18	25	1	8	15	22	29	
Сб	7	14	21	28		5	12	18	26	2	9	16	23	30	
Нд	1	8	15	22	29	6	13	20	27	3	10	17	24		

Дн	ЛІПЕЦЬ					СЕРПЕНТ					ВЕРЕСЕНЬ				
Пн	2	9	16	23	30	6	13	20	27	3	10	17	24		
Вт	3	10	17	24	31	7	14	21	28	4	11	18	25		
Ср	4	11	18	25		1	8	15	22	29	5	12	19	26	
Чт	5	12	19	26		2	9	16	23	30	6	13	20	27	
Пт	6	13	20	27		3	10	17	24	31	7	14	21	28	
Сб	7	14	21	28		4	11	18	25	1	8	15	22	29	
Нд	1	8	15	22	29	5	12	19	26	2	9	16	23	30	

Дн	ЖОЛТЕН					ЛИСТОПАД					ГРУДЕНЬ				
Пн	1	8	15	22	29	5	12	19	26	3	10	17	24	31	
Вт	2	9	16	23	30	6	13	20	27	4	11	18	25		
Ср	3	10	17	24	31	7	14	21	28	5	12	19	26		
Чт	4	11	18	25	1	8	15	22	29	6	13	20	27		
Пт	5	12	19	26	2	9	16	23	30	7	14	21	28		
Сб	6	13	20	27	3	10	17	24	1	8	15	22	29		
Нд	7	14	21	28	4	11	18	25	2	9	16	23	30		

ДЕСЯТИННЫ РІЧНИЦІ 2000 РОКА

- 610 — Велике переселіня Славінів на Балканы, за панування цисаря Іраклія.
- 820 — (до 823) Суспільня революція в Візантії під проводом Томи Славяніна, якого враз з падіньом повстаня страчено по тяжких тортурах.
- 870 — В нашлідстві німецької інтервенції в справи Великоморавії, стратил свій престіл Ростислав. Ошліплено го, а на троні осаджено Святополка I.
- 880 — Інтрига Святополка I допровадила до осаджыня в Нітрі німецького єпископа Віхінга, завзятого противника Архієпископа Мефодия.
- 920 — (або 921) Вмерла Людмила, ческа княгиня, натхнена поклонничка кірило-мефодиівщины; канонізована.
- 950 — Мадярські князі Булчу і Дюла окрестилися в Царгороді і вернулися з грецьким єпископом Іеротейом; перевівал він в Відині, в Монастирі Св. Йоана Крестителя.
- 970 — Зачал своє панування Гейза, потомок Арпада, перший організатор мадярської держави, отець Штефана I.
- 980 — Зачал панувати в Києві князь Владмір Великий.
- 1000 — В Krakові організовано латинське єпископство, але навіть польські опрацювання пишуть що "nie wykluczone, że wcześniej było tu biskupstwo obrządku słowiańskiego (Mały słownik kultury dawnych Słowian)".
- 1030 — Перший похід Ярослава Мудрого на Польщу.
- 1050 — (бл.) Вродил ся Нестор, руський літописець; в своїй Повісті временных літ лишил короткі відомості о карпатських Хорватах.
- 1060 — Зачал панувати в Уграх Беля; стлумил остатній т.зв. "поганський бунт" під проводом Яноса, сина Ваты.
- 1110 — Тым роком кінчыт ся Повіст временных літ.
- 1140 — Відоміст о першим галицьким митрополиті Алексию; Галицьку Митрополію затверджено офіційні через Константинопольський Патриярхат аж в 1303 році.
- 1150 — Перша історичня відоміст о Саноку.
- 1210 — Галицькі бояри, при помочы князів Владміря і Святослава Ігоровичів (яких рік тому выгнали), вигнали Угрів з Галичыны. Князі, запроваджаючи "лад", стратили бл. 500 найзнатнійших боярів, решта втекла на Угри,

спроваджаючы внет тых остатніх, жебы при іх помочы привернути своі володіння.

- 1240 — Татаре зачали свій похід на південно-західну Русь (пілнічну грабили і палили ще в 1237).
- 1250 — При саноцьким замку побудувано церков св. Димитрія. Як висловлюють ся дошлідники, була то дуга саноска церков, на місци збуреної через Татарів.
- 1270 — Штефан (Іштван) V надал маґнатови Рейнгольдови три села в Підкарпатській Русі. Час фактичного опанування той території через Угрів.
- 1280 — Кін'га, жена Болеслава Стыдливого (канонізована в 1999 р.) фундувала монастир клярикосок в Старым Місті (Старым Санчы) і сама до него вступила. Монастир клярикосок мал значучий вплив на події і ситуацію Сандеччини, в тым на релігійны односини, утвердження західного християнства.
- Кін'га зголосувала свої претенсії до землі бічской, але неє потвердження в джерелах, ци колинебуд ю посідала.
- 1280 — Князь Лев перешол ху́рбет Карпат і спустошил верхнє поріча Тиси. В галицьких руках Підкарпатська Русь находила ся 40 років, до 1320.
- 1290 — Скінчил своє панування (од 1272) Владислав (Лясьль) IV, за якого наступила масова німецка колонізація Шариша і Спиша.
- 1320 — Нибы заложено латинську парафію в Мушині, але перший костел побудувано ту аж в другій половині XVII ст. - як переказує наша традиція, з розобраної тылицької церкви. Кед істніла ту в реченим часі даяка святыня, то хыбаль лем каплиця на замку.
- 1320 — Петро Петуня (Петро Петрович, як зове го Людовіт Штур в своїй великій поемі Матвій з Тренчина), русинський феодал на Земплині, став на чолі повстання селян против Мадярам. Повстання впало в 1322 році.
- 1330 — Якуб Гладыш, дакус пізнійший "властитель" верхнього поріча Ропи виступує як заряджаючий сандецькима королівськими добрами.
- 1340 — Казимір Великий, по смерти остатнього галицького князя Юрия II (Болеслава Тройденовича по вітці, князю мазовецьким), наїхал Галицьку Русь. Од того тіж часу

- зачал ставляти "Польщу мурувану" на Підкарпатю. Як признают сами Поляки (см. котрисий попередній календар), більша част той "муруваної" зосередила ся (при непорівнаній території решти) акуратні на Підкарпатю, очвидні - нашим колиси, а за Казиміра все іщи вимагаючим специяльної "опіки".
- 1350 — Мушынці надано магдебургське право.
- 1360 — З Бардйова винесли ся цистерсы, оселені ту в 1247 році для навертання Русинів.
- 1380 — Льокация Дуклі на магдебургським праві.
- 1390 — В документі з того рока споминається про двох шолтысах Яшкових, сідячих на 6 ланах.
- 1390 — Константинопольський Патриярх Антоній видал грамоту для Грушівського монастиря в Підкарпатській Русі, надаючи му особливі права - ставропігію, то є підпорядкування безпосередньо патриархії, без єпархіального (єпископського) посердництва.
- 1400 — Як подає Шематизм Апостольської Адміністрації Лемковщини з 1936 р., в Тыличу побудовано церков (першу?).
- 1410 — "Jagiełło założył w Nowym Sączu (...) klasztor premonstratensów, który przyczynił się na pewno do zapewnienia miastu silniejszej pozycji i zaważył nie tylko na jego życiu religijnym, ale także na kulturalnym i społecznym." (Rocznik Sądecki, t. XVII, str. 18)
- 1410 — За Длугошом - Мадяре, використуючи заангажування Польщі в війну з Крестоносцями (Грунвальд), вдерлися через Сромовці на Санеччину, спустошили і спалили Старе Місто і передмістя Санча, враз з околичними селами. Верталися ся через Мушину. Змобілізувані польські сили дігонили їх коло Бардйова видаючи ім побідну битву. Мадярів мал напровадити сам Поляк, зрадник - Съцібор.
- 1420 — Вигнали з Угрів до Молдавії прихильників гуситів. О гуситах (братчиках) заховалися перекази на Лемковині (м.ін. в Білцаєвій).
- 1420 — Боднарку перенесено на волошське право. На волоським праві льокувано Мишкову.
- 1440 — Переївав в Санчы київській митрополита Ісидор, вертаючи з Фльорентийского Собору (1439); служив в

- Велику Пятницю в латинським костелі, пак в Кракові, на Вавели - в східнім обряді. Проба церковной унії, закінчена неповоджыньом.
- 1460 — Миколай Пенсьонжек з Вітовц посьвідчат же королева Софія привернула до Ґрибівской тенуты, яку ма Войцех Єжовскі, Білцареву і Богушу.
- 1460 — В околицях Бардийова з'явил ся зо своім одділом неякій Петро Раткович (Ратковец), непокоячы передовшыткым бардіївских купци. Походил правдоподібні з пілнічної сторони Карпат, бо скарги на него посылали бадриївски купці до королевой Софії.
— На Спишу діял зо своім компанійом Тома Тарчай, липнянській староста.
- 1480 — Білянка, Ганчова і Квятонь отримують волоске право.
- 1480 — Станіслав, Ян і Пйотр, сынове вмершого Павла Гладыша зо Шымбарку, потерджают доконаний через вітця поділ дібр. Середньому, Янови, припали села: Климківка, Лоси і Білянка.
- 1490 — Перша відоміст о селі Граб, як о уж істнуючым.
- 1490 — Вроцлавскій полюбовний суд признає Польщы "по вічны часы" 16 спишских міст, заставленых Польщы в 1412 р. через Сигізмунта Люксембургского.
- 1490 — (до 1491) Выправа Яна Ольбрахта на Угры; переходила через Сандеччину.
- 1490 — (до 1492) На галицькым Підкарпатю, Покутю і Буковині вибухло єдно з найбільших в історії Європы антифеодальних повстань під проводом Мухы. Мусіло бити голосне і на наших землях, бо - як съвідчат джерела - активізує ся, особливі на півднівій Лемковині, опрышківський рух (см. ЛК на 1993 рік - допис о діяльності Петра Главаты).
- 1490 — Якуб Печ з Тарновой Горы просит раду міста Бардийова о выданя нового выказу збійників, бо давний деси стратил бічскій староста.
- 1510 — Збудувано церков в Улючу к/Санока; то найстарша захована деревяна церков не лем на нашій територии, але і в цілий Польщы.
- 1510 — Відоміст, што Крампна належала до Анджея Стадніцкого, каштеляна саноцкого.
- 1510 — В загадковій ситуациі, што до організації латинської

парафії в Пташковій, яка протігала ся через 220 років (см. ЛК 1999, р.1359), забито пробоща, що додає ішы пікантерії тій загадковості.

- 1530** — Яцко Вощынка з Радошыц заложыл на волоскым праві сусідню Ославицу.
- 1530** — Згоріл мукачівський монастир, котрий был єдночасні резиденцией мукачівських єпископів. Принадлежны до монастиря маєтки насильні прилучено до дібр мукачівского замку.
- 1550** — Саноцкій староста Пйотр Зборовскі выдал документ для православных саночан, на основі котрого міщене, взамін за збурену церков замкову, отримали "plac w tymże mieście pusty według wałów miasta".
- 1560** — Латинській перемишльській біскуп змінил льокацию Дальовы на волоску; попередню, в 1363 році отримал на німецьким праві Грицко Зарович (село звано товды Грицьова Воля).
- 1570** — В Литмановій на Спишу заложено народну школу, ци не найстаршу, поза монастырскыма, на нашых землях.
- 1570** — (18.09) Єдна з перших відомости о Жыдах в нашых селах (поза самым Жыдівским, льокуваним в 1541 р.); неякому Авраамови выдано привілегію на заложыня кужні в Полавах.
- 1570** — Списано справозданя шлідчай комісії спишской коморы о соціальних і релігійных взаєминах на Спишу. Члены комісії звертают увагу на борбу підданых против панам, пишут о них, же: "Русины і Валахи народы некатолицкы, нехристияньскы і небезпечны".
- 1580** — Шолтысом Дошниці был Константин Дошницкій (тіж для Явіря), котрого король повідомил осібным письмом, же оба села присудил свому "kuchmistrzowi" Алямані.
- 1580** — Выдано королівский універсал, за якым за яким вино з Угрів мож перевозити лем через: Санч, Біч, Дуклю, Рыманів, Кросно, Санок (...).
- 1600** — Кінчат ся відомости (од 1572) о інтересуючий особовости - Лазарі Мійским з Тылича, війті "krisu mussynskiego", писменным, барз оборотным.
- 1600** — Тым роком (25.01) зачынат ся "Księga sądowa kresu klimkowskiego", незмірні цінне джерело суспільных одношынь на Лемковині в XVII-XVIII столітях.

- 1610** — Вмерат перемишльський єпископ Михаїл Копистяньський, якій не приняв унії 1595 року. На його місце, напроти волі вірних, назначено королівського кандидата, уніята Афанасія Крупецького (1610-1652).
- 1620** — Король Зигмунт III опоминає свої війска оставлені на польсько-угорським пограниччю, жебы одперли евентуальний атак семиградського князя.
- 1620** — Інтересуючий документ в Книзі судовій кресу клімківського (Нр 176) о поділі маєтку медже клімківським шолтисами Михалом, Павлом і Феньком, посвідчує іх маєтніст, м.ін. посідання пивного бровару, "коллярні" - колодійні.
- 1630** — Документ в Книзі судовій кресу клімківського (Нр 282), приводячий імена родичів (Ваньча, Настя) Василя Ліщинського - пізнійшого збійника Василя Баюса.
- тіж документ (Нр 296) о попі новицьким, якій сына свого Семана "wypuścił z majątki pana dobrodzieja (...) do inszego państwa" (домінії).
- 1630** — Опрышки з Підкарпатської Русі напали на маєток Казимира Турського в Саноцькій Землі.
- 1640** — По ліквідації тылицької парафії, перенесено до Мушинки тылицького попа Івана Федоровича.
- 1640** — Дідич Глініка і Рыхвалду, замітучи державці зламання контракту держави, спомнул о надмірним взыскуванню підданых, яке вело до іх втікання з тих сіл.
- 1640** — Перша проба мукачівського єпископа Василя Тарасовича приняти унію, ударемнена острим протестом духовенства.
- 1650** — Міщене саноцькы не позволили на одправління в місцевій церкви богослужыння унійному єпископови.
- 1650** — Бортне отримало льокацийний документ. Неможливим є, жебы не існувало скорше, бо вказує на то численність його мешканців в тамтых роках. То іщи єден примір блудного розумління льокациі в справі "волоской кольонізації".
- 1660** — Проведено люстрацию королівських дібр краківського воєвідства. Люстрації (було іх пару) сут цінним джерелом інформацій.
- 1660** — Ян Казимір надає Янові Завіші документ на опорожніле "wybraniecwo" в Мысцові.

- 1660** — Тым роком зачынат ся Гуцлівска літопис. Од 1780 р. ёй автором быв Михаіл Гриѓашій, сын кметя Гриѓы. Давнійши подїї взял зо списку незнаных авторів. Літопис кінчыт ся 1830 роком.
- 1670** — Вмер Петро Партеній, перший унійний єпископ мукачівской єпархii. По його смерти наступил спонтанічний поворот вірных до православія. Грекокатолицькій священник Иреней Кондратович так пише о тых подіях: "По смерти Партенія (1670) настали тажкі часы. Найшлися особы, котрі открыли очи народу и духовенству. Народ глубоко быв преданый своїй старой греческой вірі, вірі отців, но не понимав еї сущности. Духовенство же при своїй низкой образованности, не могло убідитися у высшости католицкої віры. Возстали беспорядки, и схизма ширилася дальше, палили уніятскі книги, перекрещовали уніятским духовенством крещенных дітей, унія находилася в повном упадку." (Історія Подкарпатської Русі для народу, составив: о. Иреней Мих. Кондрато-вич, Ужгород 1924)
- 1670** — Документ в Книзі судовій климківского кресу (Нр 710) о поступуючий панщыні; без відомости паньской не вільно быво взяти з ліса ани зломиска.
- 1690** — (20.04) Введено на мукачівскую кафедру Йосифа де Камеліса, єдного з найбарже освіченых унійных єпископів.
- 1700** — Львіескій єпископ Йосиф Шумляньскій, як остатній в Галичыні, принял унію.
- 1700** — Тым роком датує ся церков в Квятони, єдна з найкрасших істньюочых до днес на Лемковині.
- 1700** — Вродил ся Михаіл Ольшавскій, в рр. 1743-67 єпископ мукачівскій, выдал Начало писмен учащимся (1746).
- 1700** — В Зындроновій вмер остатній передунійний православний парох о. Василий Барвіньскій. Селяне аж в 1706 році приняли унійного священника.
- 1710** — На Підкарпатю панувала епідемія чумы, по части і на Лемковині.
- 1710** — В гаснучым повстаню Ф.Ракочия (од 1703) утримували ся лем пілнічно-східні, Угры, то є землі Русинів, які чынні брали в ним участ.
- 1710** — Вмер Михаіл Андрелла-Оросвиговскій, выдатний пред-

ставник русиньской полемічной літератури.

- 1720 — Замойскій Синод, од якого зачала ся міцна латинізация унійной Церкви. Брал в ним участ саноцкій декан о. Йоан Корнашевич.
- 1720 — Справа в Книзі судовій кресу климківского (Нр 1200) о братоубийство. Убийця, Петро Барняк, втюк, прото суд не каре го "головом", лем жебы "matce i bratu nieboszczyka zabitego dał grzywien dwadzieścia siedm, potym żeby przez siedem mszy alias służb krzyżem w cerkwi leżał i po każdej służbie żeby dał ojczenkowi grzywnę jedną i plag (przez) wszystkie службы по piętnaście żeby wziął (кед бы ся вказал в селі).
- 1740 — На австрійскій трон вступила Марія Тереза, за хлопським мітом - "добра королева"; видала тзв. урбариальний патент, ограничуочы самоволю шляхты.
- 1750 — (бл.) Основано в Мукачові богословску школу, в якій вчену по русиньски; в 1778, в характері духовной семінариї перенесено ю до Ужго-рода.
- 1760 — "В восточной части єпархії мukачевскої в 1760-61 роках на агитацію сербского ієромонаха Софронія і арадского схизматицкого єпископа Софронія Волохи і Русины прогнали своих уніятских духовников, заперли церкви, не дали крестити новороджennых и погребати мертвых. Містами (місцями - Ред. ЛК) діло прийшло до открытоого повстаня. Поміщики не могли ані війсковою силою задавити явный бунт." (И.Кондратович, як в., стор. 63)
- 1770 — Інтенсивна "діяльніст" конфедератів барских на Лемковині.
- 1770 — Стараньом єпископа Йоана Брадача видано в Відни "Буквар" і Сборник".
- 1770 — Австрійці затримали в Ясині росийских купців С.Григоровича, І.Іванова і Г.Тимофеєва, котры везли книги до Підкарпатской Руси.
- 1770 — Вродил ся в селі Паладъ коло Ужгорода Іван Орлай, вчений і освітній діяч. В 1791 р. виїхал до Росії; вихователь М.Го'оля.
- 1770 — (конец червця) Выполняочы розказ Марії Терезії з 19.06.1770, австрійска війска (мадярски полкы) заняли част Сандеччыны.

- 1780** — Єпископ Андрий Бачыньській лишил стару столицю музичних єпископів і переселився до Ужгорода.
- 1780** — Вродился Онуфрій Раставецький, в рр. 1838-59 парох Саноки, в часі Весни Народів був ведучим окружної Рускої Ради. Помічником його був о. Михаїл Монацький.
- 1780** — (серпень - вересень) Консистор перемишльської єпархії о. Йоан Бернакевич в імени єпископа М.Рыла візитував мушинський деканат.
- 1780** — (до 1790) Панування в Австрії толерантного Йосифа II, єдного з найвидачніших представителів "освіченого абсолютизму" в Європі.
- 1790** — (до 1791) Сойм в Прешбургі надав особливі привілеї мадярському языкови, што викликало спротив не-мадярських народності, особливі Сербів; початок мадярського націоналізму в тым взгляді.
- 1790** — Уряд Австрії окріслів для священників суму конечних доходів; котри кінчали курси в латинському языку - 300 ғульденів, зас для скінчивших оны на рускому языку - 200 ғульденів на рік. В ту суму вчисляло доходи з ғаздівки і парафії, бракуючу част мала доплачувати держава.
- 1790** — Перенесено циркулярний уряд з Дуклі до Ясла.
- 1800** — Конечну, по смерті пар. Василия Менциньского прилучено до Ждані.
- 1820** — Вмер (правдоподібні в Михаловцях, де жив) Миколай Теодорович, автор органальної праці Помощник у довувстві і между людьми.
- 1820** — Явірки враз з Білом і Чорном Водом, належачи перше до Шлахтови, утворили oddільну парафію.
- 1820** — Вродился Василь Ляхович (+1861), перший біограф Василя Довговича.
- 1830** — Вродился Александр Гомічков, освітній діяч Підкарпатської Русі; писав верші, оповідання, занимався публіцистикою.
- 1830** — Вийшла друком Славено-руска граматyка Михаїла Лучкай.
- 1830** — Мешканці Побідна к/Санока, коли згоріла місцева церков, перешли на латинській обряд. За Побідном пішли з часом Писарівці, а о 90 років – в 1921 Андрушківці, за

ціну набуття ропарцелюваного двірського поля, яке не могли інакше купити, як лем під умовином зміни греко-кат. обряду на латинській.

- 1830 — В Зарічові к/Перечына (західня Підкарпатська Русь) виник острій протест против поміщицької, закінчений арештуваньом 17 селян.
- 1830 — Вродил ся Йоан Хризостом Дуркот (сеніор), долголітній парох Нової Веси (Новівси), церковний і народний діяч.
- 1830 — Вмер Андрий Дудрович, уродженець Підкарпатської Русі, філософ, професор Харківського Університету.
- 1840 — (18.11) Селяне Устя Руского внесли до ясельського окружного уряду зажаління на ғмінны власті, яка не дає ім витяти дерева на конечны потребы, а кед уж - та далеко, де не мож доіхати, на лісничого, який за стиці дерев замыкат іх до арешту, задаючи ім піняжны або тілесны кары - 10, 15 кыів. В писмі домагано ся загальні вільного користання з лісів, неодбераня млинів і пропінації.
- 1850 — Александр Духнович видал перший зо своіх альманахів Поздравленіе Русинов на 1850 год. Того рока заложил тіж "Літературное заведение пряшевское" - першу нашу літературну спілку. Належали до ней м.ін. М. Невицка, А. Кригер-Добрянська, І. Вислоцькій, М. Нодь, А.-Янкура, А. Рубій, А. Лабанц.
- 1860 — Вышла Зоря Галицка яко альбум на год 1860. Помістили в ній свої творы м.ін А. Духнович, А. Павлович, А. Кралицькій, Клавдия Алексович, А. Тороњьский.
- 1860 — Сільський писар в Зындроновій Теодор Кукела побудувал хыжу; днес містит ся в ній Музей Лемківской Культуры, заложений і ведений через Т.Гоча.
- 1860 — Реорганізація адміністрації в Галичыні. Лемковина ввощла до повітів: сандецького, ґрибівського, ґорлицького, ясельського і саноцького. Реорганізація тырвала пару років.
- 1860 — Поселил ся Краснобродським Монастырі к/Меджелаборець Владислав Терлецький - єдна з найбарже яскравых особовости XIX століття. Холмський уніят, участник Листопадового Повстання (як лікар), од 1839 р. алюмн духовної колегії в Римі і емісарий папы Пія IX в ділі

приєдняня православного Сходу до Риму, приятель в парижським кругу Міцкевіча. По 41 роках скитаня по Австро-Угорщині, Італії, Франції, Німеччині і Турції, попросил царя Олександра II о дозволі вернутися до Росії, приняв православ'я, вмер в 1886 році як архімандрита в Одесі.

- 1860** — Проголошена нової конституції, за яком уштким народам Австро-Угорщині дозволялося розвивати на основі історичної традиції. Галичанам і Русинам Угорщини не повелося належні скористати з той нагоди.
- 1870** — Повторні заложено Руску Раду.
- 1880** — В Відні вишли два томи праць єп.др Юліяна Пелеша: *Geschichte der Union der ruthenischen Kirche mit Rom*.
- 1880** — Селяне Кременяної к/Санока переходят на латинський обряд.
- 1890** — Львівський провінціональний Сойм, устами посла Романчука, оголосив тзв. "нову еру".
- 1900** — Во Львові видано працу Івана Франка Карпатське письменство XVII-XVIII в.
- 1900** — В Макарові австрійські війска увязнили 106 селян. Был то нашлідок селянських виступлінь в Підкарпатській Русі, які розпочалися в 1897 році, як протест на соціальну несправедливість.
- 1900** — Михаїл Врабель, редактор газети "Неділя", видал збірник народних пісень Соловей.
- 1910** — (докладні дати іщуться не знаємо - Ред.) Вродився в Устю Руским Миколай Цисляк, ден з найвидатніших єміграційних діячів; маляр, графік-ілюстратор, по смерті др. С.Пижака (1957) редактор "Карпатської Русі" і календарів Лемко-Союза, автор дев'ятьох драматичних творів, спосеред яких пару виставлено на сценах в Америці і в Польщі ("Пропсперита").
- 1920** — Чеські органи влади знесли Руску Автономічну Директорію Підкарпатської Русі (покликану в 1919 р.) і цілу владу передали назначенному через президента Губернаторові.
- правна організація автономічної Підкарпатської Русі. В тьому році видано більшість державних і автономних документів, регулюючих їх статус.

- 1920** — В ярі того рока перестала функціонувати Лемківська Народна Республіка.
- 1920** — Іван Поливка, великий пасіонат і дошлідник життя і творчості Александра Павловича, видал в Ужгороді його творы п.н. Вінець стихотвореній.
- 1930** — В Підкарпатській Русі створено Спілку Працуючого Селянства.
- 1930** — Перепис насеління Чехословаччині; абсолютна більшість Русинів декларувала товдь свою народніст як "русињську".
- 1930** — Дальши села Лемковини вертають до православія (м. ін. Снітниця).
- 1930** — Робітничи стрajки в Чехословаччині, в тым на Пряшівщині і в Підкарпатській Русі.
- 1940** — (січен) Перше і єдине фактичні добровільне, хоц спричинене обставинами, добровільне пересеління Лемків до СССР.
- 1940** — (червец) Місцевы мадярскы власти Підкарпатской Руси, за "радом" міністра обороны Барти Кароля, рішыли в протягу 6 тыжні вывезти "для безпекы" вглуб Угрів вшыткых працівників колеї.
- 1950** — В Юнкерс проходил XV Зъїзд Лемко-Союза. Переслано до польского уряду резолюцию, в котрий делеѓаты просили наново розобрati справу насильного пересеління Лемків.
- 1960** — (7.08) В Талергофским Памятнику - каплицi в Лемко Парку одправлено перше богослужыня. Од того часу церковны і народны торжества посвячены памяти Талергофу, одбывали ся регулярнi в першу недiлю серпня.
- 1970** — Ансамбль "Лемковина" здобывает головну нагороду на IV ФестівалиУСКТ в Варшаві.
- 1980** — В продолжыню попереднього рока, барз інтенсивна діяльніст в Горах і на Заході над одроджыньом Ансамблю Пісні і Танця "Лемковина". 30 квітня ансамбль – ведений дале через Ярослава Трохановского – дає в Білянці перший свiй виступ. Од того виступу зачынат ся патрiотичний похiд "Лемковини" до розтрaченого народу, перерваний лем воєнным станом, закiнчений великим турне по Америцi в 1987 роцi.

- 1990** — (марець-квітень) Награно на відеокасету драму Андрия Копчи "Одяття коріння". Режисерия награння А. Копча, знимки Ваньо Косовський.
- 1990** — (20-22.07) Лемківську Ватру першы раз організувано в Ждыни. Остатній раз розпалили ю діяч з нашого кругу, Лемко Рока 1989 - Андрий Копча.
- 1990** — (21-27.07) IV Світовий Східнослов'янських і Совітських Дослідження в Гарог'єйт (Англія). Олена Дуць-Файфер прочитала на ним реферат по лемківському.
- 1990** — (11.08) X Лемківська Ватра на Чужині, спілорганізована через Заложительський Заряд Стоваришина Лемків і мешканців села Михайлів.
- 1990** — (8.12) I Конгрес Стоваришина Лемків, проведений в Ліг'ници.

ПЕТРО ТРОХАНОВСКІЙ

Княжий град Санок


Днес Санок дост гмісто асоціює ся нам з Лемковином, а іщи початком одходячого століття трактуваний был як єй начальний град, речы бы - столиця. Кед же вертати будеме в глубину віків, його значыня в нашій історії занимало буде першоплянове місце. Уж і зо самого факту, што з цілой галицкой Лемковини акуратні Санока тычыт ся перша записана історична відомість.

Іпатіївська Літопис (а не Галицко-Волынська, як публикуют декотры авторы, і яка зачынат ся од 1201 р.) під роком 1150 повідат о поході угорского короля Ґейзы II: Король же прошедъ Гору взя Санок городъ и посадника его яша...

Чом выріжнили, підкріслили мы тото слово "яша"? Вчены од давна сперают ся над його значыньем. Єдны видят в ним імено посадника – Яш, інчы одчытуют в тым слові токо, што ся доправды само чытат: яша, од інфінітиву яти (staropol. - ја́с, цја́с). В сучасных языках змінило оно дакус свою значыньову одтін. В лемківським виступує радше з за-

іменником ся - яти (ся) (дакого, дачого, за дашто) і є по части днешнім вымінным взяти (ся).

Прочытайме товды раз іщи, по днешньому нашему предметовий текст: Король же, коли перешол горы, занял місто Санок і посадника його взявшы... Прочытайме за тыма "інчыма", не трактующы іх очывидні як "другых", "крайніх". Не спроваджайме тіж "єдных" на маргінес. Лишме справу отвореном. Добрі мати в давній історії окрем подій і посадника знаного з імене (і тым ся керували "єдны"), хоц доправды імено ту не найважнійше. Більше для історії бесідує само "посадник", як функція (пomen omen - днешня "посада"). Сьвідчыт она о важным значыню міста Санок. Посадник в давній Русі то намістник князя в окремій території, якій мал широкы полномічности в галузі державной адміністрацыі. Не хоц-якы міста мали посадника. Санок мал. А кед так – мусіл і мати якысь історичны традиції адміністраційного осередка. Чыі же то были



Саноцький замок. Гравюра з XIX століття. Автор незнаний.

традиції, якої державності?

Більше щесливым для потомних як для товдышнього Санока виявил ся похід Гейзы II. Завдяки ньому маме в історії речену першу дату - 1150 рік. Та одраз приходить на мысель зувіданя - ци кед бы ішли походом в totу страну його попередники, Бейля II Шліпій, Штефан II, застали бы уж в Саноку посадника? Ци кед бы похід Кольомана, котрий

выбрал ся ту в 1099 році і дістал болячу научку над ріком Вяр під Перемышлем, до кладнійше оповіли літописи, нашли бы в Саноку посадника, намістника руского князя (бо посадник - то Русь)?


Сам Санок є очевидні поза дискусійом, як вказуют археольгічны розкопкы. Вчасно середньовічне градиско в Терепчы, о крок за днешњом адміністрацыйном границьом

Санока фасцинує археологів од дост давна, остатні же роки принесли ревеляційни одкриття. Окрем богатих скарбів зачислюваных єднозначні до культури рускої, а датуваних (датування підкріслям) на XII-XIII століття, найдено і 300 років старшы, бо датуваны на IX-X століття, принадлежни до Великоморавського періоду, тым самым до білохорватських княжих часів.

Вернийме ся тепер до рускої нитки. Нитки, бо в найважливіших історичних джерелах не є она бодай мотузком, а уж нияк мотузом. На нашлідки Владимірьового походу 993 рока на Хорватів звертал єм уж увагу (ЛК 1993, 1999), та далеко на я єден дізріл єм, што скупіст, обережніст літописця, який запер го в пілтора речиню, съвідчыт о тым, же Владимірьови не повела ся хорватська война. Ярослав Мудрий (1019-1054), хоц одобрав Полякам т.зв. червенськы грады (серед яких дуже вченых не видит Перемышля), на смертній постели, коли ділит Русь медже своїх сынів, не споминат серед перечисленых земель не то же Перемышльщины, але ани і Галичыны. А были то землі, як перед тым, як товдь і як потім, уж в Руси – найбогатшы серед земель, барз важны. Неможливым є же, көд бы на-

лежали товдь до Ярослава, забыл бы о них.

Перший певний шлід о вододіню Перемышлем через руского князя находиме аж під роком 1087. Є то Рюрик (+1092), син Ростислава. Його братя, Володар і Василько "сидят", як ся товдь гварило, в Звенигороді і Теребовли. Отеціх, речений Ростислав, внук Ярослава Мудрого, не "сидил" нигде, як ізгой - значить ся князь без князівства, враз з інчима ізгоями перебувал далеко, в Тмуторокані. Там розпочал якысу політычну акцію і вмер в 1066 році, отрутий через візантійского намістника Крыму. Яким чудом його синове не лем нашли ся, але і нашли князівства в далеким підкарпатським краю - не даст ся уж одповісти. Мож ся лем здогадувати. Деякы тлумачат то вымертьом білохорватської князівської династії і запрошыньом через місцевых можных на княжы стільці руских князів, што товдь не належало до одосібненых припадків. Осіли ся ту щесливо, зробили політычну карієру. Володар (+1124) по смерти брата Рюрика княжыл і в Перемышли, зас сын його, Володимирко, рядил уж (1141-1153), об'єднаным через себе, міцным Галицкым Князівством. Як видиме по роках, акуратні його посадником в Саноку был



Санок. Видок зо замкової горы на долину Сану.

тот хтоси, занятий через Г'ейзу.
Ци Г'ейза зял го на все, на амин? Речете - г'у чому гну? Застанавлям ся над можливістю повороту саноцького посадника на свою посаду, а і мам охоту доповісти іщи да-кус о тым політычним щестю Ростиславичів. Уж по трьох роках од той події на галицькій княжий столец засіл сын Володимира, славний в історії Ярослав Осмомисл (1153-1187). Был він з Мадярями в добрих односинах, дівку свою oddal за угорського короля Штефана III. Был в добрих

односинах бо... был міцний. Велике Слово о полку Ігоря повідат о ним так:

Галицкій Осмомисле Ярославе!
Высоко сідиш
на своїм златокутым столі,
підпер ес горы угорськы
своїма желізныма полками,
заступил корольови путь,
запер Дунайови ворота,
мечеш тягары через хмары,
суднами рядиш по Дунаю.
Гроза твоя по землях тече,
отвераш Кийова ворота,
стріляш з отчого стола
в султанів за землями.

(зо старорусского первьюол
Мирослав Воргач)

Так, Санок в часі Г'ейзового походу был уж очывидні в Руси, але был в ній не дужше як од 50-60 років. Історични джерела, на яких операють ся тоти розважаня, потверджат археольогія. І не мож посуджати же датування є тенденційне. З польской рациї стану (поминяючи наукову солідність) съміло мож було того, руских нахідок, датування пересунути на XI століття, адже по коротким Хробровим періоді (котрий Санока окрем того не конечні ся тычил) так ци сяк польськы інтересы мали ся ту нияк.

Чыі же ся мали? Думам же неє потребы навертати тему од нова. Найвижше повторити

думку "з боку", Т.Ольшанського, яка ту єднак вірогідні оддає правду: „Stworzone przez Chorwatów stosunkowo niewielkie, ale silne i zamożne państwo musiało zręcznie balansować między potężnymi sąsiadami, zależnie od koniunktury poddając się im, lecz żadnemu nie pozwala-

jąc trwale się uzależnić.” До даного часу.

Земля Саноцька, хоць попри інчих "землях" територияльні невелика, долго іщи буде функціонувала як окрема територіяльна єдиниця. Зато же традиції той окремішності мала барз давни і барз міцны.

Література:

- Adam Fastnacht, *Sanok. Materiały do dziejów miasta do XVII w.*, Brzozów 1990;
- Tadeusz A. Olszański, *Zarys dziejów Rusi Halickiej i Karpackiej w wiekach średnich*, SKPB, Warszawa 1986;
- Józef Rawski, *Przyczynek do rozważań o najdawniejszych dziejach Sanoka i Ziemi Sanockiej IX-XIII w.* [w:] *Rocznik Sanocki IV*, Wydawnictwo Literackie, Kraków 1979;
- Ziemia Sanocka, Wydawnictwo Artystyczno-Graficzne, Kraków 1966;
- *Sanok i okolice*, Wydawnictwo Artystyczno-Graficzne, Kraków 1970;
- А.А.Д., *Терепча - продовження розкопок* [в:] Церковний Календар 1998, Видання Перемисько-Новосанчівської Єпархії;
- Петро Трохановський, *Ци радісний то ювілей?* [в:] Лемківський Календар 1993, Сто-варишина Лемків, Лігниця – Крениця 1993.



Давно то было, барз давно.

Іщи гущавина високих смереків вкрывала фалдуваты горбы Бескыда, іщи полноводний Сан двома срібными басанунками обливал княжий град Санок, а високи княжы теремы смотрели гордо на схід і захід, якби сой съмішки строіли з ворога, котрий тайл ся по дебрах і лісах.

Безпечні роквітал і розвивал ся княжий град Санок. Глубоки і быстры води Сану, високи валы і храбры князівски воі давали поручыня, што ворг не скоро годен буде завладнути княжым теремами і богатым градом.

А іщи підыйти до самых градських валів было нелегко! На сході, в гущавині ліса, крили ся Орлини Скалы, а серед них гурт славных рыцарів. Каждий, хто ся выбрал на підходы гущавином темних лісів, гинул вышліджених іх быстрым зраком.

Франц Коковський (1885-1940), *Над Сановим бродом*
з українського перевьюол П.Мурянка

ВАСИЛЬ ПАГИРЯ

Михаїл Андрелла (1637-1710)

Перша надмінка о писменнику-полемісті XVII століття Михаїлі Андреллі-Оросвиг'овським зъявила ся в науковій літературі при кінці XIX століття: літературознавці І. Дулішкович і А. Петров високо оцінили оцилілі рукописы "Ієрея Михаїла". А в наш час найгрунтовнійше дослідження творчості Михаїла Андреллі зробив доктор філььо-льогічних наук Василь Микитась в книзі "Український писменник-полеміст Михайло Андрелла", яка взріла сьвіт в видавництві "Карпати" 1960 року.

Вродил ся Михаїл Андрелла в Росвиг'ові, зато і назвал себе Оросвиг'овським. Кым були його родиче, докладні не відомо. Очевидні они належали до незаможних селян ци до убогого духовенства. І не відомо докладні, в которым акурат році ся вродил. В своїм творі "Оборона", написаным медже 1697 а 1701 роком, він надмінят: Уже старець, маю шістдесят і більше літ, зато принято уважати, што вродил ся він в 1637 році. Закарпатські історики М.Лелекач і М.Грига в своїм "Виборі із старого руського письменства Подкарпатя" ува-

жают роком народжыня Михаїла Андреллі 1639.

На початку "Оборони" Михаїл Андрелла назват себе "Ієрейом Михаїлом Феодулом і Христодулом", а пізнійше "Миговком" і "Оросвиговським". Подібны назвы лишил він і в своїх приписах на "Острожскій Біблії" з 1581 рока, котра була його власністю, на "Трефологіоні" в селі Бедевли. А коли вмер, то на єдній з богослужебных книг села Іза, де писменник жыл осстатні рокы, записано: року 1710 вмер священно-ієрей Михаїл, знаный народом Миговк.

Андрелла часто в своїх творах споминат, што специальну богословску осьвіту здобыл він за границями рідної землі. Так, в "Обороні" він записує мадярським языком: Я тыж был... во Відни, Прешбургу, а тыж в Трнаві. Вчыл ся хыбаль Андрелла в віденській єзуїтській семінарії "Познанеум" і Трнавській гімназії, перетвореній через єзуїтів на університет, де пару місц надавало ся кожного рока представникам західноукраїнського походжыня, чтобы выховати іх на вірных слуг Ватыкану. По закінчыню богословских на-

ук призначено го на католицького пресвітера. Знання чуджих языків помогло му всесторонньо поглибити освіту і орєнтувати ся в товдышнім суспільно-політичним і релігійним руху.

Вернувшись на вітцьовищу, Андрелла зачынат з великим заангажуваньом читати православні книги, котри в великий кілкости були товдь доставляни з України і Росії. В своїх творах він споминає "Лексикон славенорусский и имен толкование" Памви Беринды, "Ключ разумения" Іоанікія Галятовського, "Камінь" Петра Могилы і інші.

Михаїл Андрелла був очищаником людиною, з високом на свій час ерудиційом. Без знання історії папства і релігійного руху він не міг бы вступити в полеміку з високоосвіченими єзуїтськими богословами і перемочи їх. О своїй перевазі над єзуїтами він писав: *Они, римляне, не могут мое прочитати писмо, я могу, слава Богу, и римское, угорское, греческое, еще и польского троха мало.*

В 1669 році Михаїл Андрелла зрыват вшытки стосунки з унійом і стає в обороні тих, кого нещадні обдерают панове. Перебываючи в середовищі простого народу, писменник стався виразителем мысли і прагнінь взятого під ярмо селянства і найбіднішого духовенства,

яке тиже несло на своїх плечах тягар панщинної системи.

За одхід од унії Андреллу враз з його двома братми закули в кайданы і шмарили в підземля Мукачівського замку. О муках і насильствах, які прислоя ся прежыти, писменник не раз споминає в своїх творах, окреме в "Логосі" і "Обороні". Не зламавши мужнього Андреллу застрашаньом і тортурами, старано ся підкупити го дарунками і пінязми. Він з гнівом одшмарил і того. Не зважаючи на страшенні перешлідування, він проповідувал православія і тым моральні підтримувал широки народни маси в іх борбі за "стару віру".

Од страны художньої досягнності творы Андреллы уступают посланям Івана Вишеньского, але в ідейном пляні они стоят на рівні з ним і становлять окріслену художню цінність. (...) Поєднання гумору, сатири і безпощадного сарказму визначають особистість полемічного хисту Андреллы. Сьміх писменника, скеруваний против ворогів, був трафний і гнівний. Комічне в відкритю явні негативних персонажів і трагічне во вказаню житя лишеного через долю народа - безперечна цінність полемічних творів Михаїла Андреллы.

(Выімки з твору "Логос" Михаїла Андреллы помістили мы в Лемківским Календарі 1996 - Ред. ЛК)

ПЕТРО ТРОХАНОВСКІЙ

Йоан Кутка (1750-1812), його епоха і "Катихисіс"

Два роки тому в циклю "З видавничої полічки" представил єм коротко репрінтове видання *Катихисісъ малый или наука православно-христіанская...* з 1801 рока ("Бесіда" 41-42). Хоц мал єм товды, в тым єдним номері, до омовліня аж 5 книжок, сам не знам - чого бодай словом не рюк єм о авторі *Катихисіса*. Понаглял єм ся, забыл єм. Зато тераз при нагоді окружлої – чвертисячолітньої річниці народжыня Йоана Куткы треба направити тоту хыбу; хоц окремий допис дост тяжко в тым припадку зложыти, з огляду на порівнальні скupy джерела о жытю того выдатного Русина.

Чом tota скупіст, кед был выдатний? На мою думку стало ся так зато, же Йоан Кутка прожыл жытя в тени єпископа Андрія Бачыньского (1732-1809), улюбленого народом і ним самым владыкы.

Йоан Кутка вродил ся 1750 рока в Сухым к/Михаловец. Богословія вчыл ся в Мукачеві, філософії в Кошицях. І ту уж інтересуюче, што – смотря-

чи на його пізнійшу професійну позицию - не "лизнул" він так ходливых товдышніх місць едукації як: Трнава, Яг'єр, Варадин. Ходливых... До них наганяно Русинів мало не силом. В 1754 році австрійський уряд призначыл на утриманя і науку в Яг'єрській єзуїтській семінариї шторочну субсидію. Мало ся гын вчыти на єдным річнику по шестьох кандидатів з Мукачівської єпархії. Та молодіж руска ішла до Яг'єру неохотно і лем під примусом духовных і сьвітських власті - як доводил І. Дулишкович в другій половині XIX століття. О тым, як неради вчыли ся там Русины, засьвідчуют скарги дирекції школы до мукачівського єпископа. Трафляло ся што ученики організувано втікали одтамале. В 1770 р. втюк цілий річник, шестьох вихованців. Причыну такого стану добре характеризує Йоан Пастелій (1741-1799 - см. "Лемківскій Календар 1999"), якій сам закінчыл семінарию в Яг'єрі і засьвідчує што там над учениками знущано ся, примушувано одрікати ся свого на-

роду, звичаїв. Та єзуїтська метода радила сой ліпше як крапля зо скалом. Дуже вихованців, вертаючи ся домів, до вітчизни, зачали латинізувати місця свого діяння, церкви, школи. Речений єпископ Андрий Бачинський трапил ся што вихованці латинських шкіл в своєй руській науці так барз занезбалі, и глупіи невіжди приходять: же ани читати, а ни самое еще имя свое написати... не знают.

Сам єпископ, освічений, быстрый дипломата ставлял на руску "карту". Змисні маневрували медже обставинами а душом. Іщы як священник, в ролі висланника єп. Йоана Брадача (1732 - 1772, єп. од 1768) з поводжаньом перетрактувал 1771 рока во Відни в ділі приверніня незалежності Мукачівської Єпархії, яка од Ужгородської Унії 1646 рока була лем вікаріятом ягірского латинського архієпископства. Його непересічны знання і здібності достерегла сама цисарсьова Мария Тереза. Занявши в 1773 р. по єп. Йоані Брадачу його місце, не одраз, дипломатичні, але неодолга зачинали попри собі зберати єдно-думців. В 1777 році на єпископського секретаря покликує молодого 27-літнього о. Йоана Кутку, "несспапраного" ягірсько-ма ци інчима єзуїтськима школами. Єдночасні остає о. Йоан-

викладачом мукачівської духовної семінарії. Викладовим языком є ту рідний, русинський язык. В 1780 році єп. Бачинський переносить столицю єпархії, враз зо вшыткима основами єй функціонування, до Ужгорода; очи видні бере зо собом і довіреного секретаря. Організує ту велику як на тот час бібліотеку, котра при кінці його життя і заряджування єпархійом числила буде 9000 томів. Як мож ся додумати, тото хосенне діло організації впаде практичні на плечи о. Йоана Кутки. Йому тіж довірена остане організація перепису єпархії, обширною - од Мармарошу по Спиш (Пряшівська єпархія остане виділена аж в 1816 році), якій закінчений остане в 1806 році.

19 грудня 1809 р. вмерат великий Владыка Андрей. Його смерт, а враз з ньом боязнь о будучу долю його діла порушат народ, особливі же одданы круги русинської інтелігенції. Серед захованих джерел найкрасше ілюструє ситуацию, народны одчутия творчіст найвидатнішого поети того часу, Василя Довговича (1783-1849), якій посвячат тому аж 8 своїх поезий, з чого 3 тычат ся самой смерти єпископа, 5 зас борбі за призначання наступника. Довгович виступає за кандидатуром правлячого тымчасово вікарія - Йоана Кутки,

передаючы не лем свої переконаня, сподіваня.

Та о.Йоан Кутка - за жыття права рука, тепер же якбы душа єпископа - твердого Русина не ма шанс на єпископску кафедру. За дуже напсул латинянам кырви попередник, же бы на ню, тоту кафедру допустити такого самого, а може і більше завзятого Русина. Єпископскій престіл, долго остає порожній (до 1816 рока). Як напише о парудесят років Александер Духнович (1803-1865): *Милостивіша вижа канцелярия в своїм переконаню выражала... што кандидаты на мукачівську і пряшівську єпископію повинни старати ся о добро як церкви, так і державы, і особливі же утверждженю і продолжаню спокою, згоды і правдивого поєднаня меже Греками і Латинниками... нарушеного в часах Бачиньского і покійних вікарів Куткы і Брадача* (Михаїла /Йоан Брадач - єпископ/ - П.Т.), *приверненого лем завдяки спасительним передпринятям* (підкрисліня І. Мациньского, за яким цитую).

Не мал шанс о.Йоан Кутка. Бракло зрештом і часу. Вмерат, не старий іщи, але змучений хыбаль трудолюбивым жытъом, в 1812 році (за деякими публікациями - в 1814, в пуб. І.Удварі друкарскій блуд, переставліня цифр - 1821).

Лишыл по собі Катехисіс малый или наука православно - христіанская сокращенная во благочестное воспитаніе юношества дієцесіи мункачовскія (Будин 1801). Написал і Катехисіс великий...(1803). Съмію судити, же не вшыткы здаєме сой справу з цінносты тых творів. Жебы помочы іх доцінити, треба вернути ся дакус до давнійшого взглядом них часу.

Катехізисы, попри елементарных, барз простых буквярях, были колиси єдиными шырше доступными книжками. Перший катихізис, авторства златинізуваного Грека де Камеліса, унійного єпископа мукачівского выдано в Трнаві 1698 рока. Де Камеліс написал го по латині, зас на руску бесіду перевюл священний з Галичины, Йоан Корницкій. Як твердит дошлідник нашої літературы Гіадор Стрипскій, катехізис тот не тішыл ся в народі поводжыньом. Зас причины такого стану О.Мишанич так тлумачыт: *Нижче православне духовенство, яке дотримувалось православної віри, не хотіло брати в руки книжку, спрямовану проти нього.* Да-ле приводит він ставління ся до катихізису сучасника, выдатного нашого писменника-полемісты Михаїла Андреллы (1637-1710), якій ствердил, што в тій книзі вшытко лож.

59. В. Где майтъ діаволъ свое цртво? Св: Іса: гл. 13.
Бо пеклъ, и во грѣшной душѣ.

60. В. Къ можно цртвѣ иѣное достати? Св: Ежели болю Бжїю исполниме, и запиш: Мар: 3. гл.
вѣди єгѡ подержиме, такъ можно. Дѣя: гл. 13.

61. В. Чѣ въ третої просьбѣ просиме: Да
бѣдѣть болѣ твоѧ, икш на нѣ-
вѣсихъ и на землѣ? Св: Просиме ѿ Мар: 5. гл.
Бга помошь: абы болю Бжїю єсмѣ испол- Ука: гл. 13.
нили таکъ, икъ стїи на нѣ; а не нашъ
болю. Мак: гл. 13.

62. В. Кто исполнитъ болю Бжїк? Св: Іса: гл. 7.
Той кто запишѣди Бжїл держитъ, и сгуш-
твѣтныѧ бѣды терпѣлившъ износитъ.

63. В. Ёсть ли воля наша сама въ насъ? Св: Ес. 14.
свободна и на доброе, и на зло? Св: Ёсть — ла. 14.
свободна: бо иначе а ни жадныхъ заслуги
бы оу Бга не имѣла, а ни кѣры.

64. В. Чѣ чинити потріено, когда кого? Пар: гл. 5.
сгуштвѣтниѧ бѣды притискаютъ? Св: Терпѣли- Іерем: 1. гл.
вш износити, и къ Бгѹ воздыхнти потріеб- Дѣя: гл. 13.
ко тѣми словами: Да бѣдѣть болѣ
твоѧ!

Нарід не міг барже любити твору де Камеліса нич самого його. В часі Ракочийового повстання (1703-1711), в яким масово взяли участ Русини, де Камеліс втюк до монастиря міноритів під Пряшовом. Але і там го найдено і укаменювано (1706).

Наступны выданя XVIII століття не стрічали ся з так єдно-значном реакційом народу, але не мож бесідувати о іх по-воджыню. Аж Кутків катехізис діждал ся всенародньой пошаны. Мал єденадцет выдань, а остатнє надруковано... в 1931 році.

Што справило, же хоц зміняли ся часы, зміняло ся виживня сьвіта, в tym і в релігійним аспекті, "Катихисісъ" о.Йоана Куткы "тримал ся"? Дошлідник давнины, а і знавец сучасных му суспільних взаємин Підкарпатской Руси кінця XIX століття, Евмуній Сабов, високо оцінюючи значення катехізиса в просвіченню народу, гварит: *Нарід привык до него, і тяжко нашмарити му інчий.*

Думам, треба додати г'у привычці і єй причину. А причина ту в барз приступним, представлінню зasad віри. Причина в языку, в яким - хоц в русинській писемности тырвал процес глубокой архаізації в духу церковно-славянського (славяньско-руско-

го) языка (...) оддзеркалює ся лемківскій кольорыт (І.Удварі). Причына в глубокым честуваню (од "чест" - беру слово з катехізиса) простого, бідного человека (не заплатити слугови - то гріх). Причына в народній духовости, мож бы речы по днешньому - патріотызмі, якій часто-густо мож вычитати помедже писаными рядками. Помедже рядками, бо тот патріотызм з огляду на обставины треба было скрыти. Але видно го. Як цілу любов до свого отця Йоана Куткы.

Література:

- І.Удварі, *Катехізис Іоанна Куткы* (Буда, 1801), [в:] *Катихисісъ малый...* Nyiregyhaza, 1997, (виданя репрінтowe);
- Е.Сабов, *Христоматія церковно-славянскихъ и угро-русскихъ литературныхъ памятников*, Унгвар 1893;
- о.И.Кондратович, *Історія Подкарпатской Руси для народа*, Ужгород 1924;
- І.Мацинський, *Кінець XVIII – перша половина XIX ст. та життя і діяльність Василя Довговича*, [в:] *Науковий збірник Музею української культури у Свиднику*, Пряшів 1982;
- В.Л.Микитась, *Даеня література Закарпаття*, Видавництво Львівського університету 1968;
- О.В.Мишанич, *Література Закарпаття XVII - XVIII століть*, Київ 1964;

Приміри словництва з "Катихисісу" о. Йоана Кутки

(Приміри подано згідні з оригіналом, зрезигнувано лем з твердого знака, якій виступує на кінці слова по вшыткых спілолосных; "ять" /якого не мame в компютері/ oddано як "і"; в квадратових дужках подано власны поясніня)

абы (ся научил, и знал)	вшытко (по) вшыткому (нам подобный)	затаил (гріх) звукителя (Єва по- слухала)
алмужну (чинити)	вшыток (світ)	здравіє (навернути)
без (матере)	где (ся дієт)	изышол (с неба)
бесідую (с Богом)	гнівникови (отпустил есь)	изуполний, и неизу- полный (гріх)
біло (істи в седмицу сырну)	(Кто) годен грішити, повинен и пости- ти)	изуфана [од "зуфа- лый"]
быти	голузи (от корене)	ищи
(в) блискавицях	даколи	ідовитого (гада)
(на) блюватину (пес ся вертат)	даякій	каждого (року)
вадятся (со своими родителми)	двоjakій	(якбы) каміня на небо
варовати (от шкоды)	держжал (заповіди)	метал [коли грі- шит]
весденный [каждо- денний]	дома (во побожных бесідах пребы- ти)	кед (ся не покает)
вєдно (руки склада- ти)	дора	коли (тя просвітил)
взял (на себе тіло)	дораз	котра (ліпше служит)
(на) выводки (поне- сла єго Богоро- дица)	дорослый (человік)	котрим (конец будет)
выгварятися (як Адам на Єву, а Єва на діавола)	(на) дурницу (при- сягнути)	крадежа
вымститися	єднакож (не лінова- тися)	легше
вынаучытися [навчы- ти ся]	єдным (словом)	лихву (за долг)
выслободити	же єм	(на) ліганю
выход ([схід] солнца)	же мя (освітил)	ліпше
волю	животится (хлібом)	(на) люди
воход (до Іерусали- ма)	жыл (в тілі)	ляки [острахи]
всягды (єсть Бог)	запах (в носі)	(од) малости
	запродал (Христа)	маржину ([быдлята] проклинати)
	(по) заслuzі	марнотратство
	(не) заспало (але о- хотно)	матерним (языком)
		мысління
		можеме
		(по) можности (пома- гати)

навернути (честь другому)	поставил (Єву за же- ну)	просиме
най (так буде)	поставкують (около церкве)	(от) пятницы (до неді- лі)
найбаже (ганбы, би- тя, раны /терпіл/, же от ног до гла- вы ныбыло на нем цілости)	постоянство (заступ- ництво [Боже])	радніє [радше]
найлішче	потаїт (віру)	радо (спомагает)
накратко (стоит)	потвердил (науку)	ремесельницы, куп- цы (кламлют)
напорожно (носит имя)	потупит (віру)	робят (наємници)
народил (душу на но- во)	похібити (не может)	роскошы (пожадати)
(по) нашему	похопити (разум не может)	самохотно (терпіл)
незнати (коли)	пошкодил (гріх)	свады [звады]
неодкладно [без звлі- каня]	правица [права рука]	(абы ся) своим захо- дил [на чудже ся не озерал]
непохыбно (правед- ный)	пребывал	(не) сігай (на высоту)
нигда ніт	пред (часом)	(до) сътости
нич (не может; не стоит)	предстояти (як бы есь был пред са- мым Богом)	слух (в ухах)
(до) ничемности (при- ходят скупому стрібло, злато, маєтно-сти)	прекрестившееся (до молитвы)	сохрани (нас Боже)
оберну (очи к Богу)	премогли (искушеніє)	створил (нас Бог)
облечи(ся)	препоны (небыло до малженства)	сумліня
огвара; огваряти	претерпіл (біды)	(где) ся взяло
(в) огни	престанути (от робо- ты)	хвалиме
окламство	приклад (давати)	хвороты (допущает Бог)
околичностями	при нас	хыбал [хыбалъ]
оплакати (гріхи)	присвоил (нас за сво- их)	хосновал
оставил (небо)	притиск [гнобліня /u- cisک/]	Христіане
отправу (уваговати)	притомный (Бог на каждом місті [міс- ци])	худобство [біdnіst]
отчизнина	пришол (на світ)	цыганити
пышными (Ангелами)	пріязно (послужити)	частократно
плечо	пріяток (обіцял [ту – приречыня])	(на) чeli
поділ ся	про пыху (согрішили)	червачка (наймен- шаго)
пожадливости (варо- ватися)	прогваряти (молит- вы)	чести (другому ур- вал)
поліпшати (живот)	промкнути [г'ылтнути]	честовати (повинни Крест)
померкнут (солнце и місяц)	пророкови	щедротливым (быти)

ПЕТРО ТРОХАНОВСКІЙ

Конфедераты на Лемковині

Odmienny obraz Konfederacji zachował się wśród beskidzkiego ludu. Arcykatoliccy i szlacheccy powstańcy nie zapisali się dobrze w pamięci Rusinów, odmniennych stanem, mowią i obrządkiem religijnym (choć też katolików). Na niechęć wynikającą z tych różnic nakładały się krzywdy wyrządzane chłopom przez oddziały konfederackie, z wojennej konieczności, a nieraz pewnie i ze swawoli, rekwirujące żywność i dobytek w górskich wioskach. Mimo prób rosyjskich inspiracji nie doszło jednak do otwartego wystąpienia ludowego przeciwko Konfederacji. Współczesne wyobrażenia Łemków o tamtych czasach to raczej skutek działalności XIX-wiecznych „budzicieli” świadomości rusińskiej, zwłaszcza lemkowskigo pisarza Wołodymyra Chylaka (...), który w swoich utworach opisywał popełniane przez konfederatów gwałty (najbardziej znana powieść – „Szubieniczny Wierch” – nawiązuje do historii Izby).

Paweł Luboński, *Pierwsze polskie powstanie... [см. приписы]*

Справу конфедерациі барської на Лемковині, тримаючы ся річницьової концепціі нашо го календаря, мал єм охоту представити два роки тому, адже 1768 роком зачынат ся "Шыбеничній Верх" Владимира Хыляка. Не шкодило того зробити і влони, бо о рік пізнійше конфедерация розгуляла ся в наших горах „на добре”. Та коначным уж є написати о тым болячым для нашого народу періоді хоц тераз, на 2000 рік, коли выполнят ся 230 років од радіснішого для Лемковини епільогу діяльности конфедератів. 1770 рока вынесли ся більшістю з наших гір. Но і добре ся стало!

...Може тіж добре ся стало, же з конфедерацком темом звлекло ся мі два роки. В чым

діло? А в тым – што в меджечасі явил ся цитуваний горі материял, цінний бодай од той страны, што його автор хоц малым словом звертат увагу на "другу страну медалю", на кривды чынены нашым селянам через конфедератів, а не лем плават – як вшытки інчы представники пануючої опінії – в польско-патріотичных захоплінях. Правда, і тот автор, тримаючы ся в цілым дописі „канонічного курсу” власной історіографії (чого не мож му мати за зло), лем в завершаючым акапіті зауважат і нашу долю, легко застерігаючы ся при тім – же є то наше пізриня (*Odmienny obraz Konfederacji zachował się wśród beskidzkiego ludu*), але преці не ігнорує проблемы. Вшытко єдно мам охо-

ту дакус попілперечыти ся з автором, головні што до другой часті акапіту. І зроблю тога, дакус лем пізнайше, бо мус, хоць для принципу, представіти – што то была конфедерация барска, одкале ся взяла, які причыны ю зродили.

Польща в початках другой половины XVIII століття нашла ся в стадіі політычного занепаду. Ріжны фракцыі, родовы, фамелійны спілкы, репрезентуючы часта цілком противставны опціі, старали ся тому зарадити, то щыро, а то і під покровом „добра Ойцизни” впечы свою прыватну маґнатскую печень. Чарторискы і Понятовскы, званы Фамелійом (Familia), маючы амбіцыі одогрывают ведучу ролю в державі, але на маючы загальнаго попертя, оперли ся на помочы Росіі (котра подібно як і Прусы з увагом обсервувала розкладающую ся сусідню державу). 1764 рока, під охороном росийскых войск, проведено в Варшаві елекцию, выбрано на короля сестринца Чарторискых Станіслава Понятовскаго, якого кандидатуру представіла сама царица Єкатерина II. Корысну політычну ситуацию старали ся выкорыстати „дисиденты”, православны і протестантськы, які в даным часі не мали в Річпосполитії уж таій ніякых прав, не то же не мог-

липолнити жадных публичных функцій, але ани будувати новых святынь, шкіл, свободно вызнавати свое віроісповідання. Єднак Фамелія, дышовшы уж до власти а боячы опозиціі католицкой шляхты, не одраз погодила ся на приверніня основных прав інчым віроісповіданям. Коли же, під натиском Росії і Прус, уступила, 29 лютого 1768 р. (ішы перед закінчынью соймовых обрад) в Барі на Подолю дішло до завязаня ся новай конфедерациі під гослом утриманя привілегій католицизму і шляхты. Конфедераты зобрали до 5000 війска, але высланы против ним коронны і росийскы силы змусіли іх до уступліня за турецку границю, до Молдавії. (Товды тіж такой розгоріла ся на Украіні т.зв. „коліївщыня” – народне повстання в обороні православія, під проводом Івана Гонты і Максіма Желізняка. Звертам на тото увагу, бодай поза головном темом, бо акцент „коліївщыны”, явіт ся ішы в тым дописі.)

Прогнаны за границю конфедераты барскы не думали піддати ся, тымбарже што політыка деякых держав здавала ся ім помогати. Турция не барз радо виділя росийскы вплывы в Польшчу і розпочату в жолтни 1768 рока росийско-турецку війну аж і звала поль-

ском війном. Конфедератам обіцяли ся помочы Татаре. Та найбарже заан'ажувала ся підтримати кондедератів барських Франция, репрезентуюча в європейській політыці, м.ін. враз з Австрійом, „получне”. Для конфедератів зачали надходити з Франциі пінязі, зброя, аж і інструкторы і офіцерска кадра, Австрія же гарантювала безпечний азиль. (так і в своїм часі, од січня 1770, начальний провід конфедератів, т.зв. „генеральніст” містила ся в Пряшові).

Діяння конфедератів на Лемковині розпочали ся літом 1768 рока. 6 і 7 липця медже Рымановом а Синявом проведено зъїзд шляхти. Околичны села уж на вступі одчути мусіли єй сваволю, бо іщи в 30. роках нашого столітя жива була серед місцевого насеління, м.ін. в Шклярах, памят о конфедератах, котри кватерували в селі і шырили пострах. Та был то лем вступ. На добре розплінили ся конфедерати по лемківським Бескіді по падіню Кракова (спід Рыманова там помашерували), а то од ярі 1769 рока. 7 квітня під Барвінком сконцен- трували ся війска Й. Любомір- ского, на котрого запрошыня прибыл ту Казимір Пуласкій, найбарже знаний полководец конфедератів. Йому довірено функцыю регіментаря краків-



Казимір Пуласкій. Автор незнаний.

ско-саноцкого і судомирского. В дальших місяцях конфедерати заложили своі обозы при вшыткых важнійших гірських переходах: в Радошицях, Чемесі, Грабі, Конечній, Блихнарці, Ізбах і Мушынці. Будували укріпління, в думках торжествували, гойнували, в великій мірі коштом Руснаків.

Росийски війска, ведены через генерала Древича, стежыли за конфедератами. До першої важнійшої розправы дішло 13 січня 1770 рока при Грабі. Росияне побідили, а Пуласкій, сам ранений, лишил обіз в Грабі і через австрійську територию передостал ся до Ізб. Ту, як подают джерела, мало стационувати 2000 конфедерацкого війска. Мож сой

вывобразити што то значило для місцевого насеління, якє враз зо сусідњом Біличном не становило товды ани половины того числа.

Початком серпня головны силы конфедератів перебува-ли в Ізбах, Блихнарці і Конечній. В двох остатніх з тых сіл розограли ся вырішальны бої. З серпня Ґенерал Шаховскій побил в Конечній конфедератів веденых через Міончыньско-го, зас Ґен. Древич по тяжких, трьохденных боях побідил в Блихнарці Пулаского. І был то такий конец барской конфеде-рації на Лемковині. В медже-часі розограли ся і меньшы битвы (як в Святковій, 21 липця), стрічали ся невеликы сутычки і в наступным році, але Ґенеральні враз з осінню 1770 рока конфедераты выне-сли ся з Лемковины.

Підрахувавши, спостере-жеме же „конфедерацкій пері-од” тырвал в нашым краю два рокы. Дуже то, ци мало? На основі скupo описаних подій здавати бы ся могло – же то „лем” два рокы, але на основі народной традициі, яка вписа-ла до памяти нужду того часу – были то „аж” два рокы. Два рокы, в которых вмістило ся море народного горя.

Так як спомнено на почат-ку, горя того не зауважают польськы історики, публикаторы. – За „мала” справа, або за

мале виджыня. Не чудую ся начальній „ковбойці” польской історіографі однісні Лемкови-ны, Кристині Перадзкій. Была молода, тонька і такій был час. Чудую ся сучасным, по-зірні объктивным силам, котры за, дослівні съмішном і примі-тивном Перадзком:

Jednak ta wroga Polakom /rosijska/ agi-tacja, przedstawiajaca konfederatow i szlachtę jako krzywdzicieli ludu – zosta-wiła swe zatrute owoce... Widać jej ślady w przechowującą się przez lata tradycji miejscowości trokliwie hodowanej i roz-dmuchiwanej przez moskalofilów i Ukra-ińców (Sic! – ред. „ЛК”), pielęgnowanej i wyolbrzymianej. Daleki jej oddźwięk jest w powieściach Jeronima Anonima...

— повторюют:

Współczesne wyobrażenia Łemków o tamtych czasach to raczej skutek działa-ności XIX-wiecznych „budzicieli” świado-mości risińskiej, zwłaszcza łemkowskiego pisarza Wołodymyra Chylaka (pseudonim Jeronim Anonim...).

...Будме „корект”. Цитува-ний на початку і повторений тепер Павел Любоньскій, достерігаю-чий ныбы нашу нужду, односит выжший текст (тіж за Перадзком) до пересвідчыня што:

Mimo prób rosyjskich inspiracji nie doszło jednak do otwartego wystąpienia ludowe-go przeciwko Konfederacji.

А я мам пред собом текст дост знаного історика Юзефа Гарбаціка, котрий судит што конфедерацкы діяня нашли выраз –

w zbrojnych wystąpieniach przeciwko szlachcie ze strony ludności łemkowskiej

w południowej części późniejszego powiatu jasielskiego. Zwróciły na to uwagę S. Wodzicki w swoich „Pamiętnikach” i W. Konopczyński w monografii o Kazimierzu Pułaskim, którzy nie bez słuszności dopatrzyli się związku tych wystąpień z ko-łiwsczyzną na Ukrainie.

То цінна, то барз цінна, tota остатня заувага. Потверджат, оперте на історичних джерелах, наше переконання о барз долгій фікційності церковної унії на наших землях. I при ствердженню „самой” Pieradzкой:

Niestety, nie znalazła tu zrozumienia konfederacja (...), przy jej wybitnie katolic-kim (pідкр. Pieradzkoj) charakterze nie ogarnęła niedawnych dyzunitów – górali lemkowskich.

- съмішним чынит надмірний грибок до борщу шмарений через, ныбы так объективного, Павла Любоньского, коли бєсідує о Русинах як о одмінных обрядом „choć też katolikach”. Являт ся ту мимовільні, однесений до шляхты з XVIII століття, власний сучасний архікатолицькій прозелітизм.

...I може ішы пару слів що до „działalności XIX-wiecznych „budzicieli”” (Любоњський) i „tradycji miejscowości troskliwie hodowanej... i wyolbrzymianej” (Pieradzka). —

Владимір Хыляк священничыл в Ізбах о сто років по конфедератських подіях. Знаме, сам знам, же сто років то о дуже за мало, жебы затерла

ся народна памят. Автор „Шыбеничного Верха” оддал в своім писаню того – чым дыхал ішы нарід. Сам Шыбеничний Верх не был тіж літерацком фікцийом. Він в самій назви морозит. I накладат на нас обовязок памятати дале. Хоц „высоко школуваны”, в однесіню до нас – ігноранты, старают ся пригласкувати (i так уж стерты через час) копчыкы конфедератів барских.

Література:

- Paweł Luboński (współpraca: Andrzej Wielocha), *Pierwsze polskie powstanie. Działalność konfederacji barskiej w Beskidzie Niskim* [w:] *Beskid Niski. Przewodnik*, Oficyna Wydawnicza „Rewasz”, Pruszków 1999, стор. 53-58;
- Dr Krystyna Pieradzka, *Na szlakach Łemkowszczyzny*, Kraków 1939, стор. 44-48;
- Józef Garbacik, *Ostatni kasztelan biec-ki i jego siedziba w Tarnowcu*, [w:] *Studia z dziejów Jasła i powiatu jasielskiego*, Kraków 1964, стор. 332;
- Zofia Zielińska, *Ostatnie lata Pierwszej Rzeczypospolitej*, [w:] *Dzieje narodu i państwa polskiego*, III-41, Warszawa 1986, стор. 13-16;
- Józef Andrzej Gierowski, *Historia Polski 1764-1864*, PWN, Warszawa 1985, стор. 60-69;
- І.П.Кріп'якевич, *Історія України*, Видавництво „Світ”, Львів 1990, стор. 232;
- Шематизм греко-католицького духовенства Апостольської Адміністрації Лемковщини 1936 р., Львів 1936, стор. 135;
- И.Ф.Лемкин, *История Лемковины*, Издание Лемко-Союза в С.Ш.А. и Кана-ді, Юнкерс, Н.Й. 1969, стор. 82-84.

Шыбеничний Верх

VII

Не спала стара мати Яцка той ночы... Горячка Фенци збільшила ся. Она кричала, зрывала ся з постелі і хтіла летіти на двір... Долго натрудила ся старенька при ній, нич єй не втишила. Товды, такої при постелі хворої, сама задримала. Збудило ю дурканя до двері. Обережні підышла до вікенця.

— Єво! Про Бога, пущай нас скоро! — познала она голос брата Андрия та одраз отворила двері.

Єва лем руки заломила. При слабым близку съвітича взріла, што Андрий з Курнацким внесли на руках до хыжы єй єдинака, Яцка... блідого як полотно і омлілого. Аж товды, як мати занесла ся плачом, отворил Яцко очы. I такої дораз іх запер.

— Цыт, сестро, — втишал єй Андрий, — помож нам, товды вшытко буде добрі... Дай воды і чистий кавальчык полотна!

В межечасі Курнацкій здонял з Яцка одіня і обмыл кров з його руки, жебы розпознати рану.

— Куля перешла цілком через руку, — повіл Курнацкій, — щестя же самим тілом. Кіст не нарушенa. Нехає небезпеки, кров лем зышла, зато і омліл.

Обвязавши Яцкову руку, нараджали ся што дальше робити.

— Нещестя в тым, што він не при памяти, а ту глядати го будут, — продолжувал Курнацкій. — Треба го скрыти. Не мате, Андрию, даякых знаємых в сусіднім селі? — звідал.

— Дякувати Богу, мам!

— Так, запрігайте без одвліканя, нич не світат, жебы нам псы на пяты не наступили...

Андрий скоріцько пішол по коня, а Курнацкій розповіл Євці вшытко, што стало ся той ночы.

— ...А вшытко зробил він з любови до того дівчате. Та вшытко може быти даремне, бо она смертельні хвора. А кед

бы іщи довідала ся о своїм вітци, што діє ся з ним, та ту уж лем, повісти - амин!

— Зато стережте ся — радил Курнацкій — жебы тепер о ничым ся не довідала.

— Мамо, — одозвал ся ранений слабым голосом — як з Фенцьом?

— Дбай о себе, сину, а ій — як Божа воля — одповіла старенька через слези.

— Най ю хоц раз виджу, — просил Яцко.

Піднесли го; долго взерал ся він, молчаши, в лиці дівчате...

Іщи ніч була на дворі, як з обистя старой Єви виїхал віз, выполнений ґонтами. Нихто не сподівал ся што на споді воза, прикритий корытом, лежал Яцко Бреян...

Єва осталася в хыжы сама; она спомнула сой осторогу Курнацкого, зато скорицько замела хыжу, затерла шліди кырви, скрила добрі скырвавлену одежду.

Коли на розказ Хыжевского конфедераты ввошли до хыжы, застали там отця Йоана, котрий способил Фенцию до вічної дороги. I тото стримало іх, што они не шмарили ся перетрясувати цілу хыжу за Яцком. Аж коли священник скінчил святе діло, товдвы они зъвідали Єву о сына.

— Яцко іщи ся не вернул з Біча — пояснювала Єва.

— Він пришол іщи вчера г' вечер, — одповіли конфедераты — але не знатя де ся подіват...

— Боже мій, Боже, ачийнич злого ся му не стало?

— Не знаме што ся му стало, — одповіл старший конфедерат — зато мы і пришли глядати, ци ся ту не скрил.

Они обглядали цілу хыжу і, очи видні, ничего не нашли.

Тымчасом Фенця уж не спала; оперши ся на руці, всмотрювала ся в лиці незнаної старовинки.

— Де я? — зъвідала слабым голосом.

— При добрых людьох, дітино — одповіла Єва. — Я мати Яцкова. Знаш го? Ты в його хыжы.

На лиці дівчате заясніла радіст.

— А конфедераты? — зо страхом вырекла Фенця.

— Сут ту, в селі, але не бій ся. Они не знают о тобі.

— А мої няньо? Ци були ту? Чом они мене зо собом не возмут?

Старенька Єва одвернула своє лиці, жебы хвора не виділа

єй терпіння.

— Твої нянько іщи не знають о тобі, але Яцко пішол ім дати знати... Може гнеска надыйдут...

— Яцко недавно одышол? — рекла Фенця. — Ми ся привиджalo же він такій блідий були і смутно смотріл на мя... Ци то правда, ци ся мі в голові так помішало?

— Ні, дітино! — повіла Єва і погласкала біле личко Фенці. — Яцко не був смутний, йому ся пощестило вyrвати тя з ворожих рук.

— Так, то він був! — радісно припоминала собі Фенця. — Я памятам, як хтоси вyrвал мене з рук хорунжого, знам же летіл потім зо мном через ліс, а доокола нас поломіня, горіли конарі - і знам, што я на його руках спокійна була і... - більшенич не памятам...

Фенця заступила руком очи; якби хоронила ся перед неществом, што го конфедераты придумали.

— Але тепер не бій ся уж ничего. Яцко безпечний. Кеby лем ты вyzдоровіла.

— Я уж здорована, — вела Фенця — п'єрше в ухах мі шуміло, як во млині, людський голос чула єм як спід землі, а тепер в голові мі ясно і на серци легко, якбум ся на ново вродила...

— Слава же Тобі Боже! — втішила ся старенька Єва, коли ввиділа таку переміну в здородлю Фенці. — Полеж собі іщи, жебыс до ся пришла. А я тымчасом піду до церкви, бо гнеска торжественна Служба Божа, жебы вypросити Пречисту Діву єй помочы і опікы над нами вшyткима. Лем не пущай никого дохуїж; най думають же никого неє. Я ся скоро верну...

Звуки церковных дзвонів понесли ся розкотистым одголосом. Дівча зложило побожні руки, єй уста не вymавляли слів, але чиста душа слала до неба горячу молитву за вітця, за себе, за Яцка...

Як долго ся молила? Хто знає? Несподіване дурканя до двері перервало єй молитву. Фенця, памятаючи што ій наказувала старенька Єва, не одзывала ся, зо страху лем всунула ся за пец.

— Кумо Єво! Чуєте?! Отворте, то я, Прокопова Марта! Нещестя велике! Ваня Сметану ведут на смерт!...

Не знала Марта, же кума Єва пішла до церкви і не виділа, як шлідом за ньом, коли она погнала дале, жебы рознести смутну вістку, - вилетіло з хижы біле дівча, розплачливі зало-

мивши руки, на стрічу гурмі, яка посувала ся сільском дорогом.

Одділ кінних конфедератів, якому верховодил Хыжевський, провадил медже собом Ваня Сметану, звязаного, босого, простоволоса, без верхньої одягі. Долгє волося падало му на очи, якби старало ся заступити лице од ганьбы, што невинні впала на його чесну голову.

Недалеко церкви похід стримал ся наглі; посеред него створило ся якысе замішання.

— Няню, соколику!... — скричала Фенця, обявши вітця. — Ой, што ся з вами діє?!

— Боже ласкавий! — повіл тихо Ваньо, підносячи очи до неба. — Дякую Ти, же перед смертю потішыл єс мене недостойного... Дал єс мі нагоду мою дітину поблагословити...

— Де вас ведут, няню?!... Ци правда, што...

— Успокій ся, дітино, — потішал єй Ваньо — маш Вітця на небі, Він тя не лишить без своєї опіки... Я Го цілу ніч благал, молил в надії на святе милосердя тебе благословити... Іди дівусь до церкви, помоль ся до Бога! Підеш, правда? Ты все була слухнячом дітином...

— Hi, няню! Днес за ніч в съвіті вас не послухам — скричала нелюдським голосом Фенця — коли вмерти, то враз! Без вас чого-ж мі жити? Хто нас розлучит?...

Конфедерати призерали ся спокійні. Деякы з них метали дотинки в сторону Фенці. Перший Хыжевський нетерпеливі розказали:

— Розлучити іх!

— Не треба гвалту, пане — рюк спокійні Ваньо — она сама одийде...

— Шкода часу!

— Пане, я іщи на час зайду там, де твоя ласка каже мі іти. Може позволите мі дітину поблагословити...

— Но, кінч скоро комедію — шмарил гнівно ротмистр.

— Дітино люба, послухай мене остатній раз, посмотри на мя, най ся потішу съвітлом твоїх очі...

Фенця піднесла голову. Долгу хвилю взерал ся Ваньо Сметана в лице своєї дітини...

— Най тя Господ благословит на кождым кроку, в кождій твоїй думці і в кождым ділі... А тепер пізрий на того — додал,

вказуючи головом на Хыжевского — присмотр ся йому добре, жебыс сой запамятала, хто ся причинил до твого і моего нещестя. Най му Бог на страшным суді того не памятат...

— Вперед! — грявкнул розюшений Хыжевскій.

Дівку одіпхнули зьвірячы руки. Похід рушыл.

— Проклятия сироты на твою голову! Жебы слова твои стали ся образом, а діла гадином, жебы трава не росла за твоіма шлідами, а чорти танцували за твоіма пятами, жебы слезы мої горячым оловом капали на твоє гадяче серце, а моє сиротинство червом грызло твоє сумління... жебы, лігаючи і стаючи, привиджуvala ся ти шыбениця, жебы съміх пекла молитвом был при твоїй смерти, а вітры мерзенну памят по тобі розвіяли...

Хыжевскій ся візрил. Чом же він побіліл і не вытримал пізріня ледуватых очи нещесного дівчате? Чого ним стряслось, якбы му мороз по хырбеті перешол, коли почул терпкы слова з уст Фенці, што з розвіянym волосьом і розпростертыма руками здавала ся правдивом богыньом пімсты...

Коли люде выходили з церкви, перше што метало ся ім в очы, была - шыбениця, поставлена на верху над водом. На ній колисал вітер тілом Ваня Сметаны. Рыданя люди помішало ся з дикым съміхом:

— Смотрте-ле, люде! — верещала захрипненым голосом Фенця. — Якій погріб справили мойому наньови! Ха-ха... то не мій няньо, то якысий пан шляхтич!... Вынесли го понад вишукых хлопів! Стары чорти му грают, а молоды чортенята в червенных шапочках му служат... Як він танцує понад землью, чисто - на весілю... Чортівске весілля - яка же красома!...

I в дикій радости підскочила і припlesнула долонми.

— Бідне дівча, зышло з розума! — спілчували ій люде...

(Конец I части)

БОГДАН ГОРБАЛЬ

Пару слів про єдну ленію Дуркотів - лемківських священиків і суспільно-культурних діячів

Мала колиси Лемковина чи-
сленны священничы роды, котры не лем нам самым дол-
гыма роками служыли, але і
не єздній галицкій парохії. Хы-
лякы, Мохнацкы, Менціньскы,
Калужняцкы, Венґриновиче,
Сембраториче, Прислопскы і
численны інчы записали ся
значучо в лемківской історії, не
лем як священники. Ріжными
одначе писали ёй кольорами а
през то оціна іх діяльности не
все є єднака.

Родонаочальником фамелиї
Дуркотів был свящ. Петро Дур-
кот (22.01.1800 Ганчова - 1863
Ізбы, рукоположений 1825), ко-
трий был адміністратором в
Рыхвалді (1828-29), а пізнійше
парохом в Новици (1829-1832)
і Ізбах (1832-68). Не знатя до-
кладні кілько мал діти - Дуркотів
гарді розмножыло ся в девят-
надцетым віку. Ту займеме ся
єдном ленійом Дуркотів, котра
вышла од свящ. Йоана Хризо-
стома Дуркота Сеніора (1830
Новиця - 11.09.1915 Нова
Весь, рук. 1854), адміністра-
тора в Же'єстові (1854-57),

Камяній (1857-62), Тыличы
(1862-63), зас Камяній (1863-
71) і долголітнього пароха в
Новій Весі (1871-1915). Того
сыном был свящ. Йоан Хризо-
стом Дуркот Юніор (1867 Ка-
мяна - 8.08.1915 Талергоф,
рук. 1891), адміністратор в Ві-
ковій (1892-93), Поворознику
(1893-94), Баници (Грибівський)
(1894-95), а пізнійше парох в
Шляхтовій (1895-1907) і Лабо-
вій (1907-15). Был він передо-
вым суспільно-культурним і
економічним діячом, вынятко-
во здібным організатором,
русофільської орєнтації. Член
основатель Руской Бурсы в
Новим Санчы (1898). Высоко-
го росту, сильной будовы
свящ. Й.Х.Дуркот робил вра-
жыня патріархы. За його душ-
пастырюваня в Лабовій паро-
хія пришла до великого зна-
чыня і стала ся єдном з
найліпше зорганізуваных на
сандецкій Лемковині. Свящ.
Й.Х.Дуркот был здібным про-
повідником, знавцем люд-
ських душ, опікуном покрив-
дженых і высокоповажаном

персоном в кругах вищих церківних влади. Разом зо зятьом Методиєм Трохановським (1885-1947) (муж Констанції Дуркот) і Димитрієм Вислоцьким (1888-1969) дозвіюл до построіння в Лабовій муруваної читальні Общества ім. М.Качковського (1912-13), котру основав (1901) в селі свящ. Йосиф Мохнацький (1842 - 14.05.1906 Лабова, рук.1865). Свящ. Й.Х.Дуркот дал свій пляц на построіння цегельні, в котрій вироблено цеглу на дім. Ціла будова проведена була лем з добровільних складок Лемків і повело ся єй перепrowadити без ніякого фінансового задолжності хоць коштувала 18000 австрійських корун. В будинку була велика читальня і п'ят кімнат. Основано гын модерну молочарню. В двох менших кімнатах уміщено зорганізовану крамницю. Нашло ся тіж місце для молодіжної організації Руска Дружиня, касы Руска Сила і аматорського театрального кружка, котрий розпоряджал саллом зо сценом. При читальні існувал великий хор, проваджений через фахового диригента. В дальших плянах свящ. Й.Х.Дуркота була будова великого дітчого сядка і осібного дому для касы (кредитів). До того одначе ніколи не дішло, бо свящ. Й.Х. Дуркот був арештований че-

рез Австріяків і запертий разом з двома синами (Феодосій і Сергій) в Талергофі, однаке уж не вернул. Арештувано тіж його няня, 84-літнього свящ. Й.Х.Дуркота Сеніора, але неодолга освобожено його.

Не знаменич про долю Феодосія Дуркота, сына свящ. Й.Х.Дуркота, але гарді мож розповісти про життя його брата Сергія Дуркота (1901 Шляхтова - 1944 Монастырок к/Рави Рускої). Хоц матеріальні, по смерти вітця, родина Дуркотів стояла барз планно, то одначе Сергій здолял скінчыти (1919) гімназию в Новим Санчы і виїхал на дальшу науку до Школы Гірского Газдуваня в Лоебені (Loeben) в Австрії. Порушений революційом в Росії, переїхал він через Балканы до того краю. Початково принимал участ в домовій війні, по страні большевиків. Пізнійше однак, загублений в партійних поділах, одсунул ся на бік і посвятил познаню Росії. Барз дуже іздил по краю і особливі захоплял ся натуральним бogaцтвом Сибіри. Вернувшись до Австрії, скінчыл зачату вчасніше школу (1925), остал інженером-гідротехніком і вернул на Лемковину.

Початково робил по ріжних місцях, а од 1928 рока занял ся комасацийом і меліорацийом ґрунтів в Ганчовій.



Сергій Дуркот з родином, на недолго перед трагедією.

Гын давыюл до урегулюваня ріки Ропи, осушыня болота і орошыня долины, так што піднесла ся вартіст землі і звекшила ся єй выдайніст. Тота його робота перетягла ся на пару років (тіж зо взгляду на брак фінансових средств - держава мало што всперала праці), але була пізнійше барз wysoko оцінювана через інчых меліорантів. Сергій Дуркот дуже увагы присвячал поглублянню освітты медже Лемками і організуваню іх. Часто мал політычны доповіди в місцевій читальни ім. Качковського. Заохочувал люди до кооперації

і борбы за своі права. Основал в селі хор і організувал театральны представління.

Видячы тяжке жыття в Карпатах і брак можливости злегшыня його вшыткым Лемкам (котрых, на його думку, было гын за дуже, чтобы земля могла іх выкормити) - Дуркот зачал думати о масовым переселінню. Ідея не была нова. Сами Лемкы од давных часів регулярні переселявали ся, глядаючи роботы. Дуркотове (і численных Лемків, котры будучы в росийскім занятю (плені) нашли ся на Сибіри) вчаснійше захопління ся Сибі-

рю, привело тепер до запропонування масового пересеління Лемків до той богатої країни. В 1934 році напечатано книжку Дуркота (під псевдонімом Сергей Зынин), *Лемковина-Сибірь* (Львів, 100 сторін). В ній то офіційні передставил він свій плян. Пят частин книжки давало одповіди на ставляння зъвіданя: (1) Што то Лемковина?, (2) Што затримат Русинів-Лемків лишати свою землю?, (3) Чом серед них зродила ся мысель емігрувати на Сибір?, (4) Ци треба емігрувати? (5) Як посмогтило польське правительство на ініціативу Лемків пересеління ся на Сибір?

Дуркот пише що Лемковина находит ся ся медже Саном а Попрадом і Дунайцьом (7900 квадратових кільометрів і коло 500 тисяч люди по обох странах границі). Лемків виводит він од племена Білых Хорватів і підкрислят факт, що Лемковина находила ся в границях Червеной Руси і Галицко-руського Князівства. Бесідує він про поділ Лемковини по I сьвітовій війні і про інструментальний підхід до Лемків, так Польщы як і Чехословакії. Вказує на ближшу (Угри) і дальшу (Америка) еміграцію, як на одиноки можливости поправлення варунків життя Лемків. Тепер "візначеном земльом" для Лемків мала ся стати – згідні

з його переконаньом - Сибір. Для перепроваджыня той операції Дуркот дозволил до основання (1934) спеціального комітету в Лабовій, котрий звернул ся до урядів в Варшаві і Москві о попертя проєкту пересеління. Петицію підписало 4 тисячы охочих тог зробити Лемків). Представителі Лемко-Союза Америки: Симеон Пыж (1894-1957) і Мария Похна іздили до Савітской Амбасады в Вашынтоні, штобы дістати попертя для той акції. Польські власти почально добре смотрели на тог плян, але скоро змінили свій підхід. Дуркота офіційні зачата атакувати за зраду державы (польські власти) і большевизм (українські організації). В жолтни 1937 рока был він арештуваний і запертий в Карускій Березі. Гын, з короткими перервами, пересидил (битий палицями кожного дня) до заняття Польщы через Німців в 1939 році.

Знаючи, що під німецким пануваньом жыття його было в небезпеці, Дуркот перешол на схід. Під совітском властью дістал він роботу в Тростянчуку к/Золочева, де отворено майны бурого углю. Його жена заняла ся вчыньом діти. Початком 1941 рока переселилися они до села Монастырок к/Равы Руской, де тіж отворено майны бурого углю. Дуркот

остал директором нових майн, а його жена зас вчыла в школі. Жыття зачало ся ім dobrі укладати. Коли одначе Німці напали на Савітскій Сюз (22.06. 1941), родина Дуркотів не здоляла переселити ся на схід.

Пережыли они щесливі векшіст німецкого панування, але початком 1944 рока, коли совітські войска надходили зо сходу, полювання на "москофілів, кацапів, большевиків" звекшило ся. Дуркот перфектні підходил такій характеристыці. Підпільний oddіл вдер ся до його хыжы ночом. Забрано не лем вітця, але тіж його жену Йоанну і двоє малолітніх діти: Родіона (вр. 1941) і Арію (вр. 1938); лишене, мешкаючу товды з нима, маму Йоанны Євгенію Прислопску, жену славного лемківського священника Романа Прислопского (1866-19??).

В лісі родичам казано вycinати собі гріб. Перше розстріляно діти, пак іх маму, а на

конец вітця, Сергія Дуркота. Інформацию про туго егзекуцию подано інчым людям для остережыня перед "блудами в поступлюваню".

Бібліографія:

- *Bibliografia Joanna Chryzostoma Durkota Juniora napisana przez jego wnuków, maszynopis bez daty;*
- Dmytro Blażejovskyj, *Historical Sematism of the Eparchy of Peremysl including the Apostolic Administration of Lemkiwscyna* (L'viv: Kamenyar, 1995): 630-631;
- В.Р. Ваврик, *Сергей Иванович Дуркот*, [в:] *Карпаторусский календарь Лемко-Союза 1961*, том 36, (Йонкерс, 1961): 67-74;
- Военные преступления Габсбургской Монархии 1914-1917 гг.: Галицкая Голгофа (Trumbull, Conn: Peter S.Hardy, 1964): II 34-35, III 107, 132-33, IV 37;
- Євген Дудра, *На землі наших батьків: Короткий огляд села Лабова*, [в:] *Лемківський Календар 1968* (Торонто-Пассейк, Н.Й. 1968): 63ъ69;
- И.Ф. Лемкин, *История Лемковины* (Юнкерс, Н.Й., 1969): 63;
- Степан Шах, *Між Сяном і Дунайцем: Спомин* (Мюнхен: Християнський Голос. 1960): 97, 105, 311.



...Полний місяц освічал Потыличний ліс. В ним было цілком прозрачно. Уж червеніл схід і предвістником ранішньої прохолоды од Рафи Рускої дыхал легкій вітрик. При огни на прогалині зобрала ся ватага шаленых героів і в кітлах варила коровяче мясо. Пили самогон, сypівали пісні. Сергій і Йоанна копали собі яму, на холодній землі плакали іх діти. Яма уж вирыта. Героі розстріляли найперше діти, потім матір і на конец вітця. Так поступували і поступують бандиты вишукых часів... (В.Ваврик, Сергій I. Дуркот).

ОЛЕНА ДУЦЬ-ФАЙФЕР

Клавдия Алексович (1830-1916)



Была первом женом, сміло мож повісти первом дамом в лемківській, ач хыбаль і в карпаторуській літературі. Єй родовы корені были стары, священичы, лемківски. Отец был грекокатолицкым священником в Красній коло Коросна, мама дівком свящ. Андрия Трохановского, якій был парохом в Грабі. Клавдия вродила ся 20 листопада 1830р. на клебанії в Красній. Скоро єднак осиротіла і нашла ся під опіком свого уйка, єпископа Томы Поляньского в Перемышлі.

шли. Опікун задбал о єй освіту на можливі найвижшим рівни, якій приличний был в тым часі для жен. Закінчила Клавдія педагогічний курс в сестер Бенедиктинок в Перемышлі. Решту осягнула своїм власном ініціативом, очитаньом і активном участю в культурным жытю найперше Перемышля, потім Львова. Інтелектуальна і патріотична атмосфера найближшого оточыня владичого престола в Перемышлі, згромаджена ту капітульна бібліотека, жыва громадско-патріотична активізація руского священичого середовиска в тым місті, започаткувана іщи в першій половині XIX століття покликаньом знаного *Societas Presbyterorum*, інспірюючо влияли на сестреницу Владики, яка скоро стане ся ініцаторком ріжных громадско-патріотичных і освітовых діянь. Была она активном членкыњом заложенного през єпископа Поляньского женского харитативно-педагогічного стоваришия "Сестричество". Видала перший в Галичині рускій альманах для жен *Перемышлянка*

(Перемышль 1862). По смерти уйка перенесла ся до Львова, де була єдном з заложитељок "Общества Русских Дам" - першої того роду організації галицьких Русинок. Покликала тіж до жыття і вела пенсійон для руских дівчат. Мала велику пошану і узнання в середовиску рускої інтелігенції, в патріотично-цекровных і творчих кругах. Була почесном членкою Товариства ім. М. Качковського і Літературного Товариства "Муз". По смерти похована осталася в гробі галицько-русських писателів і журналістів.

Своє активне творче жыття посвятила Клавдия Алексович ділам громадським, доброочинним, підношенню освіти і опіці над осиротенными дітми. Але найбажаніше знання єсть єй літературна діяльність, котра співградла і стисло співістніла з інчими сторонами єй громадського занган'я. Писарство своє розуміла авторка як свого роду місию, продолжиши ци єдину з метод освітво-патріотичної праці. Але окрем той так тыповий для лемківської літератури заангажованості находиме в творчості Клавдії Алексович тіж сліди рідного писательского затяя, мягкое, жіноче ліризування, живу реалістичну образовість. Доробок той автокори містит ся в трьох жанровых категоріях: поезії, драм-

мы і літератури для дітей. Єй дебют то близка народній творчости балладова *Пісня Ольдини* ("Зоря Галицкая яко Альбумъ", Львів 1860). В ній розпознаємо ліричны схильності писательки. Єсть то пісня лишеной през милого дівчыны, котра в формі безпосереднього визнання скажет ся на змінніст мужской любови. Выкористує при тым тыповы для фолклору паралелізмы односячы людски почутя до явиск природы.

*Разъ сонце грѣ, разъ вітеръ віе,
Погода, - то непогода:
Разъ сердце тепле, - то холодніе
Для тебе, - така то мода!*

Протиставлена ій єсть вірна любов дівчате:

*Однакъ где съ сердцмъ еще не тако,
Где думки райски, дівочи; -
Тамъ если любятъ, - любятъ еднако
За сонця, и въ бурны ночи.*

Пісня порушат простотом ліричного дівочого визнання. Єй плавна мельодика, міцне зритт-мізуwanя, регулярніст версів, звуково приближают єй до народной пісні. Живий простий язык стисло співграт з єй ритмічном структуром. Є то єден з найкрасших поетичных творів в лемківській літературі XIX віку.

Велику популярніст і резонанс серед рускої громадськості Галичини, мали сценічны творы Клавдії Алексович. Обышли они і през долгы роки

обслугували аматорські сцени численних чытален Товариства ім. Михаїла Качковського. Іх популярніст однотовує медже інчым газета "Лемко" в кореспонденціях з ріжких лемківських сел, вказуючи, же п'есы К. Алексович виставляні були ту барз часто. Што рішало о таким іх принятю? Был то передовшытким добрі одбераний през народ патріотично-освітовий прогрограм Товариства ім. Качковського прибраний в творах той писателькі в інтересуючу, жыву, найчастіші комедийно-сатиричну форму. Осаджена в правдиво і вірні викреуваных реаліях руского села акція п'ес притігала жывом, інтригом, динамічним, полними комічних непорозумлінь сценами, гумором діалогів, карикатурністю персонажів і цілым добре обробленым драматичним штафажом. Сила вимовы того тыпу сценічних форм давала добрий ґрунт для пропагування патріотично-дыдактычного змісту. Одтale, згідно з вимогами аматорського театру для народу, творы тоты вчыли і бавили єдночасно.

Єдноактова комедия Запомороченная ("Издание Общества им. М. Качковского", Р:1901, гр 311) то гумористична а єдночасно патріотична сценка розрахувана на аматорські інсценізаційни реалія і

на простого, головні сельського зрителя. Осмішат она "полячыня ся" руских дівчат, котры ішли на службу до міста. Героіня комедії, Гаська власні вернула з міста яко "панна Маринця", одіта в кольоровы кокетливы шматки, капелюх, выбілена білілом і не хоче собі припомнити, кым направду єст. Початково і ёй никто не познал, але потім, коли в "містовій відьмі" родиче і наречений розпознали свою Гаську, зачынат ся навертаня ёй на праведну дорогу. Служат тому патріотичны тырады-повчыня, котры єднозначно сут шыршом промовом скепуваном до зрителів. Коли єднак они не помагают, мати хоче кропити "відьму" свяченом водом, а отець рішат ся выгнати ёй з хыжы. Аж тепер під вплывом страху дівка припоминає собі, кым є, кає ся пред іконами і змітує містовы шматы. Сцена кінчыт ся заручынами Гаськы і ёй нареченого Василя, котро му урочисто прирікат, же уж николи не даст ся збаламути.

В подібній драматичній конвенції, хоць барже розбудуваній сценічні, задумана осталася штырьоактова оперетка Арендарь (Львів 1901), барже знана під наголовком пізнішого перевидання Берко (Коломия 1908). Она тіж дотычыт щирого руского партіотизму і

людской чесноты. Головна інтрига веде ся попри выборах до сойму і прекупуваню руских выборців през місцевого Жыда Берка. Протиставлят ся муляк і уцтивы ғаздове. Для авторки п'есы єст то нагода до выповідження, передовшытким устами дяка, загальнопатріотичных моралізуючих тырад. Оперетка має жыву обычайову підбудову, не лишена єст тіж пропагандowych елементів. Згідно з вимогами жанру, до тексту введено численны куплеты, съпіванкы, приспівкы. Музыку скомпонувал Теодор Фединьскій.

Єст тіж Клавдия Алексович авторком фарсы Андрію ленъ сю, дай ми Боже знать, съ кім го буду братъ о тыповій легкій формі і повчающим змісті.

Хоц п'есы К. Алексович тішыли ся великим популярністю, то найбаже оригінальний вклад той авторки в лемківську літературу треба видіти в ёй творчости для діти. Малы, гарді ілюструваны книжечкы, предназначены для діти в одповіднім віку выдавала авторка власным накладом. Єй цілю было помочы мамам-Русинкам в добрым выховуваню своїх потіх:

Біжіть, же "Две Сестрички" по русской краині, попадайте въ руку каждой русской матери, старательной о скорый и благородный розвой сво-

ихъ малютокъ, и помогайте ей вірно въ ея мозольномъ труді...

В книжечках діти, передовшыткым дівчатка находили взір до наслідування в головній героїні, Лядзі Івановні. Лядзя росне разом з очередными книжечками, стаючи ся взором для штораз то старших дівчаток. I так Две сестрички сут предназначены для малюток, Подорожъ Лядзі до Дідуся для діти од 6 до 10 років, Время летить для діти од 9 до 12 років. Натоміст Народное повірье на Великой Руси і літературна обробка народной байки Заклятый медвідь предназначены сут для старших діти і для доросlyх. Світ представлений в книжечках Клавдии Алексович то своєрідний мікросвіт руского священичества, часом селянства. В барз реалістичний і дрібничковий спосіб на фоні дітячих забав і пригід накріслене остало жыття руской клебанії з його одповідњом етикетом, обычаями, головным порядком дня, реляциями зо селом. Хоц достеречы мож в тым взірцьовым нарисі деякій схематyzм, виникаючий головні з дидактичных стремлінь авторки і вимогів жанру, то тым баже образ стає ся выразний і вимовний. Додумувати ся треба, же книжечки добре выполняли назначену ім през авторку функцыю. Втігали діти в близкій

іх уяві світ пригід героінь, вчыли доброго захованя, властивого поступуваня в ріжных ситуаціях, а навет партіотизму. Гнеска видають ся кус анахронічны, хоц деякы взоры в них формуованы придали бы ся і днешнім дітям. В скупій в діячі писменництво лемківській літературі книжечки для діти Клавдії Алексович занимають важне місце. Свідчат о шырокым і одповідальним програмі освітово-виховуючим, якій авторка розвивала в великій мірі в опертю о літературі.

Ціліст жыття той вынятковой, непересічной як на свій час дамы была посвящена цілям громадским, патріотичным, освітовым, харитативним. Посвятила ся она інчым людям. Своїй родини не заложила, отвераючи серце на потребы головні сирот, люди бездомных, причыняючи ся теж в значній ступені до еманципації руских жен. Єй місце в пантеоні лемківських творців і люди заслуженых для нашої культури остане все в першим ряді.



Явленье IV.

(Входитъ Петрусь.)

Петрусь (подмѣтує шапкою): Гуси я уже загналь до ихъ загорбди: скучалися, начаслися, та най-най посидятъ! (Сѣдае на лавѣ и баламкае ногами.)

Марта: А не зробили тамъ якой шкоды со-сѣдамъ на грідахъ?

Петрусь: Нѣтъ, мамо, нѣтъ! Петрусь знає, що була бы великая бѣда...

Марта (съ усмѣшкою): Може бы ты щоб заку-
силъ?

Петрусь: Та, кобы дали!

Марта: Въ коморѣ на мисчати есть для тебе кусокъ хлѣба.

Петрусь (покорно, взявшись за ухо): Мамо, а... а сыръ есть?

Выїмок з оригіналу єдноактівки „Запамороченная”

Клавдия Алексович

Заморочена

Комедия в єднім акті

Особы:

Гнат Соловій - ґазда

Марта - його жена

Гаська, Петрусь, Оленка - іх діти

Василь Зазулька - суджений Гаськи

Петриха - сусідка

Дівки, парічки, музика

Сцена представляє хлопську съвітлицю; в горішнім куті образы Святих, поличка з ґратами; лавка при стіні; перед лавкою стіл.

Сцена 1

(Марта сідить на низким стільци, шве запаску)

Марта: Ой! (зітхнула) Бідна же ты головонько моя, бідна! Кура недармо засьпівала... о, недармо... (задумала ся). Кілко то я ся напросила: "Голубчыку, ґаздусю, не вед дівку до міста!" А він: "Ніт, ніт, поведу! Науки ій треба!" Та я зас гварю: "Голубчыку, ґаздусю, та ци треба нам ліпшої науки, як в нашої імости? В них вшелеякої мудрої роботы навчыт ся дівка." Мій ґазда гварит: "Правда твоя, але я задумал до міста, та і повезу до міста!" Видиш хлопський розум, чого то не докаже! Затнє ся, як тот цап, тай поставит на своім. А ты, бабо, загыбай!..

Сцена 2

(Входить Петриха)

Петриха: Слава Ісусу Христу і всім добрым людям, і вам кумо!

Марта: Слава на вікы Богу і вам кумо! І вшыткого добра вам, же сте днес вступили до мене бідной.

Петриха: Ой, ой! Та якє то нещестя на вас трафило?

Марта: Нещестя заєдно тото само. Дівка моя в місті загыбат, а я ту і ден і ніч проливам слезы... (плач) Певно хвора... На початку писала, а тепер - ни слыху, ни дыху... Моя бідна Гаська!.. Стямте, кура засьпівала... ій на смерт... (заводит голосно) Моя голубка, моя дівонька, мій соколик!..

Петриха: Цыть-те, кумо, цыть! Іщи вам вшытко тото на добре выйде!

Марта: На добре, на добре! Як на добре выйде? Кебы вы знали, якє недобре ся мі той ночы снило!

Петриха: Но-ле, повіджте, што такє ся вам снило?

Марта: Та, от такій, видите, широкій панській капелюх і на ним шувний снопок, - но, може не снопок, та вшытко єдно туга жменя червеного квітя.

Петриха: А де был тот капелюх?

Марта: Та, видите, не запамятала єм де то было! Але тямлю - під капелюхом голова! Така голова! Ми вшытки, я і газда, і інчи люди, зазераме смотриме, і нанич: незната - чыя то голова! А мене такій страх обышол, во сні зачала єм кричати, аж пробудила єм ся ціла в слезах!

Петриха: А бо вы сой смутком, журбом голову набивате, тай ся вам сниют такы відьмы...

Марта: Кебы ся то дагде вывідати о даякого знахоря! Гварят, што знахор зо сну вшытку правду вам выведе...

Петриха: Выбачайте, кумо, думала єм, што вы мудрійша. Таж знахор, ачий на тово і є, жебы гроши взяти! Єден Господ Бог вшытко знає!

Марта (не слухат): Ой, кумо, кумо! Нич доброго - такій сон, така страшна голова, незната чыя. Відьма, чудовиско, а іщи червене квітя...

Петриха: Та квітя, іщи до того червене - значыт: буде весіля!

Марта: Ой, буде то мі весіля, буде! Кура засьпівала (заводит голосно), то смерт моїй дівці!.. Я того не вытримам, я по ній собі смерт задам...

Петриха: Кура засьпівала, бо пыпеть має.

Марта (не слухат, а заводит): До воды скочу, до огня скочу!

Петриха (до себе): Ци не дурна то баба? Так ся нивечыти наперед, незната про што і за што. (Задумує ся, а потім съмішні:) Кумо, я вам буду за знахорку, дам вам раду-пораду.

Марта: Мамичко вы моя рідна, гварте!

Петриха: Видите, позарани Святого Петра. А заран же, я

з хлопом моім ідеме на одпуст до міста. Сідайте з нами! По церкви зайдеме до вашої дівки, одбереме ю зо служби, посадиме на віз, тай привеземе вас ту гардісю пред вашу хижу! (до себе:) Што буде, та буде, - треба потішити бабу, бо іщи сой біды наробит пред часом.

Марта (з радістю обнимат і цілує Петриху): Мамичко моя, спасеніс вы мое, кумо солодицька!

Петриха (до себе): Най бы мій газда з єй мужом побесідувал! Треба штоси робити, жебы баба з розума не зышла. (голосно:) Но, видите, вшытко буде, як треба! Та - ба! Я сой ту гудугуду, а псы в крупах. А пришла єм, знаме, ци бе сте мі соли не пожычыли, кёд мате.

Марта (весело): Ой, кумо солодися, для вас бы не было? (бере сольницю)

Петриха: Яка то скопна наша громада! Одколи то *іго*-мость гварат - нагваряют, жебы склеп оворити! А газдове нашы, най здорови будут, радят тай радят, але роботы з того як *ніт*, так *ніт*!

Марта (съміє ся): Правда ваша...

Петриха: А ты, бабо, хцеш - не хцеш, шлий за пригірщу соли до міста! Хлопчиско пішол, але йому - што там! А ты ждий, та ждий, як на розпаленых углях і лет жычати по сусідах! Коли же *тот* полуценок буде? А неєдна робота стоїт. Газда прийде, та ся іщи замосурит.

Марта (весело): Давайте запаску!

Петриха (дає рожок запаски під сольницю): Буде, буде! Останте здрави! Лечу. Газда прийде, а о полуценку ани хыру! Будте здрави!

Марта: Ідте здорови з Богом!

Сцена 3

(Вбігат Оленка, підскакуючи на єдній нозі)

Оленка: Голодна єм, мамо!

Марта: Дякувати Богу, кавальчык хліба єст в коморі.

Оленка: Мамо, а сыр єст?

Марта: Та єст... для Петруся.

Оленка: А для мене?

Марта: Для тебе неє.

Оленка (присідат на земли при Марті): Для мене неє, мамо...

Чом? А для Петруся єст!

Марта: Я ти казала навертати з Петрусьом гуси, стечи од чуджых грядок, а ты го самого лишила і пішла єс ся бавити з дівчатми! Гей?

Оленка (смиренно): Я бы не пішла, лем мя Маланка закликала.

Марта: Так? То ты маш Маланку більше слухати як свою маму?

Оленка: Та, кликала мя, же мі вкаже гарду вышивку, што ю Фемка своїй мамі вышила.

Марта: О, смотрте, добры людє. Дівки вышивають своїм мамам, а моя дівуся ани собі не вышиє.

Оленка: Кед не знам. Фемка пасла телята з Варварком на іх выгоні і од ней ся навчыла.

Марта: А ты ся не можеш навчыти, ніт?

Оленка: Кед ниток кольорових не мам.

Марта: Ой, тото і добре, што єст на што зложыти! То я бы ти ниток не дала, кілко забагнєш? Ліпше повіджме, же моя дівка ани не зна з котрой стороны ігла ушко має!

Оленка (зо съміхом): Мамо, мамо, та я бы не знала, што ігла має ушко з грубшого кінця?

Марта: Ге, ге, та такы то славны швальки, як моя дівка, добрі і тото, же знают де ігла ухо має.

Оленка (вказує міру на піл ліктя од землі): Іщи єм о тицька была, та уж єм знала шыти, а тепер вышую оплічата - для вас, мамо, для няня, для Петруся, а потім для себе!

Марта (гласкат Оленку): Кед ты така шумна, моя дівко, та буде і для тя сыр. Вкырш сой там з грудочки.

Оленка (плескат в руки): Сыр, добрий сыр!.. (Выбігат.)

Сцена 4

(Входить Петрусь)

Петрусь (підмітує шапком): Гуси єм уж загнал до іх кошарки: скупали ся, напасли ся, та най... най посідят. (Сідат на лаві і майдже ногами)

Марта: А не зробили там даякой шкоды сусідам на гряздах?

Петрусь: Ніт, мамо, ніт! Петрусь знає, што була бы велика біда...

Марта (з усьмішком): Може бы-с дашто прекусил?

Петрусь: Та, кѣбы дали!

Марта: В комори на мисчати єст для тебе кавальчык хліба.

Петрусь (покірні, хвативши ся за ухо): Мамо, а... а сыр єст?

Марта (усьміхат ся): Якы же то мої діточки ласы на сыр! Єст там, єст! А потім шугний до стайні, выпуст кури і принес кіш з комперями. (Петрусь вивернувши "козла", выбігат, потручат входячу Оленку, што мало не впала, а лист вшытко єдно вилетіл із руки на землю.)

Сцена 5

Оленка (закивавши ся од потручины): Ой, ой ой! (двигат лист) Мамо, принесли лист. Певно од нашої Гаськы!

Марта (втішена): Давай, давай! (читат) "Ко... ко... с...а...а Ма...ко." Ніт, ніт, то не од Гаськы! То не по рускы! Гаська все пише: "Любы родителі", а ту ніт. Я не знам по якому то. Я того не розведу. Лет до пані професорки, поклон ся гарді, поцілуй в руку і прос, жебы прочитали і повіли (дає лист Оленці), што ту написане, од кого лист і до кого. (Оленка выбігат)

Сцена 6

(Вбігат Петрусь з кошыком на голові)

Петрусь: Мамо, мамо! (Пошпотивши ся, падат як долгій на землю, розсыпue компери, трепле ногами і съміє ся до розпуку.) Смотте, добры люде, што ся стало! (Двигат ся на коліна і съміє ся, збераючи компери)

Марта (тіж ся съміє): Шоловило-мотовило! Та чого так летиш?

Петрусь: Ба як же не летіти? Якыса пані до нас іде.

Марта: Дурбачку, дурбачку, де бы ся ту пані взяла!

Петрусь: Присям Богу (биє ся в груди), пані скрутила на нашу стежку; несе над собом таке розпристерте, зните, мамо - як ся то зове, што то ся пані ним од дощу заступляют?

Сцена 7

(Входить Гаська з розпристертым парасольем, в капелюшы. На капелюшы велики червены маки. Кафтаник з веікым буфамі з яскравой матерії. Фартушок маленький; на ним кышінки з інчої матерії выгляда-

ют як латки; з єдної вісит конец хустки до носа. Лице выбілене.)

Гаська (розверат ся): *Тутай нє ма слоньца. (Складат парасоль.)*

Петрусь: *Но, не пані то?*

Марта: (перестрашена, на бік): *Господи! Самісінька така відьма ся мі снила!*

Гаська (пышно приближат ся і'у Марті, кланяючи ся): *Цалуєм рончкі мамці. (Хоче брати Марту за руку.)*

Марта (цифат ся): *Відьма!.. Така ся мі якраз приснила...*

Гаська (кланят ся): *Я нє єстем жадна відьма! Я мамціна цуречка, та сама цо перше була Гаська, а тепер я єстем панна Маринця.*

Марта (одвертат ся): *Пек ти осина! Што тото чудовище языком меле?*

Гаська (хыхоче ся): *Мамця мнє нє познає.*

Сцена 8

(Входить Василь)

Василь: *Слава Ісусу Христу! (Підходить до Марти, цілує їй обі руки, а Марта його в лиці.) Што чувати? Здоровы вшытки? Ви мамо, нянько, Гаська, Петрусь, Оленка, та і вшытка жывина? Як скінчыл ём мою войскову службу, та рад ём был на соколиных крылах до вас ту злетіти. (Цілує Петруся) Здорів? (Звернувшы увагу на Гаську, до Марти:) Хто то?*

Марта: *Не знати... Відьма! Задає ся за якысу Гаську, цюр... цюр-рочку, за якысу Маринцю.*

Гаська (неустанні зиркат на Василя і скоро одвертат ся): *To муй Василь нє познає мнє?!*

Василь (призерат ся Гасці то з єдної страны, то з другої і покручує головом): *Не можу знати што то за чудо таке! Him!*

Гаська (звертат ся скоро до Василя і кланят ся трираз): *Я нє єстем жадне чудо! Я панна Маринця, нажечона пана Василя.*

Василь: *Ta якого пана Василя?*

Гаська (тыкат Василя парасольом): *От mego, mego пана Василя, moego... нареченого!*

Василь: *Тфи, тфи, сchezний бідо од мене! Я не хочу такої нареченой! Тфи, тфи і іщи раз тфи! Якыса малпа комедиянтска! А зрештом я не пан! Я шаную паньскій стан, але горджу ся моім хлопським станом. Я рускым хлопом ся родил і рускым хочу вмерти, хоцы мі голову одрубали!*

Сцена 9

(Входить Гнат)

Гнат: Здоровы вшытки дома? (Взрівши Василя, призерат ся:) Ей, ей, Василь! Сердечний Василь! Здорів? (Вказує на Гаську:) А тото хто?

Гаська (дусит ся од съміху, на бік): *I татко миє нє познає!*

Марта: Нє знати, нє знати!!

Гнат (обзерат Гаську то з єдного, то з другого бока): Што ты за чудо, гвар!

Гаська (кланят ся): Прошем татка, я нє єстем чудо! Я ваша цурка, панна Маринця, і панна наречена твоєго пана Василя.

Гнат: Што, што? Ты моя цю... цю... (Вшытки ся съміють.)

Гаська: Я скорше была Гаська, а тепер я єстем панна Маринця, ваша цурка. (Зас загальний съміх.)

Гнат: Кєд ты моя цю... цюрка, то повідж ты мі, чом тобі язык покрутило, же по руски не бесідуєш, як Бог приказал? Га?

Гаська (кланят ся): Прошем татка, тераз нікто, ни паны, ни хлопы не бесідують по руски.

Марта (сердито): Неправда! Вшытки руски паны бесідують по руски, вшытки руски хлопи тыж бесідують по руски, а знай, же і святы бесідували по руски! Зрозуміла-с?

Сцена 10

(Вбігат Оленка)

Оленка: Мамо, мамо, пані професорка гварили, што то до вас пише якыса панна Маринця, ваша цюр-речка, чтобы мы вшытки вышли по ню на колю.

Гаська (вказує на себе): То я! То ліст одемнє.

Марта: А по якому же то ты писала, што я прочитати не могла? Га? Тобі уж і голову і руки покрутило? Но бесідуй, по якому то: по турецкы, по німецкы навчыла єс ся, га?

Гаська (пышно): Певнє што єм ся навчыла! Прецін та-тунцю нераз гварили, чим кто венцый навчыт ся, тым лепши єст.

Гнат: То правда! Я так гварил. Та я тыж повідал нераз і наказувал: "Вчый ся чуджого, а тримай свого!"

Василь: Так, так: "Чудже шануй, а свого не лишай!"

Гнат: І зато, хоцбы ты стома писмами писати знала, та до своіх рідних, до вшыткіх руских люді, до всіх урядників, навет до цісарських, маш писати по нашому, по старому, по руски! (розв'ярений прискакує до неї:) Ты дурбаку, ты глуптаку! Ты не знаш што тым нашым святым руским писмом Євангелія, Псалтыр і ціле святе Писмо написане?

Петрусь (розмахуючи руками): Так, так, по руски написане!

Гнат: Тым нашым руским писмом споконвіка писали царі, королі, князі, єпископы і всякого роду мудреці, писали по цілым сьвіту по руски. І тепер пишут.

Петрусь: (вказує до Гаські пальцем): Видиш, писали і пишут по руски!

Василь: А найяснійший наш монарх видал такій параграф, што Русин має полне право в уряді по своєму, по руски бесідувати і по руски до уряду писати.

Марта: Зрозуміла-с, дурна ты? Сам найяснійший монарх.

Гнат: А зас сын нашого монарха, покійний Рудольф, записал ся в книгу по руски, там... там, в тым Інституті при рускій церкви на Рускій улиці во Львові, — ей, та як же ся зове *тот Інститут*?

Василь: Ставропігія!

Гнат: Гей, Ставропігія! Там то записал ся архікнязь Рудольф по руски.

Петрусь (приближившися до Гаські): Чуєш, писал по руски! А ты по якому написала? (Мече Гаськін лист на землю і втікат за Марту.)

Марта: А чом же ты так долго передше не писала?

Гаська: Бо я нє мяла коли.

Гнат (стручат Гаські ліском капелюх з голови і обзерат ліпше Гаськіне лицце): Де она тілько вапна взяла. Та то бы хыжу побілил!

Діти (вхопивши капелюх, підмітуют го вгору): Але красота!.. Але красота!

Марта: Чом, чом ты не писала?

Гаська: Я не мяла коли.

Гнат (сердито): Дівко, бесідуй по руски!

Гаська (кланят ся): Прошем татка, кєди я нє умэм.

Марта (успокоівши Гната, котрий нетерпеливіт ся): Ты писала раз давно же на Русаля більше напишеш, бо будеш мала коли.

Гаська: В пірши дзень сьвіонт пусьціла мнє пані до церкви. Як там сълічнє музика ґрала!

Марта (хапат ся голову): Сором, сором! Громы най побют таку дівку! Та-ж она, заміст до церкви, на музыку до корчмы пішла!

Гнат: Діждий-ле, стара, єст, єст музыка і в церкви, лем то не наша, не руска церков.

Марта (заводит): Ой, ой, ой! То она уж од нашої святої прадідньої церкви одступила?! Ой, ой! Та я на то тебе купала, повивала, колисала, руску пісню тобі сьпівала, штоби ты, як выроснеш, мі ганьбу, стыд і таку згрызоту учynила?.. Ой, ой, ой!

Гаська: Кєди там, в такеї церкві пенкнєй єст.

Гнат: Неправда!

Василь: Неправда! Неправду ты повідаш!

Гнат: Великий князь київський, святий Владімір, слал своїх мудреців по цілым сьвіті, жебы ся розозрили котрий обряд славнійший і найкрасший.

Василь: А мудреці, вернувшы ся, рекли: "Великий князю наш! Ми сходили цілий Божий сьвіт і переконали ся, што найкрасшим, найвеликоліпнійшим обрядом єст обряд грецкій, котрий мы в Цареграді виділи".

Гнат: І зато великий князь Владімір казал цілу Русь крестити в тым грецким обряді, котрий то святы братя Кирил і Мефодій до нашого краю принесли.

Марта (заводит): А она одступила од нашої, так славної, церкви... Стыд! Ганьба!

Василь (в жалю): Я не міг діждати ся свого щестя, рад бы єм на соколиных крылах ту летіл. Гнал єм з міста, а кєд єм уж нашол ся в селі, окликувал єм по дорозі дівкам: "Плетте вінки, приходте на заручини!" (отерат рукавом слезу.) А ту таке чудовиско вышло!

Гаська: Панє Василю, та я прецін пана Василя кохам і для-того з целом хенцьом пуйду за пана Василя.

Гнат (сердито): Та проречеш ты раз уж по рускы?!

Гаська: Кєды я не умію.

Василь (крестит ся): Од наглой і несподіваної смерти і од одступниці сохрани мене Господи!

Марта (в гніві): Діти, дайте-ле ту свяченой воды, най я тому відьму-одступницю з моїй хыжы выкроплю!

Діти (выйбігаючы): Одступниця! Одступниця!

Гнат: Она не годна свяченой воды! Я ту найду на ню інчий спосіб. (Отверат двері.) Жен сой, панно Мариянцьо, на штырі ві-

тры, одкале єс пришла!

(Гаська в страху стоїт як скаменіла.)

Марта (з розпуком): *Ой, ой, ой! Што то наробило місто!*

Василь (поважні): *Бабо, то не місто наробило, а єй непослух! Я ю завьюл там в місті до нашої святої церкви; я вказал ій наших люди руских; я бесідувал ій, жебы она лем з тыма нашима людми приставала і од них брала раду-пораду та науку; я остерігал ю, жебы она втікала од чуджых люди, жебы сторонила од тых баламутів, што то на наши святощти выбрехуют! А она? Як она свого вітця послухала?*

Сцена 11

(Оленка несе мисочку, Петрусь кропило.)

Гнат: *Они... Они вшытко прекручали, очывидні по свому, а она ім вірила; она ім барже повірила як свому рідному вітцю! О, горе тяжке, ты мое! (Вказує Гасці на двері, жебы выходила.)*

Петрусь (Махат кропилом.): *Но, ід, втіч, бо будеме кропити!*

Гаська (заламує руки): *Ой, ой, ой! Вшытки мя выганяют! А де-же я ся тепер подію, нещесна?*

Оленка (радісно): *Мамо! Она прогварила по нашему. Та-ж то наша Гаська! (Підлітує, хоче ю обнимати.)*

Гнат (остро): *Him, она не наша! Она одступила од нашої святої церкви, одступила од вшыткого нам найдорожшого, од нашої бесіды, од нашого писма, од нашої одежы... Так, одступницьо, рушай мі з хыжы!*

Гаська (західливо плаче): *Мамичко мої рідны! Што-ж я тепер почну нещеслива?*

Марта (по хвили, поважні): *Покай ся, окаянна грішницьо!*

Гаська (Позерат то на єдну буфу при рукавах, то на другу, то на фартушок, хоче прогварити, але не може; неспокійні раз іщи смотрит по собі, хватат ся за голову.): *О, я окаянна... грішниця... Грішниця я... Пекло підомном горит!.. (Підбігат до кута, стігат зо себе кафтаник, припасує запаску, одмітує високій гребін і коса спадат ій на плечы; б'є поклоны пред образами і кличе:) Прости мі Господи, Пречиста Діво і вшытки святы пробачте. (Підбігат до Марты, до Гната, Петруся, Оленки, кланят ся кождому і бесідує:) Пробачте мі грішниці! (Наконец приступлят несъміло до Василя і повідат жалісно:) Василю, Василю! А ты мі пробачыш? Ты приймеш мя?*

Василь (задуманий, по хвили.): *Я... бою ся!*

Гаська (з милістю:) *Василю, чого ты ся боиш?*

Василь: *Ты підеш до міста, або де-небуд помедже чуджых люди і они тебе зас заморочат.*

Гаська: *Nіт, ніт, Василю! Того більше не буде! Я глупа була та і легко пришло ся ім мене заморочити. Але тепер я зрозуміла тому вшытку вашу мудру науку. Так і присіgam Богу, ту, при небесным сонци, при образах святих і при вас вшыткых, што скорше дам сой одрубати голову, як одступлю од нашої єдиной церкви, од нашої святой Руси, хоцбы на макове зеренце!*

Василь (сердечні): *Кед так (Хватат Гаську за руку і обое кланяют ся родичам.) — просиме, благословте.*

Марта (радісно): *Діточки, давайте свячену воду! Якраз ся придала! (Родиче окропляють молодята свяченом водом; за сценом чути весільны пісні і музыку.)*

Вшытки: *Што то? Што то такє?*

Діти (выйбігаючы): *Съпіванки, музыка, весіля!*

Марта (підходить гу дверям): *Што то? Што то такє!?*

Сцена 12

(Входять: Петриха, дівчата, музыка.)

Петриха (з прибраним коровайом): *Помагай Бог, на щестя, на здоровя, на многая літа! (Подає коровай Гасці, а Гаська дає го Марті; дівчата з вінками съпівають весільны пісні.)*

Марта: *Одкале вы такій коровай взяли?*

Петриха: *Ци не гварила єм — же буде весіля!*

(Василь приносить фляшку, Марта подає порційку; старши п'ють, здоровкають до молодят; музыка грає; молодіж танцує. Занавіс падат.)

КОНЕЦ

Під виданым першодруком поміщено аднотацию:

Президія ц.к. Намісничества во Львові, рескриптом з 7 липня 1901, ч. 7426/пр, уділила центр. Виділу Общества им. Михаила Качковского позволенье представляти комедію Клавдія Ив. Алексовичъ п.з. "Запамороченная" на аматорскихъ сценахъ русскихъ Читаленъ, находившихся подъ управленьемъ Общества.

БОГДАН ГОРБАЛЬ

Гавриїл Гнатишак

(1850 Верхомля Велика - 29.06.1916)



Греко-католицький священник (рук. 1878) і лемківський рукофільський суспільно-культурний діяч. Єден з передових представителів лемківської інтелігенції другої половини XIX століття і початку ХХ - "інтенсивного п'ятдесятиліття". Походив з хлопського роду, але отримав відличну освіту і освіти не лише лемківським священником, але і теж обізнанним зо світом чоловіком. Після висвячення був початково адміністратором в Вороблику Королівським (1878-80), Высовій (1880-81),

Гыровій (1881-85), а пізніше парохом в Чорним (1885-1897). Найдолше однаке провадив пастырську послугу в парохії Крениця (з філією в Солотвинах), котром заряджали до часу I сусітової війни.

Справлял ся барз добре на тій недошлій лемківській кафедрі, постеріганий як передова лемківська парохія. Люди любили го парохіяне, а і часто одвиджували польські панове. свящ. Гавриїл Гнатишак любив занимати ся політикою, а до того треба було утримувати широкі контакти. Од збанкрутуваного Поляка купил він за велику на тімчаси суму 12 тисяч золотих корун цілу пивницю ріжноракого вина. Димитрій Вислоцький (1888-1968), котрий сам в гостях в креницького пароха не раз був - так описувал туту пивницю:

(...) Ex! Як там були фляшки. Були таки мохом пороснені, були гладкі. Було таке вино, що веселило, було таке, що смутило. було таке вино, котре ся ляло, було таке, котре мож було краяти. Стары вина були гын, котры Саса памятали (...).

До Гнатишаковой плебанії часто заїжджали на гостину ріжны польськы панове, латиньскы і греко-католицкы священники, учытеле, студенты. Не раз обгваряно гын політычны справы. Передовшыткым ходило о выборы, в которых свящ. Гавриіл Гнатишак рахувал на польськы і рускы голосы. До рады державы (выжша палата австрійского парламенту) кандидувал креницкій парох двараз (1891, 1911). Хоц в 1911 році початково мал в своім округу попертя Лемків і Поляків, то не старчыло того до выграня в першым голосуваню. В другым голосуваню част попераючых го вчаснійше Поляків одвернула ся од нього і зато програл.

Свящ. Гавриіл Гнатишак был заступцом шкільного комісаря в своім округу, спіл-основателем Руской Бурсы в Новим Санчы (1898) і членом "Народного Дому" во Львові. В роках 1909-10, з помічу свящ. Гавриіла Гнатишака поставлено в Креници дім для чытальні Общества ім. Качковского. Зо взгляду на великт креницкой парохії (поверх два тисячы люди) парох потрібувал помічника, але не все такого діставал. Асистентами свящ. Гавриіла Гнатишака были священники Михайло Попель (1897-98), Антоній Клачыньскій (1900-02), Євгеній Сембратор-

вич (1903-04), Йоан Гнатишак (1904-09), Александр Трешневскій (1909-10), Анатоль Сембраторович (1910-16).

Самым початком I съвітової війни хтоси розпустил чутку, што свящ. Гавриіл Гнатишак і свящ. Василий Курилло (1861-1940), перебраны за Єvreів хотіли знищыти міст в Мушыні, за што мали быти арештуваны в Горлицях і розстріляны. Правдиві креницкій парох был арештуваний і перевезений до Талерофу уж на самым початку війни. Гын сідил в бараку номер 30 враз зо сынами Теодором (студент права), Александром (ветеринар, по війні мешкал во Львові, занимал ся торговлью, спомагал русофільську діяльніст, был членом Ставропігійского Інституту), Орестом (доктор права, адвокат, член Ставропігійского Інституту і предсідатель Семко-Союзу в Креници) і дівками - Ольгом Кукуревич (жена нотаря в Косові) і Марійом Витошынском (аптыкарка во Львові). В 1916 році свящ. Гавриіла Гнатишака враз з інчыма передовыми лемківскими діячами перевезено до Відня на великій політычний процес. Голоду і холоду віденської вязниці на вытрумало старе тіло.

По смерти креницкого пароха його місце занял попераний через парохіян свящ.

Анатоль Сембратович (1884-1945, рук.1910), але не дане було креничанам одотхнути по воєнних пережитях. Одраз по війні єпископ Йосафат Коциловський (1876-1947) почав "очищання" Лемковини з противставляючих ся українізації священників. Свящ. Сембратович дістал одраз наказ лишити парохію. Мал єй перебрати український священник. Креничане, ведені через Методія Трохановського (1885-1947) і родину Громосяків, перегнали одначе делегацію котра мала впровадити нового священника до креницької церкви. Спеціальна група креничан іздила до перемишльського владики, львівського архієпископа і папського нунція в Польщі, щоби лем затримати в селі такого священника, якого люде хтіли. Свящ. Анатоль Сембратович провадил креницьку парохію до 1924 ро-

ка. Не припадково Крениця стала ся в тридцятих роках центром лемківського русинського руху.

Бібліографія:

- Dmytro Blazejovsky, *Historical Sematism of the Eparchy of Peremyśl including the Apostolic Administration of Lemkivscyna* (Lviv, Kamenyar, 1995), 655;
- Военные преступления Габсбургской Монархии 1914-1917 гг.: Галицкая Голгофа (Trumbull, Conn: Peter Hardy, 1964): I 176, 184, 203; II 34, 146-147; III 42, 92, 95, 106, 119; IV 32, 40, 68, 90-91, 156;
- Bogdan Horbal, *Działalność polityczna Łemków na Łemkowszczyźnie 1918-1921* (Wrocław, Aborteum, 1997): 24, 31, 108;
- И.Ф.Лемкин, *История Лемковины* (Юнкерс, Н.Й., 1969): 63;
- Е.А.Яновицкая, Талергоф, [в:] *Карпаторусский Календар Лемко-Союза 1969*, (Юнкерс, 1969) 74-104.



Мене арештували і вивезли до вязниці окружного суду в Krakovі. Як лем заперли ся за мном двері вязничної камери, явил ся предо мном молидий, незнаний мі мужчина і присматривши ся мі, звідал:

- Ви о. Гнатишак з Крениці?
- Так, — одповідам — а чом зъвідуете?
- Барз мя чудує пото, же вы іщи жывы, бо, на кілко сой припомнам, вас і многых других наша „высока рада” засудила на кару смерти.


(Зо съвідчыння о.Г.Гнатишака, Талергофскій Альманах, IV, стор. 90)

ОЛЕНА ДУЦЬ-ФАЙФЕР

Iван Русенко (1890 - 1960)

*Я родил ся твоім сыном - доля моя бідна,
І люблю тя Лемковино, моя мати рідна!*

Народна мудрість повідат: коли думаш в перспективі єдного рока - посій зерно; коли думаш в перспективі десяток років - посад дерево; коли думаш в перспективі соток років - остан учительом. Потверджує правди тих слів явиться нам днес в сто десяту річницю народин і сорокову річницю смерти великого лемківського Учителя з цілом силом і добитністю. Запечатана в Русенковых вершах, його діяльності і стремліннях наука остане тырвалым шлідом в нашій культурі, в серцях і розумах поколінь. Великий символ своєї епохи визначыл дорогу важним процесам, котры до днес сут моторичном силом розвіття рідного культурово-етнічного простору, не зважаючи на страшенне окалічыня його натурального потенціялу. Ци на сотки років старчыт Русенковой науки, вкаже час. Але днес незаперечно стоіме в ряді учеників той школы патріотизму, єдным з важнійших філлярів которой был Iван Ру-



сенко. Не лишме адже ани єдной нагоды до вшануваня, припомніня того великого імена, котре заєдно формує ся в нашій съвідомости в монумент великого Учителя Лемковини.

Походил Iван Русенко з того самого села, де 60 років скорше вродила ся Клавдия Алексович. Пришол на съвіт 19 січня 1890 рока як четвертий спосеред пятерых діти,

єдиний син Юрія і Катрени Русенків, убогих селян з Красної коло Коросна. Основну школу закінчыл в рідному селі в роках 1897 - 1903 а пак, користаючи з помочы і опіки, яку давала лемківським гімназиялістам Руска Бурса в Новим Санчы, вчыл ся в сандецькій гімназії. Матуру здал в 1912 році. Замірял поступити на університет, коли покликала го в свої ряды австрійска армія. В 1913 році скерувано го як підофіцера піхотного полку до Сараєва в Босні. Гын застала го I сьвітова война. В рядах своєї армії трафил на сербський фронт, што було для него барз прикрым досьвідчынью, коли - як сам споминає - мусіл бороти ся против своїм братям - Славянам. На фронті остал тяжко ранений - куля перебила му груди навылет. По довгим лічыню в австрійських военных шпиталях в 1917 році трафлят зас Русенко на фронт, на тот раз італіянській в Альпах. Там діжал ся демо-болізації в листопаді 1918 рока і міг вернути до своєї рідной Красной. Незавершена мрія про університет і тепер не могла ся сполнити. Треба було заробити на хліб учитељованьом. Але навет прагніня вчыти лемківськы діти не повело ся му довершыти. Остал учитељом в польським селі Лютча коло Стрижова, де

вчыл през 15 років в 7-клясової школі вшыткых предметів. Уж як учитељ закладат родину, родит ся му двое діти - Борис і Надія. В часі німецької окупациі переходит на посаду учителя до оддаленої о 5-4 км. од Красной Бонарівки. Одтale в 1945 році враз зо вшыткыма праві селянами остає переселений на Україну до села Королівка на Тернопільщині. В роках 1945 - 55 быв учитељом в середній школі в Королівці. Вчыл головні німецького языка. в 1955 році перешол на пенсію. Вмер Іван Русенко 10 січня 1960 рока в Королівці, де єст похований на місцевым цмынтері.

Коротка біографія аж нияк не дає нам уявлення про скалю таланту і прагнінь, якими вписал ся Іван Русенко в дії Лемковини. Застанавляюча єст справа, на котру певно николи не найдеме одповіди, чом тот хлопець, молодий кандидат на гімназиялісту, попал якраз до Нового Санча до Рускої Бурсы (в тым часі існіла уж і Українська Бурса в Новим Санчы), а не до ближшого му Коросна ци Санока, де тіж існіли Рускы Бурсы. Єдно єст певне, же перебування в тій знаній кухні лемківського патріотизму мало першорядне значыня в формуваню ся народової сьвідомости і патріотичных прагнінь молодого творця. Ту стрі-

тил ся зо старшым од него о два роки Димитрием Вислоцким, з котрим през долгы роки, ачий ци не до кінця жыття, творили дует не до перевершыня. Уж товды, в бурсацкым періоді родили ся велики ідеї в головах і душах сандецьких гімназиялістів. В часі вакацій обходили они лемківські села, од тых найбаже східніх починаючи, на західніх кінчаючи. Познавали, вдыхали своєрідніст лемківского культурного простору, іх думки кружыли съміло, съмлістю молодості по тым клаптику бескідской, своєї землі, котрой меджы хотіли міцно утвердити:

Шануйме рускы звычаї,
Лемківску одежу —
Щобы од нашого краю
Знати было межу.
(Шануйме свое)

Іх мрії сполняли ся поступенно за справом іх діяльності і творчости. А же таланти дорівнювали любови до рідної землі і народу, а любов підсычала іщы таланты, творчий доробок іх жыття в нашій культурі має своє непересічне місце. Іван Русенко лучыл в собі талант музичний, плястычний і писменничий. Посвятил іх вполни своїй вітчyzні. Іщы як гімназияліста, сандецький бурсак влучыл ся він актывні в редагування першого на-

шого часопису "Лемко" (1911 - 1914). На тых так цінных, бо перших вполни лемківско-язичных, сторінках часопису находиме явний шлід Русенкового молодечого заангажування. Головні од часу приняття функції одповідального редактора през Димитрия Вислоцкого з початком 1912 рока Русенко стає ся головним карикатуристом "Лемка", котрий перетвориться в штораз барже сатиричний часопис. Окрім підписаних рисункових карикатур, неповторних в своїй цільности спостережыня ко-съм оком і свойскости введених реаліїв, мож по самим стилю додумати ся в декотрих непідписаних ци підписаних псевдонімом текстах Русенкового авторства. Сут то найчастійше міцны пашквілі на ідеових противників реалізованого през "Лемка" еманципаційного, хоц іщы міцно вписаного в загальнорускій ґрунт, етнічно-культурного програму. Пашквілі тоты, підписуваны часто псевдонімом "Мистер Фецко", переважні публікуваны были в полуточнію з карикатуром - ілюстараційом.

До спілтвориня лемківского часописменництва верне Русенко в меджевоенном часі. По тяжким талерговским досвідчыню, по неповеденых пробах самостановління в роках 1918 - 1920, тверды патрі-

оты не устают в піднятых уж скорше стремлінях, котры в меджевойню стаюць уж ясно спрецизуваць, міцно сконцэнтруваны на ідеі, котрой мене Лемковина. Русенка творы разом з Гунянком його знаний "Буквар". Ілюструе го своіма рэсункамі. Хочут вчыты лемкіўскія діти іх рідной бесіды, бо як переконуе Русенка:

*Нам бесіда наша мила,
Хоц и кус негараматична,
Рідна мата нас навчыла —
Отже ж своя, не пожычна.*

(Рік 1945)

Будучы учытэльём, знал вартіст науки і позицыю, яку она дае в сьвіті:

*Рускы школы нам потрібны
В нашым рідным kraю —
Маме і мы здібных людей,
Най нас научают!*

(Треба нам школы)

*Учте ся, учте Руснакы,
Як іншы вчат ся народы —
Будеме і мата
Своіх ученых даколи.*

(Учте ся, учте Руснакы)

Горячым вершуваным слоўм, міцно заан'ажуваном патріотычном ліриком, в котрый богато выкорыстувал стылістичны засобы реторыкі, вчыл Іван Русенка любові і пошанування для рідных вартости,

вказувал іх цінніст і красу. Взором нашых великих будителів попереднёй му епохы, будил патріотычны почутя в народі. Одтале такій декларативний, явні агітуючы, закликовы тон тых верши. Заміщены на строінках лемкіўской періодыкі, початково лемко-союзіўской в ЗСА, рэдагуваючай і выдаванай през Русенковага приятеля, Ваня Гунянку, потім в краівым "Лемку", промовляли до лемкіўской громадскості свойом чыстом лемкіўском бесідом, простом формом і благородном ідейом. Хоц заан'ажуваны, преполнены дидактізмом, часто полемічны ци оскаржаючы, не сут они лишены ліричной красы і артыстычной цінності. Обдарений правдивым літературным талантом, не попал Русенка в вершомазництво, обронил літературний рівен своіх верши аж і при так міцным ідеовым заан'ажуваню. Старчыт лем прочытати бодай найкрасшы лірик Русенка "Лемковина", жэбы rozпознати правдивого майстра пера. Так короткой і цільнай, потрясающей своим реалізмом і правдом характеристики Лемковины заміщеноі во вступній описовій часті, полученай з прекрасным інвокацийно-декларативным вызнаньем сыніўской любові до той землі нее більше в нашій літературі. Верш

тот єст правдивым майстерштыком, для Лемків порівнальним з Міцкевічом "Інноваційом".

О величким таланті пера съвідчат тіж Русенковы байки. Хоц выкорыстуют они найчастіше знаны мотывы звірячай байки, то іх лемківскій кольорыт єст не до підробління. Осігат го автор при помочы барз трафні введеных, зознавством выкорыстаных стилізуючых середків. Сут то топонімы: вшытки байки діют ся деси "В нашых горах - гев в Карпатах", Ту, як Угрин і Лабовец", в Репеди, Ганчовій, Гладышові, Смереківци, ітд. Прекрасні підносит лемківскіст байкового простору бесіда так наррації, як і героів, з найбарже тыповыми, специфічными высловами, зворотами, словами. Бесіда приписує часом тіж героів до окрісленых етнічных реліїв. В Русенковых байках ягня бесідує по лемківски, волк по польськи. Часто в аргументації, в тыпових захованях, в психіці героів находиме характерны приметы лемківски, польськи, жыдівски, українськи. в тот спосіб заходить осаджыня універсалізмів в добре нам знанмы просторі.

Не менший артизм і вычутя літературной формы при введінню універсальних мотывів в уконкретнений лемківскій съвіт выказує тіж знамени-

тий "Вертер в Карпатах".

Інчым творам не мож тіж одмовити літературной вартости. Прото іх ідеова вымова ст зміцнена, выразнійша в прецизії. А діла і справы, до яких кликал великий Учитель были прагнінями, котры трафляли в душу народу, будили його дужыня і надії. Хоц в Русенковых вершах часто явили ся болячы проблемы - темнота, біда, слабіст, незгода Лемків, хоц нераз споминаний был міцнійший сусід або сусідове, то николи не по то лем, жебы одобрати надію. Противні. Все ғанчы і слабости припомнаны были зато, жебы кликати до зміны, до іх направління, зміцніня загальнай пзиції:

*Мы слабы, як гача до плуга,
То дружно ся берме до діла!
І буде в нас дораз моц -сила,
Лем треба спомочы друг друга!*
(Лемкы)

Оптимізм і надія, які хотіл розбудити вершами в своїх родаках Русенко, сут часом так порываючы, же іх тон припомнінат революційну лірику:

*Не выдусили нас всіх каты,
І не выссали нам кров.
Як были наши Карпаты —
Так будут во вік віков!*
(Новорічний привіт на 1930 рік)

В вершах іде бесіда о народі, о рускым народі в Карпатах –

од Ужгорода до Щавниці. Нарід tot, за вольом "я ліричного" воскрес:

В Карпатах днес народ
воскрес
І право його не згине!
(На Лемковині)

Воскресли і людски надії за справом тых окрýляючых, пламінных слів, за справом діянь, які підняли колишні сандецькі гімназиялісты враз з горлицьким і інчима патріотами, вихованками бурс і не лем, котри зас по падіню Рускої Народної Республіки з Фльоринки, прібували піднести рідну культуру на власны ноги.

...І зас пропали надії. Зас міцнішы рішили о долі слабших. Найперше тяжкы під кождым взглядом (тіж ідеологічним) воєнны роки, а потім тото трагічне выгнання, котре власні в Русенковых вершах найде, як все, найбарже цільну, добитну і потрясаочу оціну:

Всьо пропало, моі сте-ви,
Не будеме там вертати
(..)
І як грають музиканты —
Так нам треба танцувати.
(Рік 1945)

Втихло Русенкове слово, впали пламінны надії, не закличе уж більше Учитель сво-

іх родаків до великих діл, не засьпіват о воскресшим народі, котрий знає боронити свої права. Навет так природне Русенковій натурі і талантови сатиричне, коє, направляюче съвіт позераня на окружаюче житя в новій ситуації вигасло, не ожыло уж николи під так податним колиси пером і олівцем майстра. Може лем раз, коли хоче докінчыти стары порахунки з Бондарівчанами, котры як "ліпша раса" певно му в недным допекли, заблісне іщи Русенко своїм знаменитом сатиром:

Боднарівка, Опарівка,
То потомкы "запорожців",
Гварил доцент пан Зілінський,
Твердили і єгомосци.

(...)
Я не вірю в того нияк
І здає ся, же мам рацию,
Кед єм родил ся Руснаком,
Не перейду в іншу націю.
(Боднаровяне)

Але то виняток. Часом за-містит іщи в своїх вершах заклик скріваний до родаків в Америці. Єднак то уж не тоты порываочы слова, полны віры і надії. Домінует туга, розпуха, смуток:

А тепер смутно там в
Карпатах,
Нигде не звонит в церквах звон
(Тепер на Лемковині)

Учытельска натура каже му іцы часом припомнити все гошеноны правды і науки, але як смутно они тепер звучат:

То-ж шануйме наше слово
Од велика аж до мала,
Вшытко інше сме стратили,
Лем бесіда нам осталася.
(Рік 1945)

Творчу біографію великого Учителя, презентацію його дужынь і прагнінь кінчыт остатній верш написаний през поету. Тот чловек, котрий замолоду обышол вшытки села Лемковини і міцно покохал свою карпатську вітчyzну, котрий ціле жытя борол ся в обороні єй прав, в остатніх своїх роках, выселений на українські чорноземи, мал лем єдно велике прагніння:

Кед бы я мал, люде добры,
шапку невидимку,
Поіхал бы-м зараз дохыж,
хоч лем на хвилинку.
Посмотрити на халупу,
на тот берег, на ту воду,
На то село, где-м ся родил
і где-м іграз замолоду.

Посмотрел бы-м на Кычерау,
на Порубы, на Чершины,
Серце бы ся радувало
на вид рідной Лемковины.

Мила отчызна не далеко,
зараз за Саном, як за
плотом,
Лем мя не пустат без
пащортu,
загородили браму дротом.

(Моя Отчызна)

Жытia чловека ся скінчыло,
Його творы, його наука і запечатаны в ній прагніня на все останут і все будут будити приспаны, присыпаны попелом іскоркы лемківского патріотизму. Будут они выбухати пламіньом в ділах, до котryх кликал наш Учитель, а котry його нашлідники підняті мусят навет в ситуації, коли:

Гей, бідны Лемкы выселены,
Од Одры - Нисы по Дон-Бас,
А села, поля залишены
опустошали
позаразстали
Терньом зас.

(Тепер на Лемковині)



*Де бы мы не поіхали, як бы мы там добрі не зажыли,
а все нам буде бракувало той рідной землички, де
мы ся вродили, де мы выросли. То уж в нашій кырви,
мы привыкли до Лемковины зеленої, до наших гір
і лісів, до нашого ґрунту, на якым треба тяжко
робити, але він нас выкорミт!*

Слова Русенка зо споминів М. Дзіндзя

ОЛЕНА ДУЦЬ-ФАЙФЕР

Василь Чернецкій (1837 - 1900)

Писатель, громадско-осьвітовий діяч, історіограф активний в другій половині XIX століття, головні на території Східної Галичини. Своїм походжаньом, дітинством, споминами і родинними взаєминами стисло повязаний був з Лемковином. Походил зо старого роду шолтисів в Вислоку, з котрого вела ся пізніша священника родина Чернецьких. Вродил ся 7 січня в Тарнавці (оба, сусідуючи зо собом, села в околиці Рыманова) в родині грекокатолицького священника. Од дітинства виховувал ся в своєго діда - пароха в Воли Цеклинській. До основної школи ходил в Яслі в роках 1844-47, до нижої гімназії в Ряшові, Перемишлі і Новим Санчами в роках 1848-1853, до вищої гімназії в Пряшові, Кошицях і в Ужгороді в роках 1854-58. По закінченню теольгічних студій во Львові і Перемишлі в 1862 р. оженився і висвятив. В роках 1862-65 був парохом в Турници к. Жолкви, в роках 1865-1884 в Сtronятиню, а од 1884 р. аж до смерті був парохом в Сільци Белжським, пізніше

белжським деканом і почесним крылошаном. Вмер 5 квітня 1900 рока в Сільци, де єє похований.

Чернецький був єдним з найактивніших галицько-русських діячі. Заложив парунадзець сельських читален в своїх парохіях і іх поблизкій околиці. В 1891 р. покликав Товариство Дяків Перемышльської Єпархії. В 1895 р. започаткував створіння політичного товариства "Руска Рада" в Сокалю.

Цілу, барз плідну творчу активніст Василя Чернецько знаменувала велика історична і документарна пасия. Тисячі сторін текстів, які вишли спід його пера, містить величезну інформаційну і фактографічну поклажу (*ładunek*). Неполна бібліографія творів того автора складат ся зо 156 позиций. Найважнішую хыбаль єй част становлять історично-краєзнавчы нарысы, барз дрібничково і прецизийні описуючи історию, вигляд, географічне положыння ріжних руських місцевости і архітектонічных, головні сакральних об'єктів в Галичині і на Закарпатю. Медже нима находиме тіж описы декотрих

лемківських місцевості (Крениці, Мысцовой). Нарисы тоты мають до днес гідну історичну і документальну цінність.

Для діїв Лемковини, історії єй культури і духовости, релігійних і громадських одношынь в XIX віку непрецінену вартість має мемуаристыка Чернецького. Зо взгляду на дрібничкову фактографічніст смоминів, іх конкретыку і докладніст лишил нам автор незвичайний документ епохи. Документ жыття лемківської інттелігенції тамтых часів так жыво і правдиві зареєструвано, же знаме днес найдрібнішы факты зо студентского і семінарского жыття, аж і деякы таємниці і стисло внутрішні реляціі в консисторії, серед крилошанства і в інчых інстанциях, од яких залежне было руске духовенство. Така докладніст писаних по роках споминів можлива была лем завдякы запискам, якы регулярні вюл в молодости тот незвичайні сумлінний документаліста. Лем перша што до хронольоگії подій част споминів, односяча ся до часів науки в ясельській школі, не ма той характеристичной дрібничковости. Опубликована найпізнійше в мемуаристичным циклю автора, бо в 1892 р., під наголовком Згадки з 1846 року (см. ЛК 1996), ест она свободним припомніньом деякых епі-

зодів з тамтых часів, звязаных з ріжними шкільными перипетиями і з рабацийом Якуба Шелі. Долучений опис Ясла і околиц, характеристыка етнічного пейзажу описуваних місц, оціна представленых фактів, рішают о комплементарнім, оглядовим характері споминів. Наступны части "згадок" (опублікованы скорше) писаны сут на підставі дневника і лучат в собі обі тоты формы. 30-літній дистанс, якій ділит час запису споминів од описуваних фактів творит оцінююочно-критичну нараторскую перспективу, што значні розширяят рамы фактографічного запису. Прото "згадкы" сут барз інтересуючи і як документ і як літературний твір. Цикль складат ся з пятьох части оддзеркалюючых очередны ступени едукациі автора. Сут то Задки зъ студента ского житя въ Пряшовѣ на Уграхъ ("Дѣло" 1886), Згадки изъ студенцкого житя в Кошицяхъ на Уграх ("Дѣло" 1887), Згадки изъ студенцкого житя въ Унгварѣ на Уграхъ ("Дѣло" 1887), Згадки изъ семінарского житя у Львовѣ ("Дѣло" 1888), Згадки изъ семінарского житя въ Перемышли ("Дѣло" 1889).

Пряшівско - кошицко – ужгородска част споминів добре образує і усувиомлят нам тогочасну єдніст русиньского съвіта з пілнічной і полудньо-

вой страны Карпат. Тыпово для едукацийной дороги лемківских хлопци, выжшу гімназию кінчыл Чернецкій на пряшівско-підкарпатскій Руси. Чом так было, выяснят він сам в своїх "згадках":

"Дѣти бѣдныхъ рускихъ горскихъ священиковъ и дѣти бѣднѣйшихъ ще селянъ горняковъ, маючи охоту до наукъ, а на маючи отповѣдныхъ материальныихъ средствъ до удержаня въ школахъ, коли при тѣмъ не было ще повнои осмоклясовои гиманзії анѣ въ Ряшеві, анѣ въ Новомъ Санчи и въ Яслѣ, були примушени удаватися въ закарпатску Угорщину, щобы черезъ лекціи на хлѣбъ зарабляти и студія кончити" (Згадки зъ студентского життя въ Пряшовѣ на Уграхъ).

Надзвычай інтересуючий єст уривок пряшівских споминів, повязаных з особом отця Александра Духновичя. Василь Чернецкій был єдним з численных студентів, якы користали в часі свойої науки з помочы і опікы великого будителя. Під первом мемуаристы дополнят ся постать патріоты і писателя о вітцівско - харитатывний вымір. Стає пред нами жывий, доброочинний чловек о великій душы і вразливости на чуджы потребы. Під дахом його дому находило цілковите утриманя по пару дівчат - сирот по руских священниках, учениц реаль-

ной школы. Окрем того столувало ся ту пару студентів - гімназиялістів:

"Часом було нас при обѣдѣ 10, 14, 16 а часом и бôльше осôб. Обѣдъ розпочинався послі рускои молитвы и рускою молитвою кончився; розмова при столѣ була только руска. Бувъ то один домъ в Пряшовѣ, де шановано руске матерне слово [...] Часто въ часѣ обѣду выпитувался о. Духновичъ студентовъ о ихъ потребы, а скоро котрый заявивъ, що не ма чи то книжки чи потрѣбнои одежи и.т.д., то послѣ обѣду дававъ "батько" на потребы грошѣ съ тым наказомъ, щобы покуплене ему показати." (Тамже)

Чым була така поміч і тепле вітцівське слово для парунадцетлітніх хлопців шмаренных далеко од рідных, нетрудно собі уявити. Сам Чернецкій многократно одкликує ся в спогадах до своїх пережывань, емоций, тяжких хвиль і вічной туги, яка мучила гімназиялістів далеко од дому, в змадярщених містах:

"Хто не проживавъ на чужинѣ, той не знає, якъ то прикро не бачитися черезъ цѣлый рôкъ съ родиною и рѣдко зачути рôдне слово. Часами мы бачилися съ краянами "Лемками - горняками", коли переходили черезъ Пряшовъ, удаючися за заробкомъ "на Банаты" и якъ зъ заробку домовъ вертали". (Тамже)

Неєдну задивляючу відоміст, неєден факт і інтересу-

ючу дрібницю найде днешній читатель в споминах Чернецького, в яких оживає світ сперед 150 років. Неє в нашій літературі і культурі документу, котрий бы так докладні одтварял реалії життя нашої інтелігенції тамтых часів. В тым найвекша цінності той інтересуючої мемуаристики.

Лишыл тож Чернецький в своїм літературним доробку творы, які зараховуємо до історичной прозы. Сут то оповідання і оповісти, котрих фабуллярну основу творят історичны подїї, постаті, об'єкты, в великий мірі одтворены і схарактеризуваны згідні з історичном правдом, але концентрующыся головні на сенсацийных, революційных, незвычайных моментах, выбраних і представленых през автора згідно з його оціном ситуациі. Притігают Чернецького дії магнатських і цисарських родин і их участ в історії. Інтригуют го войны і революции. Окром опису і фактографічной реляциі дополнят автор фабулы своіх історичных оповісти власными коментарями і оцінами, а героі обділены сут розбудуваном психольоґічном характеристыком.

Серд красивых творов історичной прозы Чернецького вымінити треба такы як: "Родина Ракочихъ въ замку мункацкомъ" (1892); "Наполеон I. и

смерть его на островѣ св. Елены" (1886); "Шведы во Львовѣ 1704 року" (1896); "Два опасные дни зъ исторіи шведской" (1897); "Збуренье Города Єрусалима Римлянами" (1886); "Послѣдніи дни мѣста Помпеи" (1887); "Гоненія первыхъ христіянъ за Вѣру Христову" (1889).

Окрем історичных повісток і оповідань творил тож Василь Чернецький т.зв. "правдивы історії" (правдива повѣстка, повѣсть правдивого события, правдиве оповѣданье). Ріжнятся они од історичной прозы тым, же описаны в них фактычны подїї, одчытаны з льо-кальных хронік або одтворены на основі устного переказу, тычат ся незнаных історичных фактів і знаменитых осіб, лем деякых інтересуючых епізодів з житя простых люди ци громадскости, не однотуваных през історию. Оповістки тоты мают найчастійше посмак сенсациі, незвычайности. Обдарений пасийом громаджыня ріжных історичных інформацій, перезераючий ріжны хронікы, документы, записы зображенія в архівах, гладаючий придатных в його освітовій діяльности відомости, однотувал Чернецький дуже таких інтересуючых фактів, котры в літературні украшеній формі передавал читателям. Сут то найчастійше короткы, єдносю-

жетовы історийки, поміщені в ріжкіх часописах ци календарях. Автор часто подає, з якого джерала взял передавану інформації. Так напр., описуючи зворушаючу історію смерті наречених в часі страшної епідемії во Львові ("Морове повітря во Львові"), на закінчыня додає:

"Но тревальший ѿ каменного нагробного памятника составилъ для Пелагіи и Михала памятникъ радний мѣста Львова, ученый Варфоломій Зиморовичъ, упоминаючи о нихъ въ своей "Хроницѣ мѣста Львова", и подаючи ихъ судьбу до вѣдомости дальшимъ поколѣніямъ."

В оповіданю о двох упирах ("Два упирі") для потвердження вірогідності описуваних подій, подане єст іх докладне часопросторове уміщення:

"Все, що я ту о двохъ упирахъ написалъ, не єсть байка, но правда, а то дѣялося въ селѣ Воли Цеклинской, въ горскихъ ясельскихъ сторонахъ. Въ котромъ же роцѣ се дѣялося, трудно мені рѣкъ подати, то лише певне, що давно - бо я быль тогда еще малымъ школяремъ, а нынѣ выписала у мене пятьдесятка свое право въ попечныхъ морщинахъ на чelѣ..."

Таких "правдивих історийок" написал наш автор пару надцет. Сут они съвідоцтвом інтересуючих культурово-громадських фактів, вірувань, пересвідчынь. І в тым припадку виступує Чернецький головні в функції документалісты.

Коли додаме до виміненых писменничих категорий ріжни списаны през Чернецького хронікы ("Хроника духовної семинарії Львівської одъ 1783 до 1888 року", "Лѣтопись монастыря оо. Василіянъ въ Кристинополі одъ его основаня въ 1763 р. до 1889 р."), численны дописы і кореспонденції, освітовы материялы ("Открытия земель въ чужихъ далекихъ сторонахъ свѣта"), спомини з подорожы, отримаме tot обширеній літературний спадок, якій лишыл по собі Василій Чернецький – писатель і освітovo-громадскій діяч, чоловек великої акtyvности і заангажування. Його діло єст величезным, невыкорыстаным засобом документів і фактів до історії нашого регіону. Сто років по смерті автора вартало бы сягнути до його споминів, хронік, записок, повісті і одтворити атмосферу і правду тамтых часів.



СУСАННА МИХАЛЯЦКІ

Русинія в Америці, 1900 - 2000

Маючи можливіст, тепер, в 2000 році, посмітрити ся дозаду - мож ся переконати, що доля Русинів (в тым особливі Лемків), формувала ся в двадцятим столітю під впливом міграції. Ци то було примусове пересеління, ци економічна еміграція, Русини змушені були лишити свою вітковизну - нерідко на все, - глядаючи способів на перетирвання. Не они одиноки так робили. Прилучути як они до мільйонів бідних Европейців, котри виїжджали до Америки з надією же найдут в ній можливіст економічного поліпшання своєї долі. В часі найвекшого насиління еміграції (1900-1920) поверх 14 мільйонів східніх і південно-західних Европейців вошло до Нового Світу через Еліс Айленд (Ellis Island), а докладніше через сей Еміграційну Стацию (Immigration Station).

Бідна і переполнена людьми Лемковина передала гарді русинських емігрантів до Америки; з декотрих сел повиїджала четверта част вшыткіх мешканців. Деякі були лем часовими емігрантами, што іздили там і назад - коли лем

була така потреба. Інчы лишилися на все, съвідомо, або не здаючи сой з того справы, акцептуочы нову съвідоміст і нову долю. Інтересуючым є призрити ся як впливало на наших дідів, прадідів лишнія рідного дому - подія зміняюча кожде жыття.

Лишнія дому

Подорож за "вельку мляку" не зачынала ся в правдивым съвіті, але в імагінаціі тых "выбраных", піднимаючых ся нелегкого заданя - молодых, здоровых, амбітных і здесперуваних люді. Подорож зачынала ся од обіцюючых "златы горы" листів од "американських" уйків, кузинів, котри виїмігрували вчасніше. Кatalізатором виїздів було переконання што родина в Америці чекат з місцем до спаня, іджыньом а може і роботом. Оповідання о неправдоподібним богацтві і широких економічних можливостях не лишили дуже часу на надумування ся. Коли децизия була уж піднята, білет на шиф куплений, лемківський емігрант - не

— 2 —		
OSOBNY POPIS SIGNALEMENT		
Manželka — Femme		
Zamestnanie Profession	<i>журналистка journalière.</i>	
Rodisko a datum narodenia Lieu et date de naissance	<i>27.02.1902. Луков.</i>	
Bydisko Domicile	<i>Луков.</i>	
Obitaj Visage	<i>Брунні волоси.</i>	
Barva očí Couleur des yeux	<i>světle zelené.</i>	
Barva vlasov Couleur des cheveux	<i>blond. blonde.</i>	
Zvláštné znamenie Signes particuliers	<i>—</i>	
DETI — ENFANTS		
Meno Nom	Vek Age	Pohlavie Sexe



Manželka — Femme

Fotografia

PODPIS MAJITELA
SIGNATURE DU TITULAIRE

Katerina Mihalacky.

A JEHO MANŽELKY
ET DE SA FEMME

Пашпорт Катрены Михаляцької (родж. 27.02.1902 в Лукові) - бабы Авторкы

знаючы коли і ци колинебуд верне домів - мусіл пращати ся з кождым членом родины, приятельом, знаємым, з кождым місцем котре знал.

...Смотрела мі до очі, якби прібувала запамятати так дуже з мене, як лем мож - на тугоу надходячу розлуку. Часом виповідала, посыпала гу мі потічок слів: "Я тебе вродила, мій сынку, і євела єм тя до того съвіта болести. I выкормила-м тя, і плакала єм над твойом кольиском!" Протягом тых страшных дни рыхтуваня мене до подорожы няньо були тихо - то була тата паралізуюча тишина, через котру переходил, коли його серце пукало. Мати, коли обняла мене остатній раз, так міцно реагувала, што няньо мусіли нас розлучити. Здесперувана, тримала ся мене як лем могла -

тоды не разуміл єм чом. Тепер разумію. Уж николи єм єй не взріл, николи...

Дорогій як "сто америцьких дяблів" білет на шиф ґварантевал... мучачу і небезпечну морську дорогу до чуджой землі, з обавом одшмариня і примушеною повороту домів, до іщи векшої біди.

На морю

В кождым европейским порті, з котрого емігранти одплавали до Америки, діяли групы злодіїв, якы "пасли ся" на легковірных. Обіцювали добру подорож і чуда за морйом, але по заплачыню за того немож іх было уж найти. Такых помічників треба ся было сте-


речы - а пізніше уж була сама подорож, занимаюча од тижня до трьох (в залежності од того, коли она мала місце і яком шыфом). На шыфі – хворы і здоровы, стары і молоды, газдове з женами, дітми, парібци і дівкы - выли втиснены разом до малых кімнат, душных, брудных, нерідко оргінальні не приспособленых до перевожыня люди. Туга за рідном земльом і страх, вымішали ся з надійом, вычекуваньом і шенітом душы:

...В хвили одплаваня з порту смертельна тишина запала на цілым покладі - так якбы ніж хірурга мал одняти якысу важну част організму. Туга за домом дає ся вычути всядываль. Люде сут одтінаны од землі, з котрой вышлиц численны ғенерацыі их предків, де сут іх коріня. Коли tota атмосфера дакус опала і люде зачали думати о tym де ідуть - танцуваня до шаленых мельодий, выгрываных на гармонійці або акордеоні, рознеслося по шыфі. Не было такой emіграцыйной шыфы, де не было музыки. Німці - в стриманій тонаціі танцували вальці, Полякы - мазурки, Мадяре прібували шаленого чардаша, котрий мало не вышмарял их (з браку місця) до моря. Грекы, Сербы, Болгаре, Італіянці і Словакы захоплювали ся собом і свійом поведінком і, слухаюч дивных их ухам мельодий, лучыли ся в векше побратымство, якє колинебуд знали...

Перше, што Лемкы виділи в Америці, был новойорскій порт і його найславніший мешканец - Статуя Свободы. Будучы найвекшым американськым містом і портом - был і головным входом для европейских emігрантів. Мож лем выобразити собі, якы были мысли і почутя emігрантів коли тиснули ся зо шыфы, а сильний морскій вітер дул ім просто в очы; коли першыраз посмотріли на однимаючи дыханя гігантичны новойорскы будинкы, сігаючы хмар.

Еміграцыйна Стация Еліс Айленд

Еміграцыйна стация Еліс Айленд была основана президентским заряджыньем в 1892 р. як част векшой акциі уряду, змірюючого до ліпшоо зор'анізуваня і упорядкуваня приніманя звекшающего ся числа emігрантів. Розходило ся о выдайніст - не спілчутя. Так ці інакше, акция tota была добры подумана. Принесла она рівновагу і обектыvnіст процесу приниманя emігрантів, вымагаючы од каждого - без взгляду на походжыня, релігію, державу з котрой ся приіхало - сполніня таких самых медичных, адміністраційных і економічных критерій дозваляющих перекроchnuti поріг Америки.



Еміграцыйна Стация Еліс Айленд. Фото: ту і дале - Авторкы допису.

Та 700 працівників Еліс Айленд не все радило сой з пестеріганьем правил, дуже з них не могло навязати контакту з емігрантами, бо не знало іх языка. Зато треба було працювати выдолжены годины, адже "одправляло" ся нераз до... 14000 люди на ден! Зrozумілым є што небарз дуже силы і часу лишало ся на добре слово і учынніст.

Емігранты - з другой страны - были перемучены, брудны, здеорентуваны; деякы старшы люде были хворы. В такій тяжкій ситуаціі стрічалися з попыханьем і покрикуваньем в незрозумілым языку. Долго чекали в колійках. Пізнійше дивний чловек в білым уніформі ззвідувал ся о ріжны справы: "Як долго мате тот

кашель? Ци потрібуете окулярів?" Тоты, на біло позбераны люде, приставляли до груди емігрантів дивны інструменты, обзерали очы, уха, гамбы, волося. Вшыткы емігранты переходили через "шестьосекундовий медичний тест": казано ім гнати до наступной кімнаты на другым поверху а лікарэ смотрели - як дают сой рады з ходжыньом по сходах.

Корыстаючы з помочы перекладачів, емігрантам роблено тіж тест на інтелігенцию. "Коли ся мыє сходы – зачынati треба здолы ци згоры?" Деякы емігранты стояли замуруваны, боячы ся штонебуд выповісти. Част з них одослано домів, ставляючы омылково діагнозу психічной хвороты. Ёдна емігрантка мала на подібне

зъвіданя одповісти: "Я не пришла до Америки мыти сходы!"


Пізнійше емігрантів контролювали люди з адміністрації. "Як ся пишете? Одкаль сте приїхали? Чом сте приїхали? Де ідете?" Перезеррано тіж што емігранти везут зо собом.

Медже причинами, для котрих не впушчано емігрантів до Америки, були: заражені очі, хворота серця, проблеми з дыханьом, фізичний недорозвій, психічні хвороти. Неженаты матері, анархісты і полігамісти тіж були одшмарюваны. Емігранти, котрым найлекше було достати ся до Америки то тоты, котры мали в руках професию (столяр, швец), могли довести же хтоси чекат на них з роботом, або іхали до родини ци знаємых. Тото вшытко, долучаочу добрае здравя, давало американським урядникам гаранцию што новий емігрант не буде тягаром для державы.

Медже роками 1892 - 1924, 20% ново прибульних емігрантів перетримувано в шпыталах на Еліс Айленд через 1-2 тижні з цілю медичної помочы і вylічыня дрібных хворот. Лем в 2% емігрантам не дано позволіна на въиханя до Америки зо взгляду на планне здравя. Так ци інакше, страх перед одшмариньом был серед емігрантів великий.

...Передстав сої ситуацию - коли не впущений емігрант мусіл зас переплынути страшне море, высісти деси там, в чуджым краю, самому найти дорогу до свого затраченого на кінци съвіта села і приходити домів іщи біdnайшим як был, коли го лишал. Вшытки в селі бесідують: Одшмарено го в Америці. Чом? А хто бы знал?..

...Наступlyх кличут до контролі росийского Єvreя і його сына. Отец выглядат, пожалуй ся Боже, як піл біды: його величезна голова сідит на дрібным тілі. Попри ним стоїт высокій, силь-



Саля "прянуть в" Еліс Айленд

ний сын. "Зъвідай ся іх чом приїхали" — гравчыт урядник. "Мусіли сме" — тихонько одповідат отец. "Зъвідай ся ци мож іх розділити, отец піде домів, сына лишыт ся гев." Євреі смотрят ся єден на другого, іщи не видно ниякых емоций - зъвіданя пришло так наглі. Товды отец, за ціле жыття привыкнений до поступлюваня ся пред дацым, пред дачым, одповідат: "Так, очывидні." Пізніші сын, цепрячи ся в землю, застыданий посмотрити вітцу в лице, рече: "Очывидні." I так, "Єден має быти взятий до >царства<", а другій дрылений во тму кромішную", бо для них был то Страшний Суд.

Тоты емігранты, котры дістали позвоління на въізд до Америки мали з Еліс Айленд отворену дорогу. Паспортів не треба было мати аж до 1921 рока. Та до 1924 рока введена была в жыття серия ксенофобічных федеральних прав, котры значучо ограничыли приніманя емігрантів зо східной і полудньовой Европы, а тіж з Азіі. Якых 10000 Русинів, головні Лемків, было принятых до Канады протягом 20 і 30-ых років. Велика Депресія тридцетых років спричинила "одворотну еміграцию", в часі котрой Европейці вертали домів, глядаючы ліпших економічных можливости (товды тіж вродила ся в Лемковині мысель о Сибірі). Протяом II съвітовой війны еміграция практині пе-



Одпочынок на Еліс Айленд (1908 р.)
З книжкы П.Маг'очі, *Our People...*

рестала істнувати. Так закінчыл ся найвекший період европейской еміграции до Злученых Стейтів Америки.

Еліс Айленд перестала діяти в 1954, а пізніші пережыла період забыття, аж до років 70-ых. Товды, за справом "етнічного одроджыня", европейскы Американе - в тым числі і русиньски Американе - зачали открывати і цінити свое европейскє походжыня. В роках 80-ых на Еліс Айленд проваджено найдорожшу в історії ЗСА (170 милиёнів дулярів) реставрацию. Еліс Айленд - тепер як музей – отворено 1990 рока. "Переходит"


через него кожного рока 2,5 мільйона туристів. Нев-Йорк дале є головним центром для нових емігрантів, котры тепер приїжджають на летовиско імене Джона Філджеярльда Кеннеді в кількости 2,5 тисяча на тиждень.

Новий Світ

А што ся стало з тыма русинськима емігрантами, принятыма на Еліс Айленд? Більшіст з них (деси 100-150 тисячи) приїхало до Злучених Штатів перед I сьвітовом війном і нашла працу в майнах, гутах і фабриках Пенсильванії,

Нев-Йорку і Нью Джерзі. В тых промислово розвиваючих ся регіонах було даст роботы для Русинів глядаючых працы. Меньша група Русинів вандрувала глубше в Америку і дотерала до таких штейтів як Кеннектікет, Огайо, Індіяна, Ільліної, Оклягома, Вермонт, Міннесота, аж і Каліфорнія. Складали грош до гроша і по части вертали домів. Можливіст безпроблемового переміщення ся медже Америком а рідним країном закінчыла ся з початком I сьвітової війни. Totы што приїхали до Злучених Штатів по 1924 році, приїхали лишыти ся ту на все.

Находячы ся в ситуації, де треба было задомовити ся в Америці і де контакт з Крайом был барз тяжкій або неможливій (обі сьвітовы війни, а пізніше "зимна війна"), Русины створили актывне суспільно-культурне жыття в Америці. Зачало ся оно - так, як было то на рідній землі - при церкви. Найвчастніше, уж в роках 1884-1887, зорганізуваныма были греко-католицкы парохії во східній Пенсильванії. Русины зорганізували теж ряд запомоговых обществ, котры всперали членів в тяжких хвилях (хворота, брак роботы, смерт в родині), але теж провадили культурны і просвітны акціі, печатали газеты, календарі і книжкы. Найстаршом та-



Юрий Михаляцкій, дідо Авторки, пошыхті в майнах Пенсильванії (1923 р.)

ком організаційом було Соєдinenie Греко-Кафоліческих Братств (1892), за котрим основано Руский Народний Союз (1894), переіменуваний на Український Народний Союз (1914) і Общество Русских Братств (1900).

Лемкы принимали активну участ в основанию і перших роках діяня вшyткx спомnеных інституцiй, але найвекше iх число всперало Общество Русских Братств. В часi тyрвання I сyвiтової вiйни виникла iщи єдна подiбного роду органiзацiя - Общество Православна Любов, котре хоц менше од попереднiх, було чисто лемкiвском органiзацiйом.

Русины основали тiж iнчи, чисто суспiльно-культурны або полiтычны органiзацiї. Єдном з найвекших того роду органiзацiйом буl Лемко-Союз (The Lemko Association), котрий розпочал дiяня в канадiйским мiстi Вiннiпег в 1929 р. Десять рокiв пiзнiйше при його помочy побудувано Карпато-руssский Американскiй Центр в Йонкерс, званий Лемко Гол (Lemko-Hall). Подiбний будинок куплено одраз по II Сyвiтовiй вiйni в Клiвленди. Пiд конец рокiв пятдесятых закуплено землю пiд Лемко-Парк (Lemko Park) в мiсцевостi Морол, штейт Ню Йорк. Од 1929 рока печатала ся газета "Лемко", в 1939 р. переiмену-

вана на "Карпатска Русь".

...Лемко Гол в Клiвленди продано iщи в вiсемдесятих роках, tot в Йонкерсi продано в 1999. В 1997 стraченno Лемко-Парк. Лемко-Союз i його газета "Карпатска Русь" сутлем тiню колишньої могутностi. Молодых людi - будучих лiдерiв - одогнали од органiзацiї - в щyрiй iнтенциi дiючи, але в злу страну засмотрены (русофiльство i комунiзм) - стары дiяче. Зnam же то барз упрощена оцiна люди i iх дiла. Ale то i барз трудна, барз скомлiкуванa карта нашоi iсторiї, o якiй тяжко ся выповiсти в короткym дописi. Adже totы людe, як лем переступили Елiс Aйленд, цiлом свойом вольом дужыли до самозаховання ся, до заховання свойого народного лица, adже они заєдно жили Карпатами. Adже они за тых парудесят рокiв, зорганiзували сотки акций, зробили море народной роботы. Вiтчyzном iх душ не была нияка Росiя... To лем нещесливий припадок, засмотриня ся в кумунiзуючых (a здiбных) liдерiв - в чым помогла i Велика Депресия - справил што стало ся - як ся стало (коли бы не комунiзм, не обчий не лем Лемкам в товдышнiй Америцi, русофiльство одышло бы - так як на Лемковинi - натуральнiм iсторичным процесом). Ale ся не стало. A потiм уж

вшытко пішло і... гмерало силом розгону. Шкода, жаль! Бо колиси було в тым вшытким тілко надії. Бо було то діло рук наших, пересякнене потом 3-4 поколінь.

На фали сучасности

Маючи тепер можливіст посмокрти ся на тото што ся стало в роках 70-ых - мож сьміло повісти же товдышнє "етнічне одроджыня" в Америці було початком кінця русофільського руху медже америцьким Русинами. Враз з кінцем "зимной війны" і свободнішым доступом до землі предків, молоды америцькы Русини глядаючы своіх корени одкрыли, што не суц Россияна-

ми. То акуратні в часі "етнічного одроджыня" в Америці і пізніше культурно-освітня діяльніст америцьких краян (народны ансамблі, фестивалі, науковы і популярны публикацыі) мала чисто русиньскій характер. Найвекшыма і найактыўнішыма організаціями суц днес Карпато-русиньскій Дошлідній Центр (The Carpatho-Rusyn Center) /1978/ з його тримісячником Carpatho-Rusyn American; Русинське Стваришыня (The Rusin Association, 1983), з його выдавництвом Trembita; Карпато-русиньскé Общество (The Carpatho-rusyn Society, 1994) з двомісячником The New Rusyn Times. Русиньскe церковне жытя тіж перешло етнічне одроджыня. Цер-



Делегація з Америки на V Світовий Кон'грес Русинів в Ужгороді (1999 рік).
Друга од лівой – Авторка допису.

ковне зверхництво штораз частійше признає карпато-русицьке коріння своїх вірних. Популярна освіта для дорослих зачала ся од найпростійшого, од того що ментальністю Американа мож одчути, пережыти - вариня русинських страв, малювання писанок. Іде за тым і наука русинського язика.

Очевидні, не простий то процес, бо асиміляція, особливі коли ходит о языку, поступила барз далеко і тяжко ю одвернути. Але важна душа. Остаточно, в Ірландії лем 5% корінного населення бесідує ірландським языком. Але найдахто спрібреє одобрati ім народний патріотизм!

Доля діти і внуків

А яка була персональна доля діти і внуків русинських емігрантів? Ми (а я єм єдна з них) мали ся добре вчыти, тяжко працевувати, чесно жыти і мало ся нам добре "повести" в жытю (що означало комбінацію щесливого родинного жыття і матріальної просперітети). Векшости з нас "повело" ся в жытю. Вшытки сме ся стали "Американцями". Тото - за кождий такий раз - значило, що "стратили" мы нашу русинську ідентичність. Дома бесідували сме по англіцьки і хоц зберігали сме релійны свята і

інчы звичаї, поступенні забывали мы іх значыня. Мушу щыро повісти, що векшости з нас подабало ся таке розвязаня: быти "Американцем" шіст дни в тыжні і быти "Русином", "Карпатским Русином", або в деяких ситуаціях і для деяких люди - "Карпатским Росіянном" в неділю і свята. Деякы з нас любили быти "Американцями" сім дни в тыжні. Америка то велика держава, сама в собі - всесьвіт полний енергії і творчості, полний шаленых люди, полний можливости. Держава, котра має велику будучніст, так велику же помогат... забыти о минулым.

Вшытко єдно, меньша з нас част, вкоренена і дрифуюча в американським всесьвіті, потрібувала чогоси, якого опертя. Такій парадокс: жебы стати ся вполни Американами - потрібували сме навчыти ся быти Русинами. Мусіли сме дізнати ся що остало з русинської вітцовизны в Европі по пануваню комуністів. Жебы токося осягнути, треба было переправити ся на другу страну Атлантику і одновити звязок перерваний перед роками на Еліс Айленд. Тяжко токо робити і при тім быти Американцем, котрому "повело ся". Моі американські приятеле нияк того не розуміли. Чом — зъвідал ся мя колиси єден з них — ты

*так заєдно іздиш до Європы?
Што ты там робиш? Ци не
старчым поїхати раз?*

А тепер, г'у кінцьови – маючи в мысли поріг нового тисячоліття - тото переполнене любовію писмо од Америки до Русинії:

Коли в 1989 році впал комунізм, барз сме ся втішыли найти Вас далій жуючых. Розметаных, частинні засимілюваних, в меншій кілкости - але все дыхаючых. Потрібували сме найти Вас там. Ми дале гев, тіж розшмарены, по части засимілюваны і в меншій як колиси кілкости. Тепер ся будеме зас познавати. Tot процес буде потрібувал часу і спокою. Може в Новим Тися-

чолітю будеме мати веце щестя, в тым і щестя до себе, як мали сме в ХХ столітю. Ношу в собі таку надію. — Сусанка.

з англіцкого тлумачыл
Богдан Горбаль

Джерела:

- Magocsi, Paul. (1989) *The Carpatho-Rusyn Americans*. New York: Chelsea House Publishers.
- Ravage, Marcus. (1917) *An American in the Making*. New York: Harper and Bros.
- Steiner, Edward. (1906) *On the Trail of the Immigrant*. London: Fleming H.Revell.
- Yans-McLaughlin, Virginia.(1997) *Ellis Island and the Peopling of America: the official guide*. New York: New Press.



Окріслювати національну принадлежність звикло ся на основі трьох головних властивості: спільноти походження, спільноти языка та спільноти культури і съвідомості. (...) В нашы часы рішаюче значыння мало буде, очывидні третє зо вказанных знамен, бо кед уж по съвітовій войні вишытки забесідували о національным самоокрісліню великих і малых народів, ясне - што головну увагу звертат ся на особисте почутя люди. З того мож бы вывести правило, што під понятъм національности треба розуміти більшу ци меншу масу насеління, котра на основі спільноты культуры почуват себе oddільним народом.

(Симеон Пыж, 1934 р.)

В Америці

1. В приятеля

Приіхал я з краю до Америки в саму депресию. Доставили мя на депо в Нью Йорку. Там мал ждати мя мій приятель. І ждал мя. Познал мя по гуњці, в якій єм приіхал, і уж хотіл ся винести, та і я го познал і хопил за рукав:

— Почкай! То я!

Рад-нерад мушений был признати ся до мя.

— Добрі, же-с ту. Та лем тримай ся мене, жебы-с ся не стратил, — гварит, а сам все вперед норовит, чтобы виглядало, же мы оба чужи собі люди.

Лем раз підскочыл Ґу мі чловек в червеній шапці і рве мі торбу, яку я нюс коло себе. Я кричу, та не помогаютнич. Был міцніший од мене і выдер мі торбу, тай несе, усыміхат ся до мене. Як ту свою торбу од того Американця назад достати? Вышли сме на улицу, а він все іщи несе мою торбу за мном. я хочу брати, а він не дає.

— Дай му кводра — шепнул мі мій приятель.

Вынял я кводра, дал тому Американцю в червеній шапці, тай він дораз шмарил мойом торбом до болота і, видно, полетіл другому дакому вyrвати торбу.

— Маш 50 центів? — зъвідує мій приятель.

— Мам, реку.

— Та поїдеме.

Кликнул на жолте авто, і приіхали мы до той части Нью Йорку, де живут наше краине. Ледво єм вишол на пятий поверх. Вошли в апартмент. Темно, хоц на дворі сонечко ясно съвітит. Ту покоі моого приятеля. Єден лем "фронтовий" з вікнами, а два без. Долго я постоял, покаль єм ся розозріл.

— То моя жена, Кейда. Діточок маме пятеро — повідат мій приятель. — Найстарший бойс десят років. Вшытко бы было добрі, та уж два роки не роблю. Безроботя тепер в Америці, планного президента сме выбрали. В Америці добрі, як выберут доброго президента, а як планного, та ніт роботи.

— Та чом виберате планного?

— Та фрас го зна, котрий добрий, а котрий планний. Оно аж по вýборах ся покаже. Видиш тóту маши́нку?

— А на што она, тóта маши́нка? — зъвідую.

— Паленку варит. Коли приде безроботя, то цíла Америка крутит ся коло таких маши́нок. Сут велики і малы. Кого на яку стати, і на яку має пляц. То ратунок для безробітних. Тоты, што не роблят, варят, а тоты, што іщи роблят, пют. І так разом бíду пхают. Лем в остатній час зачали уж варити муншайн і тоты, што роблят. Муж робит, а жена варит. Зачали уж і компанії варити покрыйому, бо тепер прогíбіция.

— А што то прогíбіция? — зъвідую.

— То так, як бы, дайме нато, в краю заприсягли цíле село од паленки. В нас тепер заприсягли цíлу Америку. А ты маш гроши?

— Штоси іщи мам, реку.

— Та дай мі. Я ти куплю сута, американську одежду. Так не можеш выходити на улицу.

Пішол купувати мі сута, а я остал з Кейдом. Жена собі дост: підстрижена, підмалювана.

— Виши́тко бы было добрі — гварит — лем мужа мам доничого. Пие, робити не хоче, в карты грат, за другима ходит. Не жыття мі з ним, а покута! Як бы не тóта маши́нка, то треба бы было з голоду померти.

Принесла, наляла:

— Выпийте, — честує і на меме позерат...

Принюс мій приятель американську одежду для мене. Приходженя, з другого. Деси в сусістві достал.

— Сут, як бы на тебе ши́тий, під міру. Тепер уж можеме і на Бродвей іти. Маш гроши?

— Іщи штоси мам.

— Та подме на місто.

— Та де-ж бы сте ішли? Обід буде! Дай ле старий центы до бучера...

— Я не мам центів.

— Я мам — гварю.

Вышла жена до бучера. Пошкрябал ся мій приятель по голові:

— Виши́тко было бы в мене добрі, лем жену мам недобру! Іст мое жыття. Ой, ист, Ваню, ист. Сварит ся, поневерат, за другима позерат. А уж тепер, одколи муншайн вариме, то преріжний нарід ся зноровил. Жена уж не дбат ни о мене, ни о

діти. Уж тыжден нич не варила. Уж ся мі нич не хоче... подме.
Не можу я сідити в тых румах.

Вышли сме. Ни жены од бучера, ни обіду не ждали.

— Ту, в Нью Йорку — гварит — не можеш сідити. Ту мусиш ходити, іздити, ци треба, ци не треба, бо коли бы-с сідил, то бы-с здуріл. Ту кождий ходит, кождий іде або летит за доляром. Як маш доляры коло себе, то дай мі сховати, бо ти вкрадут. Ту мают барз добий нюх. Так ти выдрут, што ани не будеш знал, коли і як!

— Уж по долярах.

— Як? Уж не маш?

— *Him.*

— Підеш просто том улицом і зайдеш до парку. Чудесний парк! Такого парку, як Сентрал Парк в Нью Йорку, ніт на цілым сьвіті... Ід просто. Там так гарді. Голубы, пташкове съпівают, квітя червене, пахняче... Я з тобом іти не можу, бо мам апойнтмент в єдній компанії. Обіцюют добру роботу... Та ґуд бай!

Остал я сам на рогу улиці, коло "Руско-польської Аптеки". Смотрю на противну сторону улиці, а там тыж "Руско-польска Аптека". Дбают о руско-польське здравя в Нью Йорку, не дают пропадати без лікарства. Всяди руско-польські аптеки і руско-польські дохторе. "Хоц ту, в Америці, цінят єднако Руснаків і Поляків" - думам собі.

В Нью Йорку не лем люде бігают, іздят і літают; здає ся што ціле місто летит - вшытко іде, вшытко летит, вгорі, на земли і під землью. Напред мене ідуть, за мном ідуть, по боках ідуть, над головом ідуть, під ногами ідуть, просто на человека ідуть, по вас перейде і ани ся не обізрит. А там погребник стоїт пред своїм погребовим офисом, на другій стороні од "Руско-польської Аптеки", і лем позерат, коли зударят ся авта, або переїхают дакого. Жде на свій бизнес, на погребникове щестя. Смотрит на мене. Видно, оцінює на око, як долго я можу іщи жити? "Повільний том чоловек - думат - недолго пожыє в Нью Йорку, напевно попаде під авто. Лем ци має інсюренс на выпадок смерти? Том ма, бо руки вироблены і не пяний..."



ОЛЕНА ДУЦЬ-ФАЙФЕР

Петро Поляньскій (1863-1910)

Друга половина XIX віку то період великої творчої акtyвності рускої інтелігенції в Галичині. Була то головні інтелігенція духовна – стары священничы роды, которых культурова і патріотична діяльніст записала ся в нашій історії златима буквами. З Лемковини виводила ся ціла плеяда таких родів, которых члены формували духове, інтелектуальне, культуральне жыття Русинів в Галичині. Єдним зо знаменитших старолемківських священичих родів було рід Поляньських, котрий в XIX віку мал уж пару одгалузінь. Єдну з леній того роду становили Поляньськы зо Смільника. Осаджений ту на парохії Афанасий Поляньскій і його жена, Меланія з Венгриновичів були родичами дванадцетерых діти, з которых вшытки були передовыма рускыма патріотами тамтых часів. Атмосфера родинного дому, культивуваны в ним вартости і ідеалы уформували прекрасны, заангажуваны в народне діло і громадскы справы особовости сынів і дівок Поляньських. Штырьох сынів: Генрик, Амвросій, Олімпій і Петро акtyвні заістніло на літератур-

ным грунті. Хоц діяли они і звязаны были місцем своего народжыня з пограничом нашей етнічной территории, то іх походжыня, ментальніст, выполняний модель старорусского патріотизму каже нам вписати іх доробок і творчыя осягніня в наш культурный простор і нашу історичну памят. В 90-ту річницю смерти наймолодшого з братів Поляньських - літератів, Петра, припомнім, ци радше зарысуйме хыбаль по раз перший шырше в нашій свідомості творчий силует того обдарованого великим талантом писменника, редактора, человека широких інтелектуальних горизонтів європейского рівня.

Вродил ся Петро Поляньскій в 1863 р. (деякы біографії подают, же в 1950, што не може быти правдом, бо в барз спізненым часі припала бы його наука в духовній семінари) в Яблінці Нижній, де його отец Афанасий был товды парохом. В роках 1882-1885 був студентом теології во Львові. В роках 1886-1889 нотуваний єст в шематизмах перемиської єпархії як кандидат ожидаючий рукоположенія. Алे до высвячыня нико-

ли не дошло і Петро Поляньскій, як єдиний спосеред братів лишил ся в світським стані. В роках 1889-1891 редактувал і видавав ілюстрований літературний двотижденник "Новий Галичанинъ". В роках 1892-1902 був співредактором видалиництв Общества ім. Михаїла Качковського і временників видаваних през Ставропигійській Інститут во Львові. Дуже подорожувал по Європі. Вмер правдоподібно в 1910 р. Тівко барз скупых біографічних даних, котрии повело ся нам усталити. Натоміст дуже більше о чловеку, його душі, поглядах, зainteresуванях, цілях, повідають його творы, унесмертельняючий го доробок життя, котрий по роках припорошыня непамятю, повело ся нам в гідній часті одгребати, достеречи його цінності, красу, новаторство і дякувати котрому Петро Поляньскій в 90 років по своїй смерті може зас живо заістніти в нашій свідомості, як єден з наших найзнаменитших писателів в XIX століттю.

Літературний дебют Петра Поляньского припадат на 1885 рік, в котрим видана була в "Альманаху Буковинским" перша його новелла *Карпатский гончар*. Поміщена она була потім в вищаним в 1888 р. в Ліпску (Leipzig) двотомовим збірнику новелл того автора *Карпатскіи новелли*, в якого склад

вошло шість оригінальних творів. Свідчат они о великим писарським таланті Петра Поляньского. Написаны в товдышнім літературным галицко-руським языку (язичію), переведены були в цілості на німецькій і італіяньській языках. В тлумачыню на італіяньський язык явило ся тж оповідання Поляньского *Молдаванка* [*Moldaveska*] ("Rivista Contemporanea" 1888, nr 5 [Florence]). А на ческій язык переведено першу його новеллу *Карпатскій гончар*. Сам Поляньскій претлумачыл на язычіє Слово о полку Ігоря (Повѣсть о Полку Игоревом. Переспѣваль Петро Полянскій, Львовъ 1903). Тлумачыл тж з англійского языка (медже інчыма з Байрона і Шекспіра), з ческого, хорвацкого, сербского. Переklärady, свої нечисленны вершы і декотры ділы в редактуваным през себе двотижденнику "Новий Галичанинъ" публикувал автор під псевдонімом Фавстіна Галичанка. В своім часописі замістил Петро Полянскій (криptonім П.П.) дуже оповідань і новелл: *Балканская кровь* (1889, nr 17), *Мольдавеска* (1889, nr 1-3), *Красный Сарафанъ* (1890, nr 17), споминів: *Волны Дуная* (1989, nr 1-2), біографічных екізів: *Болгарская ода до Юрія Венелина* (1998, nr 21), *Др Исидор Шараневичъ* (1889, nr 18-23), *Байронъ* (1889, nr 23), *Ісидор Лозинскій* (1889, nr 16, 17),

Вук Караджичъ (1891, nr 3), популярно-науковых есеів: *Історія народного театру* (1889, nr 1-6, 11-17), *Первии нѣмецкіи переводы нашихъ народныхъ пѣсень* (1889, nr 7-8), *Руины старинной церкви св. Благовѣщенія на Подгородью подъ Галичемъ* (1889, nr 20), *Циганская жизнь и поэзія* (1890, nr 9-10). При редакції двотыжденника выдавал тж книжкову серию: "Бібліотека Нового Галичанина", в котрій явил ся медже інчым Сборникъ литературно-гумористичныій (Львів 1889), популярна монографія *Церковъ и приходъ св. Варвары въ Вѣдни* авторства Петра Поляньского (Львів 1891), його повіст *Мѣсть Роксоляны* (Львів 1891), переведена потім на ческій язык (Pomsta Roxolany, "Moravska Orlice", Берно 1892 або 1893). Полянскій брал тж участ в спорах на языковы темы. Оголосил полемічну статю *Вопросъ о фонетицѣ* (Львів 1892) і допис *Maloruske a česke u [ð] misto у [ы]*, "Listy filologicke" XX, Praha 1893, s. 324-327.

Ріжнородніст, всесторонніст і енциклопедичніст літературных заінтересувань Петра Поляньского лучыла ся з його правдивом ерудиційом, обізнаньном з новыма явисками європейской культуры і немалым писменничым талантам. Okrem тыпово артистичной творчости, занимал ся він тж редактор-

ском, выдавничом, трансляторском і популяризаторском діяльністю. Лишений доробок недолгого преці жыття дозвалят достеречы шырокы горизонты думаня автора, выходячы поза узкій провінціоналізм. З другой зас страны познаєме надзвычайне його привязаня до рідного, карпатского простору культурowego, котрий так прекрасні оспівал в своіх новеллах і оповіданях. Во вступі, дедикації до свого двотомного выдання *Карпатскіи Новелли*, автор пише:

Передаючи читателямъ новеллы изъ жизни народа въ Карпатахъ, я яко уроженецъ тыхъ-же Карпать, не могу не зазначити на томъ мѣстци одного всегда такъ пожелаємого явленія, состоящаго въ томъ, что народъ той въ противоположности до зникающей вообще у иныхъ народовъ национальной типовости, задержаль до теперь прелестъ своеї незатронутой еще типовой отдѣльности; уважаючи же дальше головнѣйшою основою новеллистики, сюжетъ поднятый изъ народа въ котром нибудь изъ его слоеvъ, я тому жъ моему отечественному карпатскому народу посвящаю послѣднюющіи въ обоихъ томахъ новеллы и новелетты.

(Предисловіе [в:] *Карпатскіи Новелли*, т. I)

В збірці заміщенных єст шіст новелл, тематично звязаных з реґіоном Карпат і близкым ім простором. Творы насычены сут-

специфічном, повном е'зотики, дикости і романтизму атмосфером. Царит тут неповторний дух свободи, сильних емоцій і природної радості життя. Карпаты являють ся як єдиний в своєму роді культурний простор, де стрічають ся ріжни обычай і обряды, впливають на себе і лучат ся в специфічну ціліст сусідуючої культури. Стары божове спілістніють з новим. Античны божества спіллядят світом природи і люди спільно зо славянськими божками і християнським Богом. Предрозсудний народ покланяється і тримається перед вшиткою таємничими силами на карпатських цмунтерях, дебрях, пляжах, урочищах. Гуцульщина, Бойківщина, Лемковина спілтворять етнографічний конгломерат, дополнений культуроюма частицями румунськими (молдавськими), мадярськими, жыдівськими, німецькими, ческими, словацькими, польськими, а навіть французькими. Вшитко тут назване остає спільним меном "карпатській". Не розуміючи той чудной літературной уявы Поляньского, Іван Франко писал про него: "про Карпати, їх місцевости і жильців виявляє просто фантастичну незнайомість, мішаючи презабавно лемківщину, мадярщину і румунщину при характеристиці прим. гуцульського села" (*Нарис історії українсько-руської літератури*, с. 312). Не понял

він неоромантичного уж духа тих творів, піднятого сильно ліричним почутъм автора для своєї вітчизни землі. Світ дикої романтичної природи, світ достойного подиву в своїй духовій і фізичній могучості народу, світ підкарпатських дворищ, плембани схованых медже горами, придорожных корчм і міських трактиєрній то тут іменно культурний простор, котрий явит ся в новелістиці Петра Поляньского ідеовом домінантом в обсягу літературного світа представлениго. Єст она ситуаційном рамом, спинаючом в єден цикл зображені новеллі. Подібна атмосфера царит і в інчых, пізнійших белетристичных творах того писателя. Нарастат в них почутя своєрідного магнетизму, яким дує з карпатських просторів і який притігат походячы одтале, хоцбы лем генетичні, особи. Шмарено през долю в будь-якій інший простор, стають ся апатичны, хворы. Аж поверніня в Карпаты дає ім характерну силу духа і почутя самосполніння:

Но тут умирати будеть на горахъ въ лѣсахъ (...) а человѣкъ на низовью молодыи лѣта затратилъ. Тому и туга надѣйшила; тайкомъ рвалась душа до юнацкой жизни. И теперь довольно стало менѣ; уже ставаль и на вершинахъ, ходиль въ полонины, виталь горы стрѣломъ, шумомъ боровымъ любовался, ишоль на дичину а на-

конець и топоромъ блескущимъ завивалъ...

(Лѣсныи Кобольдъ, с. 202-203)

Два почутя володарят і окрисляют в найполнійший спосіб життя і прагніня люди Карпат, представленых в новеллах Поляньского. Єст то тото же привязаня до вітчыстых гір і рідной культури і не менше міцне умилуваня вільности. Дух опрышківської, збійницької свободы, властуючий в Карпатах в високій ступени інспірувал літературну уяву писателя.

Окрем менших прозаторських форм, головных в белетристичним доробку Петра Поляньского, находит ся в ним тіж обширеніше літературне досяння, історична повіст *Месть Роксоляны*. Єй акція веде ся (розгryват ся) в XVI столітю в часі могучости мусулманської державы і односит ся до численных татарско-турецких нападів на територию Руси, Польщы, Мадяр, Балканів. Особливіст перспективи огляду воєнных діянь і долі турецкої державы є в уперсональнію смотріння на історию през поставліня в центрі описуваних діянь бранкы з галицької землі, Русинки Роксоляны, котра, як одалиска, а потім жена султана Сулимана істинно влияла на вшyтки рiшyня безгранично довіряючого їй і люблячого ю султана. Панорамічні і многосю-

жетні накрислена повіст носить сліди глубоких історичних студий, проведених през автора, котры в получыню з белетристичным талантом дают інтересуючу, сфабуляризовану версию історичных фактів з погранича мусулмансько-европейского.

Широке знання історії і грунтовны історичны заінтересуваня Петра Поляньского явны суттіж в його позабелетристичным писменництві. Вартат звернути увагу на выдаваний през него през три роки (1889-1891) двотижденник "Новый Галичанинъ - журналъ для литературы и белетристики", котрий был єдным з барже амбітных часописів того часу в Галичині. На сторонах того періодика познаєме Петра Поляньского як редактора, як публіцисту, писменника, тлумача, популяризатора. Його інтересуючи публіцистично-освітовы циклі сут то, як іх окрислят сам автор "статі научныи изложеніи способомъ белетристичнымъ". Декотры циклі опублікованы были потім в книжковій формі. Хотячи дотерти до якнайшыршого чытальского кругу, вводит Поляньскій нп. специяльний цикл для жен *Дамскій листокъ*, котрий сам редактує під псевдонімом "Фавстина Галичанка". Сут в ним заміщены рiжнородны інформациі на практичны, громадскы, історичны, ци навет

політични темы. На сторонах часопису дає тіж редактор свідоцтво своїх заінтересувань фолклором, штуком, языковыми проблемами ци чужостранном літературом. "Новий Галичанинъ" был богато ілюструваним писом. Часто сут то ілюстрації якісних літературних мотивів, получены з ліричним ци іконічним ескізом зображененої темы. Найбаже цінны ілюстрації тичат історичных і народных тем. Серед представлінь тзв. народных тыпів находиме тіж прекрасну ґрафіку професора Ф. Звержини Лемко, конний портрет перед пейзажу.

Широкий спектр заінтересувань, прецизия і ясніст вкладу, великий інформаційний обсяг, свободний і простий стиль переказу, то приметы популяризаторско-освітовых, часописменничих текстів Петра Поляньского. Обсяг і якість інформації свідчат о добром обізнанні автора з актуальними і історичними явисками духовного, літературного, культурного життя Славянщины і Європы. О безпосередніх його звязках з позагалицьким літературно-інтелектуальним середовискама свідчить публикация творів в

німецких, ческих, італіяньських видавництвах. Подібні тіж тлумачыня його творчости на західноєвропейські і славянські языки вказує на єй функціонування в загальноєвропейським читательським обігу. З другої страни трансляторска діяльність самого Поляньского то свідоцтво його стремлінь до отворіння середовиск галицко-русской інтелігенції на літературны явиска з позаславянского і по-занімецького языкового кругу (медже інчыма англійского). Был адже Петро Поляньский чловеком новочасным, добре вивченным, інтелектуальні отворенім, активным на полі літературно-публіцистичної і еditorской діяльности, што не стояло в сперечности з його традиціоналістичными старорускими переконаннями і щирим "карпатским" патріотизмом. По парудесятьох роках цілковитого праві забуття того талантовитого, молодо гмерлого творця вартат сягнути до його цінных, колиси широко читаних творів і вчутися в атмосферу тамтых часів – атмосферу карпатських просторів і атмосферу інтелектуально-духового життя нашої інтелігенції.



АНДРІЙ КОПЧА

Вроджений з гушлями

Коли бесідує ся: Ансамбль „Лемковина”, такої одраз ся додає – Ярослав Трохановський. І одворотні. І – хоц „Лемковина” по довгих роках буджыня і розбуджыня нашого народу втихла в наш час – тоты два понятя дале функцыонують в лемківскій съвідомости нерозлучні.

Першыраз взріл ём Ярослава Трохановскага на IV Лемківскій Ватрі в Бортным. Влетіл на сцену як ластівка несуча листок до гнізда – дрібний, з гушлями в руці... Маестро... Але заклястал ся „Маестром”, мусіли мінути долгы, полны терпіння і труду, як в більшості Лемків, рокы.

Уж сам час народжыня трафіл ся тяжкій. Была війна, коли 19 лютого 1940 рока в селі Біл-царава на західній Лемковині Александрі „з Военнаго” вродил ся сын, котому дала імено Ярослав. Хтоси колиси повіл – же вродил ся враз з гушлями. Недалеке то правды, бо уж на четвертым рочку жыття гушлі завладнули його душом. Просил маму так долго, аж казала комуси з родины (няньо, Тевдор Трохановский, был в Німеччыні а потім на війні), зробити штоси подібне до гушель. Першы про-

пробы перервало высеління. Семирічний Ярослав нашол ся з родичами в селі Пархів в любінським повіті, одкале в 1951 році переїхали до недалекого Чмеля. Ту было міцне лемківске середовиско, ту – найчастійше в домі Владимира Возняка, ма-миного брата, або в „Орестовых сінях” (в так званым „Палацы”, де мешкали три родины, м.ін. родина Семана Мадзеляна) – сходила ся молодіж з далеких переселенчых сіл. Ту съпівали, під музыку своіх гудаків. Молодий Ярослав, заворожений музыком, але тихій в дітиńстві, наразі міг лем слухати. І мріяти, мріяти...

Першы професійны кроки зачал ставляти в половині пяцідесятых років. Втovды то за зароблены „на яфырах” гроши купил сой „правдивы” гушлі і зачал вчыти ся в музичній школі в Лігніци. Тяжкы то были рокы, соткы, тисячы дни о „хлібі зо шмальцьом”, або без того присмаку. Але середовиско!.. Середовиско зас было богате душом. Музичну школу кінчыт Ярослав в 1960 році. Іщы як ученик остатнью клясы зачынат вчыти в Музичній Школі в Яворі. Грае



Єден з перших виступів.... Чом, Славку на Твоім лиці тілько смутку?

тіж в ліг'ницькій симфонічній оркестрі. Потім служить в войску в Єленій Горі (авіація), але рідко літат, ци стрілят. Грає в військовій оркестри на валторни, на яким то інструменті... николи не грал (в школі, як додатковий інструмент, мал трубку). Не диво, по роках будуть Ярослава

зувідувати не на яким інструменті грає, а на яким не грат. В тракті військової служби зачынат Середню Музичну Школу в Валбжыху і континує ю вертаючи до роботи в Яворі.

Товдys то зачынат думати о покликаню лемківського ансамблю. Не єст то таке просте, бо

розшмарені по селах Лемки небарз можуть сходити ся на пробы. На щестя єст іх дост дуже в селі Лісєць як тіж в поблизі Зимній Воді і Букувні. І то головні они творят 30-особовий Ансамбль Пісні і Музикy, котрий дає 25 концертів во вроцлавським і зеленоірським воєвідствах. Выступує тіж на першим уескатівським фестівали в Саноку (1967 рік), выступує з величним поводжыньом. Достерігают того товдышні передовы діяче УСКТ на Лемковині: М. Донський, П. Стефановський і Ф. Гоч і пропонують му працу на Лемковині.

Як споминає Ярослав брат, Петро:

(...) Ци Славкови треба било двараз о тым бесідувати? Ци нам вшыткым Горы не снили ся вічно? Взял до тектурової валізки то-то, што ся змістило, взял скарб найдорожший – гушельки, взял іщи пізриня – мамине, няньове, братове, пізриня родини, селян, кожде полне жычынь, захопління і... зависти, і зо словами: „придете за мном вшыткы” – пішол. Ішла з ним весна 1968 рока.

Молодий, полний енергії Ярослав зачынат організувати съпівочы групы в ріжных, нераз значні од себе оддаленых місцевостях, як Зындранова, Поляны (Мисцівськы), Бортне, Граб. Жыє як вандрівник. Не лем з огляду на тып роботы, а і зато же по роботі, на саму мысель – же треба вертати „домів” – страх го зберат. Бо тата „дома”

(в Білянці) то колишня... стаєнка з пішытыма вітром стінами. Зимом 1968/69 рока вода в повному відрі замерзат в ночы до дна, бо желізний пецок затримує тепло лем на піл години. Як же ту жыти, як ту вытримати. І мати іщи охоту до діяня. Та велькы ідеі родят вельку вытрималіст. Осіню 1969 рока, на базі получених съпівочых сил з Конечной, Ждыні, Ганчовы і Білянкы реалізує Ярослав замір свого жыття: Ансамбль Пісні і Танца „Лемковина”, якій перший свій виступ дає 15 лютого 1970 рока в Ганчовій.

Передтym, в маю 1969 рока женит ся на Заході зо Штефанийом Бортняк. Може ту остати і



По шлюбі в любінській церкви.
В другим ряді од ліва: Ф.Гоч і М.Донський

жыти ліпше як в горах. Та де там! Ярослав привозит свою молоду жену до Білянки. Што-правда уж не до кучы, а до стоячої при ній хыжы, хыжы о купно которой (хоц уж була она порожня) Трохановські будуть старати долгих сім років і в котрій жыют до гнеска.

А „Лемковина” ся розвиває (рахує уж понад 40 осіб) і концертує. Та біда не спіт. В грудні 1970 рока до влади доходить tandem Е. Герек і П. Ярошевіч. Зачынат обовязувати тихе госло: „Polska jest państwem jednolitym narodowościowo, bez mniejszości narodowych.” І Ярослав внет одчує го на своїй скорі: на кождий виступ „Лемковини” мусить мати згоду цензури а штограз о ню труднійше, на кождий приїзд на проби в надграничній стrefі (15 км од границі) мусить мати делегацію, а коли єй не мал (бо забыл), пограничники oddali го на колегію. Така незнісна ситуація привела до написання петиції до влади в справі ліпшого трактування лемківської культури, підписаної през лемківських діячів, в тым і Ярослава Трохановського. Консеквенції для того остатнього були барз прикры. Переслухуваний през СБ, найперше в Горлицях, потім в Варшаві, звільнений з роботи (невелькы гроши як то в культурі, але все гроши). Мусить другіраз лишыти Лемковину і тепер уж з власном роди-

ном (двоє діти) піти на чужыну. В липци 1973 рока діяльніст „Лемковини” остає завішена.

В місци замешкання (Дроже к/Радваниц) не находит роботы згідной зо своім фахом і затруднят ся як зміняч електролід в Гуті „Глогів”. Но што ж, електроліды то праві як струны до гушель, тіж просты і долгы, а же кус грубши? Такій Маestro як Ярослав і на тым навчыл ся „грати”. А коли уж му тото „грања” збръдло, враз зо своіом родином а тіж з матірю (отец вмер в липци 1973 рока) і братом Петром вертат ся на Лемковину, до Білянки. А ту, як на Заході – неє для него роботы. Ниякой! Жыє з того што заробил в гуті і з продажы ґаздівкы родичів. Ремонтує хыжу і думат о „Лемковині”.

Не лем думат. Зато, же мусить она быти на выжшым рівни як попередня, вимагат то немало старань. Вчыт гудаків (вводит м.ін. такій інструмент як цимбалы), приготовлює репертuar. Члены ансамблю мусят быти старанні добераны. Ту в Горах за мало таких кандидатів, которы могли бы сполнити твердо принятые критерии. Треба сягнути по лемківську діаспору (в попередній „Лемковині” зо Заходу доїжджаала лем Мария Трохановска-Стеранка з давного ансамблю в Лісцю). Тераз голочят свою готовіст братя Горощакы: Ярослав, Любомір, Ігор



...А ліс шумить, пісню сьпіват і слухают хмари... Закоханий в Русенку Ярослав рецитує його Лемковину. В тлі (од правой) братя Горощакы – Ярослав і Ігор. Перший виступ оновленої, Другої „Лемковини”, Білянка, весна 1981 рока.

і Владимір. Ярослав, найстарший з братів приїжджає що якисий час до Гір, консультується з Я. Трохановським і керує організаційом західної групи „Лемковини”. Пізніше зачинають ся збірни проби, інтенсивні в 1980 році, жебы на яр 1981 рока піти уж на сцени.

Так ся і стає. По виступі в Білянці „Лемковина” іде по Лемковині, а потім на західні землі. Тото перше турне стає ся маніфестаційом нашого „я”. „Лемковина” не лем сьпіват, „Лемковина” промавляє до розтраченого народу. Єй репертуар складат ся не лем з народних,

простых съпіваночок. Стрічки, бесідуваны ци съпіваны, мають свою символіку, виразно і глибоко передуману і адресувану. На „Лемковину” ждут полны салі... На концерт в Лісцю „Лемковина” приїжджає дві години спільнена (авария автобуса), але люде ждут. Виступ, переривається вибухами петард, кінчыт ся по пілночи. Ден ци ніч не ма ниякого значыня. Лемкы ждут. І так уж буде роками. А коли прийде 1983 рік, коли під патронатом „Лемковини” зачнут організувати ся в Горах Лемківськи Ватри, нарід рушыт в Горы. З рока на рік плынул буде

густійше, люднійше. Не мине то уваги польських кіл, тих офіційних і неофіційних. В другим обігу вкаже ся допис Єжи Журка „Pokój między sobą zachować”, в яким буде писал:

Na dworcu we Wrocławiu, czekając na pociąg Wrocław – Przemyśl, rozmoglądam się wokoło, widzę niesamowitą ilość ludzi. Właśnie przyjechał pociąg z Legnicy. Mnóstwo młodzieży, wszyscy rozradowani i podekscytowani. Stoję obok kilkuosobowej grupki. Pytam się: dokąd jedziecie? – Do Tarnowa. – A dalej?... W tym momencie zostałem obdarzony powłoczystym spojrzeniem pytanych. – Dalej, to tam gdzie wszyscy. (...)

Tegoroczna „Watra” „wisiała na włosku”. (...) Pytałem się uczestników, co by zrobili, gdyby nie uzyskali pozwolenia? Pojechali by i tak. Dałbym im mistrzostwo świata w walce bez przemocy, gdyby tak się stało.

Дахто бы повіл: Преці Лемківську Ватру видумали в Креници В. Грабан і брат Ярославів

Петро. Так, то правда, але без атмосфери яку зробила медже народом „Лемковина”, перед тым, без „pozwolenia” на „plenenerowy varshataty” ансамблю, на якій то основі мож було організувати імпрезу, і – на кінець – без тепла яке творила „Лемковина” на Ватрах од початку, не мож було собі подумати о іх поводженню... Не мал єм щестя досьвідчыти атмосфери тых перших років, але жыє она в народі до днес, в бесідах які провьюл єм з людми, вертат заєдно... Зрештом сам факт, што на першій Лемківській Ватрі Лемком Року 1983 остал акуратні Ярослав Трохановський, бесідує сам за себе.

Взагалі роки 80-ты були барз масны для Ярослава. В 84 остає выріжнений одзнаком „Zasłużony Działacz Kultury”, награвят до Польського Радіо цілий репертуар „Лемковини”. В тым



II Лемківська Ватра, Устя Рускє (Чарна), 1984 рік. Виступ „Лемковини”.



„Лемковина” перед виїздом до Америки. Сопот, 1987 рік.

самым році ансамбль достає єдину в тамтых часах дотацю з Міністерства Культури і Штуки. В наступных роках Ярослав ділить свій час медже пробы а концерти „Лемковини”, котрых ёст іх штораз веце, бо ансамбль стає ся тіж штораз барже популярний, коханий через Лемків, люблений і шануваний через інчых. Коли „Лемковина” на закінчыня кождого свойого виступу съпіват створену через Ярослава (до слів Русенкы) пісню *На Лемковині*, коли шугаі з „Лемковини” знімають з голов калапы і кладут іх на груди, полны салі слухают стоячы. То єдиний в нашій історії епізод, коли сусідове нашы, хотячы – не хотячы, „мусят” oddати здоп-

таному народови чест. Правда, пізнійше деякы ансамблі, з Украіны і Польщы прібувати будуть ввести до репертуару штоси подібне, але николи не буде то так автентычне, бо николи не буде так автентычна іх лемківскіст.

В жолтни 1987 рока веде Ярослав „Лемковину” за „вельку воду”, до Канады і Зъєданых Станів Америки. Іхат там ансамбль під патронатом УСКТ, бо лем під том „шапком” може діяти. Уескатівськы аппаратчыкы уж пред виїздом „мішают” як можут. Надают „Лемковині” „художнього консультанта” – Яросла Поляньского. То добрий приятель Ярослава Трохановского, шануваний через Лемків, в тым і членів ансамблю. Але ту

не іде о консультантство, туходить о реклами, о підвищуванні народової кляровності ансамблю, адже Поляньські єст диригентом „Журавлів”. Прикликают тіж аппаратчики люди, што праця зааслуженых, але котры уж надолго перед тым одышли од ансамблю (спосеред них выбирайт тіж на час турне старосту ансамблю, бо актуальний /Петро Трохановскій/ „не є надійний“). Делегуют тіж (сами себе) „опікунів“, в особах Голови і Секретаря УСКТ. Тото вшытко спрятлят што Ярослав мусит лишыти дома кількох членів ансамблю. Мусит, кед хце поіхати за океан. А хце, бо то велика справа для „Лемковини“.

„Лемкова“ чудово концертует по Америці, але за ньом,



Америка. Диригента мало видно зза квітів

дома чынит ся фермент. В самій ній тіж. Коли турне ма ся гу кінцьови, деякы члены організують „комісию“, котра ма задацідувати о грошах даруваных для ансамблю. Голосы іспіруючы таку „опіку“ суг'еруют што дулярі треба... поділити помедже членів. *Бо невідомо ци „Лемкова“ буде по повороті істнува-ла!..* Тоту гангрену, по горячых тлумачынях, удає ся опанувати, але в голосуваню лем два ци три терезвы голосы переважают на корыст спільнога а не приватного добра. А дома?

Дома єден з членів, котрий не змістил ся в визначеному організатором турне ліміті пише донос до самого Генерального Прокуратора, же треба сконтрлювати фінансы „Лемковини“, бо „Ярослав Трохановскій і його родина жыют понад стан!“ (*sic!*) Очывидні контроляничого такого не ствердила, а іщи певні спілчула Я. Трохановскому – з яким то людми пришло му працеввати.

— Часом думам — споминает Ярослав — же може ліпше было не іхати до той Америки. Але хто подумал же за два роки мож буде свободні іхати за кожду границю — без нияких опікунів, без ниякой „шапкы“ з горы. А тамтот вымушений кадрово выїзд єдных зопсул, а в других, тых што остали, посіял жаль, часто слушний. „Лемкова“ стала ся порожня духом, stratiла вшытко тога, чым жыла до тога часу.

Так, то напевно правда, але видит ся мі же Ярослав, все щырий, а часто легковірний, не в полни достерігат того – же „Лемковину”, тоту Другу, найвекшу, помогла знищыти тата сама сила, котра знищыла Лемківску Ватру в Горах, котра... ніщыт дале, што лем лемківське стрітит на своїй дорозі... Ярослав, вірний до кінця музыци, не годен був оперти ся тій силі... Котрій пришла іщи в сукурс нова політычна ситуація в Польщі, на неєдно добра, але для „Лемковини”, находячий ся уж в кризисі, забиваюча. О кілко в давній ситуації членів ансамблю стати було посвятити власны гроши на доїзды (в фазі організації Другої „Лемковини”), ошукати час праці, спізнати ся, дайме нато, на понедільок, од 1989 рока не мож уж було того робити. А в Другій „Лемковині” велика, барз міцна єй част, доїжджаала зо Заходу.


Роки 90-ти то уж худы роки, так для Ярослава, як і його „Лемковини”. І хоц ансамбль дальше дає концерти, так в Польщі як і за границю, то єднак єст то уж „съпів лебедя”. В новым місци Лемківской Ватры – в Ждыни ансамбль єст іщи спілорганізатором, але лем на папері... З часом буде лем гостем і то не все потрібным. Горячо зато буде принимана „Лемковина” на Лемківскій Ватрі на Чужыні, в Михалові, де выс-

тупит першыраз в 1990 році, але уж в наступным році Ярослав, звільнений (котрій то уж раз!) з працы – акуратні на Ватрі в Михалові – завісит діяльніст „Лемковины”...

По двох роках піднесе Ярослав іщи раз – Третю „Лемковину”, зобрану зо самых Гір, зо самой молодіцької молодежі. Обсеруючий ю вірний єй друг Семан Мадзелян напише в своїм *Дощовим літі в Європі*:

...выйходит на сцену „Лемковина” з Білянки, котра по дослі довгій перерви зас зачала ходити запущеныма стежками. Не познаю зо старого складу юж никого, лем диригент том сам, Ярослав Трохановский, котрій без гушель і хорового съпіву не може жити. Дивую ся, де то в околици Білянки набрав тілько молодежы з так добрыма голосами. Вшытко молоде і гарде, як ярнє квітня на гірській луці, і мінит ся в очах ріжными колъорами. Съпівают... I дахто бы помыслів, же то тоты самы люде што пред роками, лем же напили ся якісого гірского зіля і не старіют. (...)

Третя „Лемковина” проспіват зас пару років. Осяде в Рускій Бурсі, в дакус красших льокальowych обставинах (лем дакус). Ярослав зорганізує з „Лемковином” в 1996 році гардий цикль імпрез – Лемківське Літо. Буде ю кохал, туту наймолодшу дітину, так як Першу, як Другу, але як признаят ся в бесіді – не буде уж она під його выколыса-



Білцарева 1946 рік. Яросьо з родичами по повернінню няня з війни. Фото: І.Горощак

ну партитуру, на прунадцет інструментів і хор, не буде уж она годна зреалізувати прешу лемківську оперу (ци радше оперетку) під лібретто улюблленого Руценка – *Вертеп в Карпатах*.

Так, вірю, абсолютні вірю – же человека того, Ярослава Трохановского, стати було зродити штоси, што в кожного народу мірят ся знаменом невмераючої пам'яті... Та хоц Ярославови не повело ся дотепер зреалі-

зувати вшыткого вымріяного – ци тото што зробил не єст уж нашим памятником? Адже то в великій мірі завдяки „Лемковині” все іщи тримают ся свого нашы покоління.

Колиси опубликувал Ярослав єдиний свій верш *Хліб* – написаний в тяжким часі:

...І снил ся мі буде
по ночы
том хліб спід Убочы
сіяний твердыма руками
окроплений слезами
чорний
бідний
але рідний

...Знам, же Ярослав Трохановскій заміст партитур – до чого створила го натура – пише тепер спомини з жыття. Пише іх помедже ставляньом цеглы на цеглу, помедже ставляньом рідного облачка – для діти. Пізно уж, бо повідают, же хто не доробит ся до “пятдесяткы” – не доробит ся николи.

Повідают тіж, же – „як по копі, то по хлопі“. Але я вірю, же в Ярославі дрімле іщи штоси, чого николи не годно ся передвидіти... А кєд бы уж доправды выпалило ся серце? Товды...

Товды – прийд, Ярославе, коханий наш, прийд до Михалова на нашу імпрезу. Прид всяди, де зberают ся іщи нашы люде. Прийд, сяд посерд Свого Народа і спокійні пізрий му в очы. Ты уж зробил своє.

Біла смуга, біла смуд

Яросьо ходил уж з три роки до музичной школы в Лігніци. Гral з нут „як з нут”. Але зо серця іщи красше грал. Не чудо, адже сідил в Прокопа, а Прокіп Слива – хто го не знал – был гудаком на цілы Горы. Был родом з Крільової Руской. Лем родом – так речи мож, - бо дома мало бывал. Гral з весіля на весіля, а знаме што колиси весіля стояло пару дни. Кінчыло ся єдно, треба ся было зберати на друє. Програл Прокіп з Циганами ціле жыття. Значыт ся, не так, як то ся гварит – програти жыття, змарніти. Хоц до правды і тяжко повісти – ци не так. Бо ани ся не оженил. Бракло часу на свое весіля. А пак ся вшытко зафайдало. Циганів взяли Німці, а Прокопа, як і вшыткых нас, пригнали ту, на тоты рівнини, де гушлі ани грани не хцут, як бы з них душа вышла. Зрештом, ту і голос не ма ся од чого одозвавати. Тупе вшытко, хоц быс смык не знатя яком калафонійом смарувал, хоц быс пальцям в самого Господа Бога мягкіст выпросил – нич з того. Пішол Прокіп до столярні, бо хоц ғаздувати ту, на тых рівнинах, кілко легше, він од ғаздівки одвык. Програл адже ціле жыття. Нашол бы може і ту дакых музыкантів до компанії – але ту грани ся не дало. Но, а з того вшыткого і до порцийки ся взял. І хоц гудакови порцийка не шпас, преця кед голова штораз старша, стає ся і штораз слабша, хоц быс лем машлянку, а не палюнку пил. Но а з Прокопом было напак: „Ходила копа коло Прокопа, а Прокіп коло кіп; так мі з Прокопом, як і без Прокопа.” Послабила ся доцям Прокопова голловеа. І хоц пізнійше, за якисий час, кед рівнини зачали ставати ся берже нормальны нич ненормальны, кед нарід дакус пришол ғу собі, кед зачал съпівати, Прокопова голова уж ся на весіля нияк не надавала.

Так го няньо і нашли в Лігніци. Знали Прокопа добре – бо хто Прокопа не знал! Та і Прокіп няня знал, бо навандали ся няньо по весілях, по музыках за час парібчыня дост. Мали за што, бо ғаздівка была як треба, был ліс, а і дідо Петро – здає ся же єм вам уж о тым гварил – ренту за австрійску войну мали. Мал отже і Тевдор, значыт ся – моі няньо. Чом товды не мал Тевдор ходити по музыках! А заєдно трафлял на Прокопа – бо хто на Прокопа не трафлял. Пришол отже тераз, ту на тій рівнині, Тевдор до Прокопа з Яросьом і рюк:

- Прокіп, маш ту хлопця до гушель. Думам же ся ти надаст.
- Ой, Тевдор, та я юж не грам... Одколи не грам...
- А што, порізал єс пальці, ци як?

— Та ні...

— Го-го! Кед твоі пальці цілі!.. Хыбаль же гушель на маш?!

— Гушлі мам...

...Надал ся Яросьо Прокопови. Як бы му з райской яблони впал, як бы му овочом хмільной весільної молодості за сына пришол. Зас зачал Прокіп грati. Зас мал кому грati. I кед быс пізрил, так з боку — хоц в тым старым, понурым покоіску, кілко темнійшим як ліс в Глубокым, трудно было дашто видіти — кед быс так по-смотрил, по самых тенях, тій граючий, і тій слухаючий, дізрил быс аж ожезливу любов до гушель. I кед бы ти пришло похопити, котра з тых тени барже кохат, не знал быс повісти. А нияк уж не знал быс вывести — одкале ся взяла тата молода, Яросьова любов. Бо не вгварил быс сам собі — же ся в тій понурий ямі, кілко темнійшийнич ліс в Глубокым, почати так образ могла. I мал быс правду. Бо і тата молода любов не была зас така молода. Іщи ся гын, не так далеко од ліса в Глубокым вылегла.

Же як было? О, гварил мі о тым Яросьо, як сме на Найгуті коровы пасли. А і мама мі гварили.

Взяли го на весіля до Афії. Няня іщи не было з Німеччыны, та де там! Мал штырі рочки. Сідил на маминых колінах і смотрел на сьпіваючы гушлі, на смык, што вандрувал там і назад, і сыпал по іх грудьох, по грудьох гушель білу смуд. З ничего-нич, холзнул ся Яросьо з маминых колін під стіл.

— Яросю, де ідеш?

Але Яросьо не одповідал...

Зазрили мама під стіл і ввиділи го як нежывого.

— Яросю, Яросю!.. — піднесли проятий трмтливий голос.

Зробило ся замішаня.

— Врокы! — рюк хtosи.

Хtosи інчий похылил ся над невладным тільциом на материних руках, котры піднесли го зо землі, і дунул міцно в дрібнісі ніздрята медже блідыми личками. I неодолга отворили ся над нима зачудуваны очата.

— Яросю, што ся ти стало?

— Білу смугу ём виділ, мамусь, таку білу дорогу...

Розостелил смык своім вандруваньом, своім колысаньом білу смуд, білу дражку, од гушлинай душы до Яросьовой. I так уж остало. На все. Біла дорога. Біла смуд.

Петро Мурянка

(выімок з автобіографічной повісті Описати жыття)

ПЕТРО ТРОХАНОВСКІЙ

З лемківським языком першыраз до академічных саль

(на 40. літня народжыння Др Олени Дуць-Файфер)

Деси початком 80-ых років, кед з Ансамблем Пісні і Танця „Лемковина” выберали мы ся зо Сопоту домів, кед уж завырчал автобус, гу отворенным іщи дверьом підышло дівча, дозріле уж (што і статечний чловек годен дізрити), але на позір – дівчатиско, зачесане а-ля Піпі Лянг'стром, одіте барз авангардово. Підышло, і барз чистіцком лемківском бесідом зъвідало:

— Ци мож ся з вами забрасти до Гір?

— На кус, ци на все? — спрібувал ём зажартувати і та-кой пізрил ём на брата, керівника ансамблю, бо йому барже пасувало рядити і в тій квестії.

— На кус і на все! — одреクロ резолютні, і барже чытаючы з нашых реакций, як чекаючы на словне призвоління, ступило до автобуса.

Ци міг ём товды сподівати ся, же з тым, на позір порожнім, дічатиском приайде ся долгым-предолгым роками іти враз по каменистым лемівским



пути, по єдній такої дорозі; очывидні, вчислюючы індивідуальны чловечы пристрасти, вроджены, ци набыты можливости, все єднако хоснуваны в принципі для той самой ціли. Для той самой ідеі. Для той самой великой любови.

Олена Дуць вродила ся 9 серпня 1960 рока на Західніх Землях, в селі Уязд Гурны, гміна Уданін коло Сьроды Шлес-

кой, з родичів Петра і Олени з Бубернаків. Няньо походил з Мухначки, а мама з Чирной. Весіля Олениних родичів, які поберали ся в січні 1947 рока, назвала пак родина „заплаканим весільом”. Найперше молодята не годни були найти священника, котрий бы іх повінчал (такій уж був час), а кед уж привезено старенького ігомостя, кед одсьпівано молодым в церкви *Iсаіє ликуй*, кед розгуляло ся весіля, до весільного дому ввошли вояки і побили дружбів.

Олена пришла ня сьвіт по штырьох братях, була наймолодшом в родині. О рік родичам повело ся вернути до Гір, не до рідного села вітця ци матере, але преці на рідну Лемковину. Оселили ся в Устю Руским. Ту Олена выходила (де там выходила – прелетіла як вітер) основну школу. Підібні і Загальноосвітній Ліцей (гуманістична кляса) в Горлицях, якій закінчила в 1979 році.

На студії записала ся до Ягайлонського Університету. Обрала росийську філологію. По третім році прибрала сой і психологію, а по наступних трьох – історию штуки. Каждий факультет закінчила з дипломом магістра (1985, 1987 і 1992 рокы), а в кождій працы темом була лемківска проблематика. В тракті студій виїжджаала на заграницьни стипен-

ді і стажи – в Університі в Новим Саді, Київським Університеті і Торонтоньським Університеті. В меджечасі, в 1991 році розпочала докторантські студії, жебы в 1997 оборонити працу докторську. На лемківську (яку-ж бы інчу!) тему, конкретні: „*Życie literackie Łemków w drugiej połowie XIX i na początku XX*”.

Тота оборона не була лем обороном самої працы (общырной, на 300 сторін машинопису), а і обороном нашого лемківського „я“. Не припадково адже зобрали ся на ню як горячы прихильники, так і запеклы противники, аж і з офіційним, писемным протестом. Стала ся tota оборона голосном, в тым припадку, од політичної сторони. Але же мы тримаме ся дост далеко од політыкы, хоц ю нам (Олені Дуць-Файфер тыж) – „політичне русинство“ заєдно замітують – призрийме ся радше голосам науки, як оцінюют працу Dr Олени Дуць-Файфер:

Wielka erudycja, głęboka świadomość metodologiczna tylu skomplikowanych spraw, kompleksowość podejścia badawczego, bardzo dobre opracowanie warsztatu, pełna informacja bio-bibliograficzna i wiele innych zalet całkowicie satysfakcjonuje mnie jako recenzenta i jako czytelnika, który zwraca się z apellem o wydanie rozprawy drukiem. (Prof. dr hab. Aleksander Naumow)

Аж і голос „з тамтой страны” (хоц подібно в науці неє стран, лем сама „науковість”) чесно зауважат:

Zwraca uwagę pracowitość autorki w zbieraniu i gromadzeniu tekstów rozsypanych w różnych czasopismach i drukach ulotnych. Te żmudne poszukiwania są tym cenniejsze, że nikt z taką pasją nie tropił śladów pisanej słowa Łemków, jak uczyniła to autorka rozprawy. (Prof. dr hab. Stefan Kozak)

Прелетіл єм гоном, лем зарисувал єм наразі роки Олены Дуць-Файфер. Дітхнул єм лем едукації, якой дотеперішнім завершыном была докторска дисертація. Зрозуміле што рокы тоты не были порожні однісні наукової діяльності.

Уж як 20-літня, молода студентка, брала Олена участ в Симпозіум Наукових Кіл Русинців в Янковіцах к/Познаня, де прочитала реферат о... синтактичных особливостях лемківської бесіди (1980). Потім били одчytы, рефераты на симпозиях, конференциях – в Krakovі, Любліні, Ліг'ници, Саноку, Варшаві. Заграницы выступліня розпочала Олена Дуць-Файфер барз міцным акцентом. Стало ся то на IV Світовым Конгресі Совітських і Східноєвропейських Студий в Гарогейт (Harrogate) в Англії (1990). Тото выступліня, з темом *Лемки в Польщы*, повтореном о рік на медже-

народній конференції, котра проходила в штырьох державах (Польща – Краків, Словачія – Пряшів, Україна – Ужгород і Югославія – Новий Сад) одбило ся широкым одголосом в пресі, цілістю опубліковано tot текст в альманаху „Magury '91”, осібном, двомовном книжечком (версія польська і лемківська) выдало го Стоваришия Лемків (1992 рік). Хоц Авторка науково і об'єктивні, приводячы пункты віджыня нашых справ через ріжны орієнтації, школы, старала ся представити Лемків сьвіту, уж таке невинне стверджыня, што – лемківська свідоміст в однесіню до них не все покрывают ся з тым, што твердит офіційні наука, - выкликувало пристрасти. Але то не было до кінце так. Пристрасти выкликувал уж сам факт, што лемківський свободний голос прозвучал на найвижших науковых установах, прозвучал без „битя шапком”, без респекту на приняты „нормы”, „каноны”.

Олена вyrастала на передову лемківску наукову силу, бесідуючу „по лемківски” (Лемків бесідуючых не своім голосом є вельо). В 1992 році вystупила на I Світовым Конгресі Русинського Языка в Бардіївських Купелях (Словачія) з рефератом *Актуальна языкова ситуація Лемків*, а з другої страны – в Нью Йорку,



Олекса Мишанич, Павел Мағочі, Олена Дуць-Файфер, Микола Мушинка, Любомир Медєші на съвітовы славістичным конгресі в Гарог'ейт (Англія), 1990 р.

на тамтышнім oddілі... Наукового Товариства ім. Тараса Шевченка (1994). З міцном темом: *Лемкы в Польщы – процес розвитя етнічной свідомості, актуальна ситуація і перспективы перетырвання*. На медженародным, англіцкомовным V Съвітовым Конгресі Центральных і Східноевропейских Студий в Варшаві (1995) была органіяторком панелю *Literature and Ethnic Group Formation* і, очвидні, сама виступила з рефератом. В 1996 році репрезентувала нас на II Конгресі Європейской Федерации Народных Меншин „Maisons de Pays” в Пряшові, в 1997 – на Медженародній Науковій Сесії: „Slowianie Wschodni. Duchowość – kultura – ję-

zyk” (Краків); в 1999 – на Науковій конференці „Slowianie Wschodni: Sacrum-literatura. Język...” (Lublin – KUL), на II Медженародным Семінарі Руциньского Языка в Пряшові. То вибраны лем выступліня.

Більшыст выступлінь Олены Дуць-Файфер была публікувана – в таких престіжовых науковых выданях, як: „Slavia Orientalis”, „Roczniki Humanistyczne”, „Prace Komisji Wschodnioeuropejskiej PAU”, „Krakowskie Zeszyty Ukrainoznawcze”, „Ruch Literacki”, „Carpatho-Slavic Studies” (New Haven), „Journal of Ukrainian Studies” (Toronto); в книжковых выданях, як: *Łemkowie w historii i kulturze Karpat, cz.II* (Sanok, 1994), *The Persistence of Regional Cultu-*



Олена Дуць-Файфер з русиньскими писменниками Іваном Петровційом і Володимиром Фединишинцем

res (New York, 1993); *Słowianie Wschodni. Duchowość-Kultura-Język* (Kraków 1998). В трьох антологіях поміщено поезію Олены Дуць.

Хотячи же завершити тему публікації, не даст ся оминути ряду дописів і популярно-наукових шкіців в таких річниках, альманахах, часописах, як: „Płaj”, „Народни Календар” (Новий Сад), „Carpatho-Rusyn American” (Madison, Ohio), „Зустрічі”, „Русин”, „Загорода”. „Голос Ватри”, „Бесіда”, „Лемківський Календар”...

А уж сме дома! І зато треба навернути ішти раз житя

Олены Дуць-Файфер. Може не од дітины, може іщи не од того дівчатиска, котре сідало в Сопоті до автобуса „Лемковини”. Але неодолга по тым.

◆ ◆ ◆

На початку речених 80-ых років Олена писала уж вершы (може писала і скорше, „до заголовка”, але не зознала ся нам в тым), але в молодості горячій своїй бояла ся чомси дітхнути лірь лемківським словом. Але тот час мусіл колиси прийти:

На долони три свічки
лял ся вечер
в поломін чорнявом
ворожила-м
на пут каменистий
катуляло ся
кожде
лемківське слово
пішла-м

(Олена Дуць, Ворожба)

Пішла „на добре”. Як споминає сама, коли приїджала до Крениці — Iхала єм на хвилю, жебы дашто сконсультувати (ставляла єм товдыш перши кроки в лемківських дослідженнях і писаню), а оставала єм на пару дни. Тільки все було роботи в тій кухні лемківських діянь...

Гей, памятам. Приїджало до той кухні вельо молодих, люди, горячих, зафасцинованих Лемковином, але невелім

старчыло силы, старчыло вытырвалости жебы:


...крик бань раненых
(нести)
на кресті Візантії
розпятых

(Олена Дуць, Сами)

Олена осталася. Не на парудни. На все, хоц не все могла приїхати. Але старчыло черкнути слово: „Олен, треба бы написати о Павловичу” – а уж о час *Маковицкій Соловій* съпівал в „Голосі Ватри” новым голосом; „Треба бы написати о Вислоцкым”, а неодолга Гунянкова гуня пахла новым, сучасным смаком. З роками, а особливі з покликаньем Стова-

ришыня Лемків, з розпочатьом выдаваня „Бесіды”, а пак „Лемківских Календарів” треба било штораз більше писаного слова, фахового лемківского слова. Олена, хоц вышла замуж, хоц родили ся діточки, хоц кінчыла своі факультеты, хоц заєдно писала „якысу” доповід на якысий конгрес, конференцию, симпозиум, нигда не одмовила помочы. Пізрийте раз іщи до давнійших Лемківських Календарів, пізрийте до тогорічного.

Ци лем писала і пише? А памятате Лемківски Ватры, од ганчівской почынаючы? Памятате, як на бортняньску уж –



Олена Дуць з автором того допису на III Лемківскій Ватрі, Бортне '86.

до помочы привела зо собом з Krakova групу молодежы? А ци одбыла ся без Олени дакотра Lemkivska Tворча Osіn, ци взагалі вельо інчых імпрез в Рускій Бурсі прошло без Олени Duць-Fайфер? З дітином на руках, ци – кед уж „підлізло” єдно, друге – за руком, але понагляла заєдно. Зрештом „хворота” Руской Бурсы нияк, і в ниякым виді Oлени не переходит... Бо о тым уж не знате – же выдолтує она всяки стежкы, по послах, по старостах, жебы привернути нашу Alma Mater нам на власніст (выдолтуют і інчы, але о інчых наразі не пишеме). То робота невдячна і невидочна, „дипльоматычна”, але не на трибунах, не під фотобліск.

Такых робіт є більше, хоць бы справа лемківского шкільництва. Не годен ту представляти вшыткых кер, закрутів, якы треба поконати, але бодай дашто треба заакцентувати. Не без Oлени ся стане, же од найближшого шкільного рока зачне ся наука лемківского языка в Ґорлицкым Lіцею ім. M.Кромера. Записало ся на ню 40 учеників. Радує ся серце, росне душа, але думате сой – же дійсны і будучы ліцеалісты записали ся на лемківскій „так о”, без дачыйого „ходжыня”?

Веде Dr Oлена Duць-Fайфер час од часу лемкознавчы выклады при родимым Ягай-

лоньским Університеті. Родимым, бо ту выдолтала три магістерия і докторат. Але осталу посаду ту трудно, бо... На тему „бо” мож бы написати книгу. Было бы МОКРО, не лем од слез. Але тото мож одложыти до часу, коли поведе ся (кед ся поведе, за Oлениным очывидні „ходжыньом”) покликати Катедру Lemko-знавства... Дахто рече – а де мате кадры? Не трапте ся!.. Не розвивал бым темы, кед бым недавно не отримал листу од молодого докторанта, якій (пред порушыњом той темы в „Бесіді”) чул што: *Nаша славна Lemkynia Oлена Duць-Fайфер старат ся отворити лемківску катедру в Krakovi.* Несьміло, але з великими патріотичными мріями просить, жебы зазнаємити го з Паньом Oленом. Пише чудово по лемківски, молодым, міцным серцем кохат Lemkovину і... внимат ся. свойой съміlostи што до евентуальной аспірантуры на лемківскій катедрі. Просит о (...) бо бы ся потім ганьбил на очы вказати нашій лемківскій вченій. Съвідчыт то о великій пошані молодого человека, молодых люді для Dr Oлена Duць-Fайфер. На голоснюю того, бо:

Признам ся малым словом, з малым стыдом – же може хвильку вагал ём ся, коли проектувал ём од стороны



...Мама – Олена на сцені, а няньо – Марко зо сынами Яковом і Тимком слухают.
IV Лемківска Творча Осін, Гірлиці – Руска Бурса, 1996 рік.

змісту тогорічний календар, – ци 40-літній ювілей то вистарчаюча перепустка до святкування го в нашым альманаху. Адже так молодого „жывога” ювілею іщи в ним не було (і може дакус зато, же свого часу, коли Олена написала о моїй „пятдесятці”, жычливий зыдливець в своій завистливости доносил (дослівні) „o wzajemnej adoracji”. Днес і того заваганя, того малого стыду ся стыдам. Треба було! То не рокы вызначают ціну, а сама ціна. То не лем я, ци мы ю достерігаме. І жебы промавляла

она більше переконуючу о тій „україножерці”, зацитую акуратні слова українського критика літератури:

Дуць (...) переставляє лемківську говірку з локальних рейок на універсальні, або, висловившись образно, переінструментовує цю говірку з лемківської ліри на електронну гітару модерної поетики. І цим її роля особлива.

(Богдан Бойчук, *Поза традиції*, [...] Оттава, 1993, стор. 446)

Не лем тым особлива роля Др Олени Дуць-Файфер, як старал єм ся довести в нынішнім дописі. А не скінчу го, нич

не повім пару речынь о родин-
ним жытю Олени, діточкых, о
котрых ём уж надтыркнул.

Марко – муж, не є Лемком, але в бесіді не хоц-хто познат же так є. Інтелігентний, чэм-
ний, жыво інтересуючий ся на-
шыма справами, має туту ве-
лику і благородну съвідоміст –
што жены, Олени, не вільно
взяти од нашой, надійно тлію-
чай ся іщи, культуры. Пару-
надцетий уж рік жыют враз в
академіку, в невелькым дво-
покойовым мешканю (хоц по-
будували ся уж „на сурово“ на
Лемковині, в Устю). Діточки,
Яков і Тимко бесідуют красні
по лемківски. Не лем в мешка-
нью. Недавно был ём в них.
Вышол ём на голь, на папіро-
са, а Тимко – за мном. Жебы
сте знали, як він, предшкіль-
ний іщи блазен, зо мном рай-
цуval! А голосистий такі!

...Памятам, буде уж пару
років, был ём тыж в Олени і
Марка. Мама клала діточки до
спаня:

— А тераз молитва. „Отче
наш, іже єси...

— ...іже єси...

— Богородице Діво, радуй
ся... — ...радуй ся..."

Радуй ся і Ты, Лемковино –
же маш іщи такы мамы. Там
деси, в академіку, де на позір
быс іх не глядала. Ци там, де
завистливіст людска (ци люд-
ска?) каже лем видіти „адора-
цию“ і „каріеру“.

Вірю, барже як Словацкій,
же молитва дітины до неба до-
летит. Вірю в Оленину „біліст
снігу, міряну тишином“, вірю і
прагну:

...жебы з оддыходом
землі
зышила
ярнім жытом
зеленіцькым
спокойом плынучым
(Олена Дуць, [Вірую Господи])

Тішу ся – же мам нагоду
складати жычыня Олені Дуць-
Файфер. Тішу ся – же на так
молодий ювілей, за якым
ТІЛКО іщи років впереді. Вірю,
же в тым ТІЛКО барз дуже ся
стане. І, же кед і не вшытко
вымріяне ся сполнит, ТІЛКО
проводи буде мусіло з Оле-
ном нелегкій бій. Дай Боже
миру на тот час. Миру в роди-
ні, в суспільстві, в народі на-
шым. Дай Боже улюбленого,
блаженного труду! Дай Боже
щестя!

Дітям малым і вельким

РУСИНЬСКЫ БАЙКЫ ♦ РУСИНЬСКЫ БАЙКЫ

Кресанчык

Жыло двоє старших люди, а не мали діти. Барз ся молили, жебы дал ім Бог діточки, жебы могли зайти до фамелиі. Та проходили рокы, а іх надії ся не зыщали. Аж єдной неспаной ночы рече жена мужови:

— Не маш тераз велькой робыты, іщи не яруєш, вытесал бы-с мі з дровна dakого Кресанчыка.

— Та видиш, жено, ніт під руком суцого, мягкого дровна, та і нарядя порядного не мам — одрюк ғазда; але та-кай подумал: „Та уж даяк треба буде тото зробити. Рано стану, піду до ліса, найду вербу, або вільху і спрібую да-што вытесати.”

Стал рано, покормил статоқ, якій мал, коника — бо і ко-ника мал; землі недуже мал, такій был — ани цілком худоб-ний, ани ғу богачім. Поопоряджал в стайни, ступил дохыж, штоси прекусил, та зас ся до двора зберат.

— Та што будеш днес робил? — зъвідує ғаздыня.

— А, та треба буде рыхтувати ся ғу ярі, здало бы ся колічка посправляти, зубці в боронах поглобити, та і плуг уж тупавий — гварит ғазда. — ...Піду до возовні.

Взял пилку, сокыру, долотце, обіручний ніж і вышол до ліса. Нашол гладку вільху, зрізал і выбрал сой кавалец, такій як на кобичку. Зачал тесати, стругати, добати. Зробил голову, выдобал ямки — очы, лишил сучок — ніс. Пак руки, ноги вытесал. Взял нарядя під єдно плечо, Кресанчыка під друге і пішол домів. Гвошол дохыж, тай гварит:

— Но, на! Хтіла єс Кресанчыка, ту маш Кресанчыка.

Сподабал ся ғаздыни Кресанчык. Ходит по хыжы і по-зерат на него. Варит істи — позерат. І хоц піде ғазда з хы-жы, хоц сама остане — уж ся ій нє цне.

Пришол ярній час, пришло тепло. Выхал ґазда віз з возовні, кладе плуг, колічка, бороны, мішок зо зерном. Выхол на свій загінчык, тай оре. А ґаздыня при обыстю, дудре, думат: „Треба бы ґаздови полуценок, варити, рыхтывати... Зварити, то зварити, але і занести самій треба. Хоц мам Кресанчыка, хоц він мі такій милий, але – деревяний, невладний, німий...”

— Ей, Боже, Боже, жебы-с мі был дал хоц лем такого як тот Кресанчык, але жывого... жебы-с мі был дал, Боже, дітинча...

— Мамо, вы лем рыхтуйте полуценок, а я уж го понесу няньови — прогварит хтоси.

Газдыня ся озерат. Стоїт Кресанчык, стоїт дровно, а хтоси бесідує. Взяла ношайку — іщи товды динерок не было, бо то барз давно тому было — наклала капусты, перогів, та уж бы лем нести требало.

І ту Кресанчык зас прогварит:

— Мамо, облечте мя! Облечте, най вызерам так як інchy діти. Понесу полуценок няньови.

Зачудувала ся ґаздыня, дакус втішыла, але і дакус острашыла.

— Та якже понесеш? Та ани не знаш де няньо орати пішол.

— Чом бы-м не знал, чом? Та я виджу няня, одтале, з пеца іх виджу, же де орют. Лем мя облечте, мамо, понесу полуценок няньови, понесу!

Зышол Кресанчык з пеца на землю. Газдыня, недовірюючи, зобрала го, дала до рук ношайки. І іде Кресанчык, цабат так, бо недост же малого го няньо вытесал, та іщи ножкы за короткы му зробил. Іде Кресанчык помалы, хоц понагляят. А ґаздыня, зачудувана, позерат за ним, веде го очами. Кёд ся ій стратил за горбком, пішла за ним. „Ци він доправды піде там, де отец оре?” — думат сой. А Кресанчык іде, ступат, просто ґу вітцьови. Уж недалеко, лем яругу перейти. І заправды, гвошол Кресанчык до яругы, але выйти з ней нияк не годен. Спрібувал раз, другій раз іщи, тай кричыт:

— Няню, няньцю, зоприйте коня, а подте мя вытягнути, бо-м не годен выйти.

Чує ғазда, спер конича... Деси хтоси галякат, а го не видно. Прииде над яругу – а то Кресанчык.

— Няню, вынюс єм вам істи, бо знам же сте голодны. Пополуднуйте, оддыхнийте сой. Накормиме і коня, а я пак буду орал.

— Так як ты будеш орал — гварит ғазда — көд чепігы векшы як ты.

— Не старайте ся, буду орал, знам кінми робити.

Дали коньови віса, сіли, нянью пополуднувал. Товды Кресанчык гварит:

— Коня напоїти бы треба. — І такой знимат вагу, кричыт „Вйо!” і поганят коня ғу воді. Ани ся ғазда добрі не отряс, а Кресанчык уж вертат, ставлят коня до борозды.

Хватил ғазда за чепігы, а Кресанчык:

— Ніт, вы сой спочынте. Я буду орал.

І пішол за чепігами. Оре, оре, уж загін доорює, а ту пан на кочу іде дорожов. Недалеко было од битой дороги ғу загінцьови. Пан і кочиш позерают: кін ходит, плуг видно, а человека там неє. Тай пан гварит:

— Оле, выжен там далі, піду попозерати, што то гын за чудо.

Вышол, стал на грунку, позерат – віз там є, хлоп лежыт коло воза, а кін сам оре. Пришол пан ғу хлопови тай му гварит:

— Што то за диво? Ты ту лежыш, а кін сам оре!

А ғазда му повідат:

— Неправда. Там є сын, Кресанчык.

— Та де, көд там за плугом никого не видно.

— Діждий, пане, дійде ғу прокінчату, наверне, прииде ту, будеш виділ.

— Заправды! — І аж ойкнул пан, көд задыхане конича зрівнало ся з нима, а за чепігами взріл Кресанчыка.

— Но позерай — гварит гордо ғазда — єст там хлоп, ци ніт?

— Знаш ты што, хлопе? — повідат товды пан — Про-

дай мі того Кресанчыка.

— О, ніт! Хоц, як виджу, богатий ты пан, в кочу ся возиш, але тілько пінязи не маш, жебы-с ся выплатил. Лем його єдного, по долгых роках чеканя, мам.

— Та і я рокы-прерокы діждати ся сына не годен. Та знаш сам — яка то журба.

І штурил руку до кышені, вытагнул полну жменю златых дукатів і гварит дале:

— Позерай, вшыткы пінязі ти дам, лем мі го продай.

— Ні, пане, ніт! Мене бы жена з обыстя выгнала, кед бы-м г' вечер пришол домів без Кресанчыка.

Тай пішол пан без ничего г'у кочови, озераючи ся заєдно. Товды Кресанчык гварит:

— Няню, не будте глупы. Продайте мя, будете богаты, поставите ся на доброго г'азду... А пан мя і так нигда домів не довезе. Будете видіти, як я од нього красно втечу. Ани не буде знал коли...

Мал г'азда дост стару уж хыжу, поля — як знаме — невельо. „Поставлю сой нову хыжу — думат, роздумує, — землі докуплю, коня другого. І фундуш выкуплю, і гроши мі може іщи остане...”

— Гей, пане — скричал, г'азда, — но та кілко даш за Кресанчыка?

— Вшыткы дукаты ти дам, до єдного, кілко при собі мам — повідат пан, вертаючи г'у г'аздови. — А по мі не барз буде видно, бо мам іщи дома дост.

— Та давай пінязі. Бер собі Кресанчыка.

Вытряс пан вшыткы дукаты, высыпал хлопови до шапкы. Взял Кресанчыка, посадил при собі.

— Жен прудко — гварит до кочиша, — буде ся моя пані радувала.

Ідут, ідут, а требало ім іти през тот валал, одкаль Кресанчык был. І позерат Кресанчык на пана, як тот подримкує, бо коч ся колыше. А коч был такій, што ся таков стріхов закрывал. А тота стріха была спущена. Заснул пан, а Кресанчык помалы, помалы, потихы, потихы тай спустил єдно ніжча, друге ніжча тай шуп долов на дорогу. Скочыл

до шанцу, а як уж коні пішли долов дорогов, як уж виділ, же пан барз далеко, та давай – домів.

— Уж єс ту? — гварит втішено мама.

— А, уж ся мі надоіло ходити. Якоси єм ослаб, та лишил єм вітця, жебы докінчыл ораня ай жебы заборонил, і пішол єм домів.

— Но та добрі єс зробил.

Тішыла ся, натішти не могла, мама. А отець, як уж Кресанчыка пан взял, барз ся застарал. Што повіст жена! Повіст: „Першыраз єм го выправила, і єс го продал!” Буде ся зо мнов вадила. Недобрі ғаздови было. Іде г’ вечер домів, смутний-пресмутний. Пінязі сут, але дітины ніт. Іде домів, приходит до валалу, уж недалеко хыжы, а ту на пути хлопя, таке як Кресанчык...

— Няню, няньцю, возте мя на віз!

Обвеселіл ғазда. Цілий вечер, наперемін з Кресанчыком, оповідали, повтаряли – якє ся ім чудо в полі прічудило.

— Но але... — навернула якоси бесіду мама. — Обдурили сте людину.

— Не старайте сянич. Остатню кошелю мы му не взяли. Правда няню? Адже сам пан гварил, же по ним ани видно не буде, бо має дома пінязи дост. Зато-м няньови сам казал: „Продайте мя!”

— А пан, кёд бы почливий был — додал ғазда, — та бы одо мя дітинча не торгувал, лем зато — же єм бідний, же єм хлоп.

І так ся ғазда споміг Кресанчыком. Кресанчыком, што то го з вільхового дровна вытесал, і ани ся не споділ — же враз зо жывым, а і златым серцьом... Жыли долго і щесливо. А може і до днес жыют, кёд не повмерали.

запис – Др Михал Гыряк
літературна обробка – Петро Мурянка

В II річнику нашого календаря, на 1994 рік, зачали ми туту смутну публікацію. В наступних роках з ріжких взглядів не повело ся продолжувати ю. Вертаме до теми в тогорічним альманаху і віриме што рубрика тата буде уж сталом. Очевидні, нихто не жде на дачу смерт, але знаме вшытки о єй природным праві. Кед уж придеме на тот сьвіт, мусиме і одыйти. Одходиме же, зробивши в життю менше ци більше, адекватні до того лишаючи по собі памят потомних. Та памят ся тыж старіє і тратит. Лем записана – остає.

Поможме ій остати! Раз іщи звертаме ся до Чытачів Лемківського Календаря о поміч в редагуваню той рубрики. Кажде лемківске ци йому близкє життя вартат записати. Бодай лем малым словом, бодай лем меном і назвиском, датом і місцьом народжыня і смерти, місцьом походжыня роду. То наша істория.



30 марта вмерла **МЕДЛЕН ГЕРЕНЧАК**, професиональна съпівачка і педагог, народна діячка лемківской еміграції в Америці.

Вродила ся 1926 рока в Нью Йорку в родині лемківского емігранта. Мати походила зо Львова. Закінчила Нью-Йоркский Університет, отримуючи ступінь бакалавра з музичной освіті. Пак продолжувала студії в Колюмбійским Університеті, Джуліанскій Музичній Школі, Школі Катрін Льонг' в Метрополітенській Опері і Коледжу Вестністерского Хору.

Выступувати зачала під псевдонімом Медлен Чемберс. По здобыту перших нагород (1951, 1952), отримала стипендию на річну науку в Італії. В 1953 році виграла нагороду Маріан Андерсон в Нью Йорку, нагороды в медженародных конкурсах съпіваків, в Вервірс (Бельгія), Міляно (Італія). В мілянським Teatro Nuovo задебютувала тыж в опері (як Мусетта в La Boheme). В 1954 році виступувала як Мікаеля в „Кармен“ Бізета (Нью-Йорк). В 1956 році задебютувала в Метрополітен Опера „Чародійском флейтом“ Моцарта і оставала в тій реномуваній опері до 1960 рока, виконуючи дуже ріль і зberаючи барз добры рецензии.

По выході за муж (за Александра Геренчака, теперішнього редактора „Карпатской Руси“) зрезігнувала зо съпівачай карієры, посвячаючи ся з початку лем выхованю діті (дівка Валерія і сын Грегор), а пак і педагогічній працы. 23 роки викладала на Выдлі Музыки Пристонського Університету і Університету Стейту Нью-Йорк. Єй учениками были м.ін. Паркер Стівенсон і Жан Філіпс. Вчыла съпіву і приватні. Попри заводовых занятиях не забывала о середовиску, з якого вишла. Съпівала в церковным хорі, діяла в Лемко-Союзі. (Шырше читай – Карпатска Русь з 23.04.1999)



24 мая вмерла **ТАТЬЯНА САНДОВИЧ** (з дому Гальле), імость митрофорного протоієрея Максима Сандовича, сына Священномученика Максима.

Вродила ся 5 січня 1915 рока в Варшаві. Дім в Варшаві, в которым вродила ся і виховала, полний был любови до православія і росийських традицій, понеже мати єй, Анна, була дівком росийського офіцера, котрий за царським розказом прибыл до Польщі. Скінчыла варшавську гімназію з росийським викладовим языком і з огляду на предиспозиції учительки остала виховательком православних діти в парафії Св. Marii Мадалини в Варшаві. Літом 1937 рока, будучи з групом діти в Монастирі Св. Онуфрія в Яблочині, познала Максима Сандовича, молодого товдь клірика – Лемка, котрий прибыл ту зо своїм владыком з далекої Югославії (Максим Сандович, народжений в Талерофі, жив з матірю, Пелагією, в Підкарпатській Русі, яка була в юрисдикції Сербського Патріархату; одтale пішол до духовної семінарії в Беораді). Уж в жолтни того же 1937 рока Татьяна і Максим повінчали ся в церкви Св. Marii Мадалини в Варшаві. О два тыжні Максим приял з рук Митрополити Діонісія таїнство священства і попросил, жебы післано го на Лемковину, жебы крачати шлідами Мученика Максима, свого вітця. Так ся і стало.

Імость Татьяна, привыкнена до выгід столиці, вірні товаришила мужови. Найперше були в Баници (коло Ізб), потім в Устю Рускым. Ту по приході Німців наступили для ней тяжкы часы. Ігомостя Максима за одмову підписання української „льоялькы” арештувано і осаджено в ясельській вязниці. Осталася дома з малым Михасьом, котрий вродил ся ім такої пред розпочатом війни. Писала до Митрополити Діонісія, жебы заступил ся за о.Максимом, причынил до його звільніння. Повело ся токо, по семох місяцях катуваня і знущаня ся над вязненым. Але і так, выснажений, хворий, мусіл з розказу Німци лишыти Лемковину. Татьяна мужньо товаришила о.Максимови в його священничий дорозі. Од 1943 рока в Седльцах, пак был Дрогічын (1945-47), Білосток, Пухлы, Орля і зас Білосток, де осіли в 1964 році і де о.Максим служыл в церкви Св. Миколая аж до кінця своїх дні. Татьяна – матушка, бо так ю вшытки звали – была ціле жыття неструдженом виховательком і учительком. В Білостоку вела клуб для православной молодежы, вчыла тіж росийского языка в педагогічним ліцею.

Бл. п. Татьяна мала ся за Лемкыню. Была горда, же є женом сына Священномученика Максима. Кед збудувано в Горлицях церков, передказала ту церковну утвар од імене мужа, котрий не діждал великого свята канонізації. На місяц перед смертю, съвідома свого стану здоровля, повіла: „Жаль, што уж николи не буду виділа коханой Лемковини”. Думаме, же Єй дух ту вернул і вшытко єдно – єст з нами на Лемковині.



7 липця вмер **ЯРОСЛАВ МЕРЕНА**, народний поета і діяч, заводово – учитель (в тым і академіцкій), автор ряду фахових публікацій з педагогіки.

Вродил ся 12 лютого 1928 рока во Фльоринці, в родині Штефана і Марты Меренів. Няньо Ярослава, числячий ся в своїй громаді (был комендантом стражакской дружини, жакувал в церкви) постановил выслати го – по закінчыну сельской школы – вчыти ся дальше. В военний час не было то просте. Єдином реальному можливістю была покликана недавно

при німецькій апробаті Українська Учительська Семінария в Креници. Там і пішол Ярослав. Выселений 1947 рока на Зеленогірщыну, оберат подібний профіль і в уж в 1950 році скінчыт Педагогічій Ліцеї і такой одраз остає не лем учительом, але і керівником великої сельской школы. В 1953 році кінчыт студию для учителі середніх шкіл і такой в тым самым році отримує дипльом Академії Выховання Фізычного в Варшаві. Отримує працу в кураторії освіті а пізніше в Воєвідським Заряді Звязку Польского Учительства (ZNP). По перемінах 1956 рока барз актывні діє в неформальній лемківській організації. Не виходить му то на добре, остає зде'радуваний, зас занимат скромну посаду „простого” учителя. Не піддає ся єднак. В 1962 році кінчыт Выжшу Педагогічну Школу в Гданьску і отримує другій уж дипльом, на тот раз – магістра географії. Помалы зачынат ся зас двигати в професійній карієрі, жебы в 1972 році авансувати на директора великого комплексу заводовых шкіл Фабрики „ЗАСТАЛЬ” в Зеленій Горі. Выкладат тіж в зеленогірській Выжши Інженерскій Школі. В 1990 році переходит на емеритуру.

Ціле своє жыття оставил Ярослав Мерена горячым лемківським патріотом. В 1951 році женит ся з фльоринчанком, Юстином з Дубців. Як спомнено, міцно діял в другій половині 50. років. Його мешкання було місцем стріч не лем зеленогірських Лемків, приїжджаю до него наши ведучы діяче зо шырокого Заходу. Шувні писал. Даус з того поміщал на „Лемківскій Сторінці” „Нашого Слова”. В 1993 Стваришина видало (скромну што правда) збірку верши Ярослава Мерены „Моі вершы”. Был спілавтором (з Ярославом Зволінським) виданой в 1999 році обширной монографії о Фльоринці. Спілпрацувал з Редакційом „Бесіда”. Пару раз присыпал своі вершы. Редактор нагварял го жебы творил тіж прозом, жебы в тій формі написал своі спомини. Обіцяял, по деякых ваганях, написати о роках науки в Українській Учительській Семінариї в Креници. Не встиг. Шкода. Бо чомси никто не хце того зробити. Хоц вельох Його шкільных товаришів жыє і тримат ся при добрым здоровлю.

Шкода і зато, же проза, спомини Ярослава Мерены могли быти ціннейши, як народна поезия, которую творил. Є таке повіджыння што „поетом

ся є, або ся быват". Хоц – з другой страны – Мереновы верши, тоты красшы, і тоты даус слабшы аж бырміют великым залюблінью в земли вітців. Залюблінью до „великих” поетичных об'єктів і до „малых”:

Люблю Лемковину,
Єй поле і ліс,
Єй плуг і віз,
Єй поляну і потічок
І коляску і драбничок.
(...)
Єй небеса і єй хмары,
І вшытки єй дары.

І з том любовію остане Ярослав Мерена в нашій памяті. Бо велика любов не вмерат враз з чоловеком, записана же любов – не вмврат николи. (Біограffю списано на основі тексту Ярослава Зволіньского)



29 серпня вмерла **IRENA KOROBCHAK**, з дому Горбач, лікар і академіцкій учитель, адюнкт Кафедри і Клінікі Пропедевтики Педіатрії Лікарського Виділу Медичної Академії во Вроцлаві.

Вродила ся 31 грудня 1952 рока в Славні (вой. Кошалін) в родині переселенців зо східних „кресів”. Родиче (мати з Маковских) мали ся за Поляків, хоц коріня, особливі по стороні вітця выводило ся правдоподібні з білоруского ґрунту. Основну школу скінчыла в Славні. В роках 1966-71 вчыла ся в Медичным Ліцею в Кошаліні, де отримала сьвідоцтво дозріlosti і право виконування професії медсестры. По тій ленії кінчыт тіж в 1973 році дволітнє Учительське Студиум Середніх Медичных Шкіл во Вроцлаві, в тракті якого познає студента Вроцлавської Політехніки, Петра Коробчака, будучого мужа – Лемка о родових коренях в Баници к/Ізб. Та ніч выйде замуж, в непокорі молодости, в реченым уж 1973 році зачне студії в далеким Щецині – в Поморській Медичній Академії, хоц во Вроцлаві – як видатній абсолювентці Учительського Студиум СМШ – пропонувано їй там же посаду учителькы (не було то без значыння, беручы до уваги факт што з дому не мала достаточной помочы). Єднако Вроцлав был ій хыбаль писаний, як і муж – Петро Коробчак. Побрали ся початком 1975 рока і Ірина перенесла ся на третім році студий до Вроцлавської Медичної Академії. Неодолга вродил ся сын, Павел. Нелегкы обовязкы молодой матері, в кісным вынайтым покоічку, а пак в скромным – адаптуваным через мужа з пода – мешканю, не заламали завзятой студенткы. 29 червця 1979 рока кінчыт академію і отримує дипльом лікаря медицины, хоц в меджечасі, 10 грудня 1978 рока родит дівку, Агнешку. Два наступны рокы, по закінчынню студий, проходяцт Ірині на стажу в Ме-

дичний Академії, в тракті котрих отрумує она, хоць в неполним вимірі, затрудніня. Та уж з розпочатьом 1981 академіцкого рока стає ся в повним вимірі лікарьом в викладовцьом в Інституті Пропевдевтики Педіатрії тойже АМ. В 1983 році отримує першу ступен специалізації в обсягу педіатрії, о два роки отверат прыватну практыку, а о два наступны, в 1987-ым має за собом другу ступен специалізації. Перед ньом докторат. Боронит го 20 мая 1988 рока (промотор. проф. др габ. Данута Драк, тема працы: „Wpływ przewlekłej infekcji dróg moczowych na wybrane wskaźniki rozwojowe u dzieci.”) Того же рока (28 липця) авансує на становиско адюнкта Кафедры і Клініки Пропедевтики Педіатрії Лікарського Выділу АМ.

Числячи од першой клясы Медичного Ліцею, зышло понад 20 років науки, студий, підношыня кваліфікаций, понад дві десятки років выснажливого труду. Час було дакус oddыхнути. 2 жолтня 1989 рока бере Ірина Коробчак річний оздоровительний урляп. Ци годна була товды подумати же по десятюх роках піде одпочывать на вікі?

Нич на то не вказувало. Хоць дале в труді, але і полна радости ішла до сьвіта. Мож повісти – променіючы прикликувала до себе сьвіт. Передовшыткым по професії. Лічыла люди, знаньем медицины і харизмом, особовістю, чловечым усьміхом. І заєдно дужыла до досконалості. В 1990 році закінчыла курс акупунктуры в проф. Збіг'нєва Гарнушевского. Дужыла до досконалості во вшыткых аспектах, котры... спроваджали ся до єдного – доброты. Ірина лічыла аж і товды коли не лічыла. Бо людина, тата попри тобі, попри мі, николи не в полни здорована. Бо не в полни задоволена з жыття, бо... А Пані Доктор Ірина і такы „хвороты” лічыла.

Блаженnoй памяті Ірина не була з лемківського роду, але вписала ся в него барз міцно. Ци було ій то передвіщене? Адже іщи не знаючы будучого мужа любила ввойти до церкви, послухати церковного съпіву. А може кликал ю якысий внутрішній зов. А може було то, при вродженій благородності, дужыня до красы, а де як де – а в церкви красу найти мож. Мож найти інчий, нештоденний сьвіт, мож найти блаженну „хвороту”. А ци лемківський сьвіт не є таким? Тихым сьвітом, котрий свою трагедию в тужливій пісні несе?.. Та ци ввошла до него Ірина – жебы тужыти, ци лічыти го з туғы. Шануючы туғу, придавати ёй носителям жыття. Жыття в сьвіті, тот, од котрого втечы ся не даст... Нештоденніст в штоденности, штоденніст в нештоденности... Так як товды, коли замітала портовы докы, жебы заробити на студії.

Барз пережыла смерт матері, яка наступила 28 квітня. Неодолга захворіла сама, лікарськы баданя выявили страшенну хвороту – рака. Поставлена діагноза давала ій до девятьох місяци жыття. Муж і діти розпочали ропукливий бій о Єй жыття, до чого влучыла ся родина, знаемы, а теж численны люде, позірні посторонні, але преці з великим жычливістю – на яку заслужыла сой своім жытъом Ірина. Помогло то на лікуваня за границъом, в Льондоні. Помогло одложыти незахраний вырок о два рокы. Не старчыло на більше.

Похорон блаженної памяти Ірины приклікал величезне число люди, ріжних народності, ріжних віроісповідань. Горбок сурової землі над єй копаном могилом вкрыла така маса квітів, які пишучий тоти рядки нигда ішти не виділ, хоць по професії на похоронах нерідко суджено му бывать.

Не діджала ся бл.п. Ірина внука Миколая, якій вродил ся 23 жолтня 1999 рока. Та – судячы по выхованню діти – внуки, потомны не забудут о Ній. І квітія на бабусінім гробі ожывало буде заєдно.



18 жолтня вмер **ЯРОСЛАВ ФУДЖАК**, здібний музик, член Ансамблю „Лемковина”, музичний керівник Ансамблю „Ославяне”.


Вродил ся 1969 рока в родині народного діяча і кореспондента „Нашого Слова” Івана Фуджака (родом з Мысцовых). Будучы в середній школі, і маючи основну музичну освіту, молодым, 16 літнім хлопцем записал ся до Ансамблю Пісні і Танця „Лемковина”. Не пощестило ся му єднак в „Лемковині”. Коли ансамбль виїжджал в 1987 році на турне до Америки, не

змістил ся в окроенім через організатора складі; не з огляду на талант і знання, а з огляду на короткій стаж в ансамблі (шырше о причинах чытай допис *Вроджений з гушлями* Андрія Копчы в tym календарі). Наступного, 1988 рока перешол до Ансамблю Пісні і Танця „Ославяне”, і з ним виїхал на турне за океан. Гral в ансамблі на акордеоні, а по повороті з Америки зачал вести під музичним оглядом реорганізуючийся ансамбль. На початку 90-ых років був тіж єдним з засновників Ансамблю Пісні і Танця „Кичера”.

Для підвиження освіти і музичних знань вступил до Вищої Педагогічної Школи в Ряшові, потім же Коледж Англіцкого Языка в Ряшові і Ліцензият Англіцкого Языка при Шлеским Університеті в Катовицях. В 1997-1999 роках був Він викладачом англіцкого языка в ліцею в Ряшові і в Вищий Школі Інформатыки і Заряджаня в Замостю.

14-15 серпня враз з Ансамблём „Ославяне” взял участ в Фестивалю Кресової Культуры в Мрон'ові. Потім несподівано захворіл і по нецілым місяци вмер в ряшівсьм шпиталю. Там і, на цымнтері Побітно, в недалекій, але чужій землі, судженым було Му быти похороненым. Та нашол і там, як і за жыття, посмертну пошану. Пришло Му oddati остатнюю послугу велике число люди, в tym представників Ансамблю „Ославяне” і знаменитого студентскога хору з Ряшова.

Кажда смерт болить, але смерт приходяча так завчасу болить особливі. Болит і тых, до которых міг ёс мати жаль. І кед чуєш, Ярославе, одтамале, де помістил Тя Добрый Бог - выслушай того малого голосу. І выбач. Слово о Тобі ё за короткое. Глядал ём джерел о Твоім недолгым жытю, але може ём глядал за слабо. Тіж выбач.



26 жолтня вмер **ВАСИЛЬ ХОМЯК**, народний патріота, oddаний, заслужений і доцінений церковний діяч.

Вродил ся 3 квітня 1920 рока в Яшковій, в селянській родині. Родиче мали п'ятьох синів. Василь був найстарший. По ним вродилися іщи: Штефан, Ярослав, Андрий і Ваньо. Часом добре бути найстаршим, але лем часом. Василь мусів ходити до школы до Брунарі, бо в невеличкій Яшкові школу побудувано аж товді, коли йому на ню час виходив. Скористали з ней лем молодшы братя.

Війна застала Василя уж повнолітнім, але в полнолітності треба бути і зmysним, быстрым, жебы не дати ся заскочыти такым катаклізмам як війна. Минули го щесливі роботы в Німеччині. Молодо, бо на 21 років, 29 мая 1941 р. оженил ся в дост далеким од Яшковы Устю Рускым – з Меланійом Ковальчык (з роду Даньковських). Хоц окупант не звертал уваги на такы „дрібнички”, як маюча ся народити дітина, Васильови вело ся оминути німецкы параграфы. „Вымиг’ал” ся аж і втowды, коли забил якысу лісову звірину і приїмали го Німці коли ю акуратні гу обистю звлікал. Втюк і пред окопами. Правда, взяли за него до окопів його жену, але і тот факт обышол ся без великих консеквенций, в тым і моральних. Нич муж, Василь, встиг ся застановити над заміном, жені повело ся выпросити в Німців (хоц не дали ся скорше дітхнути січовики) звільніня, з огляду на дрібны діти, і вернути бoso домів. В час пересеління 1947 рока до Явожна взяли вітця. Парадокс: „людова” власт, котра выімувала „бандерівців”, взяла Александра Хомяка, хоц „хlopці з ліса” (з якысого oddілу УПА, котрий загнал ся аж в totы околиці) міцно го побили акуратні зато, же не дал на іх службу ани єдного з п'ятьох синів. Так приложила му „Людова”, што ледво жывий вернул гу своім, уж на выселіню.

Василь з родином замешкал в Рудній. Занял невелику газdівку, зато дораблял кінми, фирманил. І вельо, барз вельо сил oddавал Церкви. Трудно повісти – ци tota велика пасия, oddаня Церкви, вродила ся іщи товді, за 7-8 літнього хlopця, коли горіла акуратні ідея повороту до православія, ци тіж xtіl одвдячыти ся доли, што оминяли го нещестя, котры десяткували інчых. Дост – же парудесят років жыття oddал Церкви. Там, в Рудній, помогал організовувати нашу парафію, был долголітнім церківником, враз з братом Андрийом, одбудувал знищену війном дзвінницю євангелицкой святыні, предназначеной свого часу на церков. А робота была тяжка, небезпечна, на великий вискости, до якой не было охочых і одважных. В іх домі заєдно затримували ся люде, што з дальших сторін тягнули ся до святыні.

По повороті на Лемковину, до Устя в 1971 році (жена вернула скорше), тіж з великим заангажуваньом влучыл ся в церковну діяльніст.

Церков доцінила його довголітні труды на тій ниві і нагородила го Орденом Св. Марії Магдалини.

Василь і Меланія (вмерла в 1997 році) Хомякі выховали четверо діти – Мирославу, Анну, Меланію і Миколая. Миколай був членом Ансамблю „Лемковина”, Меланія ангажувала ся в охорону памяток нашої матеріяльної культури, а Мирослава... Єй великий труд при організації лемківського шкільництва, при воздвиганю нашої бесідь на рівень кодифікованого языка знає не лем наш лемківській съвіт... Частка родичів остає в дітьох, часом в безпосереднім виді, часом перетрансформована. Але з хосенним добром. Коли оно єст.

29 грудня вмер **ОСИФ МАМРОШ**, народний патріота, ґазда, якій подібно до історичного Джымалы завзято борол ся о свою вітцьовизну.

Вродил ся 7 жолтня 1911 рока в селі Ріпки, де проживав до часу депортациі в червці 1947 рока акційом „Вісла”, з причини якої нашол ся в Добєгнєві (Гожівщина). В 1957 році повело ся му вернути до рідной, хоц знищеної хыжы в Ріпках, яка стояла ішы порожня (так як пару інчых в тым оддаленым од съвіта селі). Замешкал на своім іпотетичним маєтку. „Людова владза” конче хотіла выселити го враз з родином на недавне місце выгнаня, але його фізyczна і духовна сила не піддали ся пресії місцевых урядників і міліції. Село Ріпки було в цілости в ужыткуваню Рільничого Технікуму. Коли не повело ся выгнати бл. п. Осифа Мамроша з його власной хыжы ішы раз, крівник господарства Рільничого Технікуму наказал вшыткы хыжы, што остояли ся ішы і надавали ся до земешканя, порозтігати тракторами, жебы уж нихто не міг вернути ся зо Заходу на своє рідне, до Ріпок. По трьох роках звернено Оифови Мамрошови поле, але без ліса. Тепер Ріпки розпродала Агенція Скарбу Державы – на переторгах, варшавякам і інчым. Тепер неє уж в Ріпках рільничих ґаздівок, неє церкви і будинку школи. Церков в 70-ых роках переказано до саноцького скансену, але правдоподібні до днес єй не поставлено.

Покійний Осиф ціле своє жыття не стыдал ся свого, любил вшытко наше. Барз переживал як його рідне село гыне. Хотіл за всяку ціну затримати хоц церков, в якій ішы до часу розобраня раз до рока, на кермеш – Рождество Пресвятої Богородиці одправляно богослужыня. (За текстом П.Повазника, Наше Слово № 12 (2225)



З МІСТ

Слово на пращаня другого тисячоліття	3
Скорочений календар на 2000 рік	7
Календарий, Історичны даты	8-31
Іван Русенко – Лемковина	9
Іван Сенько – З біографії Івана Цицяя	13
Арсеній Коцак – „Научившися рамматици...”	15
З листу Митрополиты Левицкого	17
Верх Бескіда зеленого (пісня з записів О.Кольберг'a)	19
Мирон Колошняй – Спомин дітиńства	21
Юлиян Тамаш – О пороху	23
Марія Остромира – Лемківщина в оgnі (выімок)	27
Димитрий Вакаров – Вітчyzні	29
Александер Павлович – „Гыне тма...”	31
Скорочений календар на 2001 рік	32
(пт) – Десятинны річниці 2000 рока	33
Петро Трохановскій – Княжий град Санок	46
Василь Пагиря – Михайл Andrепла (1637 – 1710)	51
Петро Трохановскій – Йоан Кутка (1750 – 1812), його епоха..	53
(пт) – Примірки словництва з „Катихисісу” о. Йоана Куткы	58
Петро Трохановскій – Конфедераты на Лемковині	60
Владимір Хыляк – Шыбеничний верх	65
Бодан Горбаль – Пару слів о єдній ленії Дуркомтів	70
Олена Дуць-Файфер – Клавдия Алексович (1830-1916)	75
Клавдия Алексович – Заморочена	80
Бодан Горбаль – Гавриіл Гнатишак (1850-1916)	91
Олена Дуць-Файфер – Іван Русенко (1890-1960)	94
Олена Дуць-Файфер – Василь Чернецкій (1837-1900)	101
Сусанна Михаляцкій – Русинія в Америці, 1900-2000	106
Ваньо Гунянка – В Америці	117
Олена Дуць-Файфер – Петро Поляньскій (1863-1910)	120
Андрій Копча – Вроджений з гушлями (до 60-ліття Ярослава Трохановского)	126
Петро Мурянка – Біла смуга, біла смуд	136
Петро Трохановскій – З лемківским языком до академічных саль (до 40-ліття Олени Дуць-Файфер)	138
Дітям малым і величким, Русинъскы байки – Кресанчык	147
Одышли од нас (1999)	152

ISBN 83-909790-2-2

